



7

7-E

36



CC.2.

XIX. 1. 33.









22

# INAVGVratio

Philippi II. Regis Hispaniarum,

*qua se*

Iuramento Ducatus Brabantiae & ab eo dependentibus Provincijs obligavit,

*cum*

*Substitutione Ducissae Mariae Gubernatricis.*

Adjuncta sunt quaedam alia huc spectantia, unitis  
Provincijs utilissima.

Authore

HENRICO AGYLAEO senatui Provinciali Ultrajectino  
à Consilijs ejusdemq; fisci Advocato: qui Articulos Inaugurationis, Commentarijs illustravit.



VLTRAIECTI.

Ex Officina Abrahami ab Herwijck.


Anno 1620.

4





*AMPLISSIMIS NO-  
bilibus Generosisque Dominis. D.  
Ordinibus Provinciae Ultrajectinae.*

roprium est Principum munus, Amplissimi, Generosi & Nobiles Domini populum regere, gubernare, paternoque affectu complecti, & pascere: unde apud poetas, Pater Æneas, Agamemnon populorum pastor, aliaque his non dissimilia toties repetuntur. Quoniam autem qui aut ignorantiae, aut indolis pravitae, aut malis consilijs eo munere secus uterentur subinde existerent: inventae sunt Principatus leges, sive Regiae, quibus in officio continerentur. In ijs vero quam diligentes majores

# DEDICATIO.

jores nostri fuerunt, præter multa  
sane alia testis est Inauguratio Bra-  
bantina, testis hæc ipsa Constitutio.  
Cujus quidem diligentiae vestigia,  
quod tantopere neglecta sint, quas  
illi calamitates vitarunt, nos vitare  
non potuimus. Et cum eadem ne-  
gligentia tantum non perierimus:  
Deus autem pro immensa sua mise-  
ricordia instaurandarum rerum oc-  
casionem præbuit, nihil profecto  
nobis debet esse prius quam ut ad  
majorum diligentiam summa cum  
alacritate redeamus. Quamobrem  
optime mihi de Republica mereri  
videntur, qui majorum studia, pru-  
dentiam, leges, quibus se in foelici li-  
bertate continuerunt, in publicum  
proferunt, & si res ferat, illustrent.  
Cujus respectu in pacificatione Co-  
loniensi

# DEDICATIO.

lonienſi magna cum diligentia requiſita fuerunt exemplaria Inaugurationis potentiffimi Regis Hiſpaniarum Philippi ſecundi, in Ducatu ſuo Brabantiaë, & provincijs ab eo dependentibus: quæ non ſine magna difficultate obtineri potuerũt, etiamſi ſint baſis & firmamentum rei inter Belgas controverſæ, è qua fundamenta belli emanarunt, & in hoc uſque tempus ſeſe per diverſas occaſiones propagarunt. Pater, meus *Henricus Agylæus* Provinciali Ultrajectino ſenatui à Conſilijs & fiſci Advocatus, operam eam navavit, ut non tantum ipſius Inaugurationis exemplar è chartis Brabãticis extra- xerit, cum Brabantus eſſet, & præci- puis quibuſq; familiaris, ſed Com- mentarijs etiam ſuis illuſtrarit, adje- cerit.

(?)

cerit.

## DEDICATIO.

ceritque ea quibus multa præclara  
 universo Belgio (quatenus uni Prin-  
 cipi paruit) communicantur, & Res-  
 publica haud parum tum afflicta re-  
 focillata, propeq; instaurata fuit. Hæc  
 omnia per homines malignos diu  
 interversa, cum sit ejusdem Consi-  
 liarij filio Iohanni decretum in lucem  
 edere, ut per eatum vestræ A. & G.  
 N. hoc nomine innotesceret, tum  
 publico bono servire se paratum esse  
 ostenderet, patris hoc posthumum  
 scriptum dedicare, & vestræ A. &  
 G. N. nomini inscribere visum fuit.  
 Causas habuit, quia hæc spectant  
 Iura politica & summam Privilegi-  
 orum, quorum defendendorum causa  
 Illustrissimus & nunquam satis lau-  
 datus P. M. Princeps Auraicus olim  
 nullas quantascunq; difficultates aut  
 peri-

## DEDICATIO.

pericula evitavit:& nunc Mauritius  
 Dei gratia Princeps Aulicæ filius  
 ejus, vestigia Illustrissimi parentis In-  
 gressus, ut Privilegia facta & tecta  
 conservarentur, Provincias, abolitis  
 ac tantum non prostratis Privilegijs  
 in servitutem redactas, juri suo resti-  
 tuit, & in libertatem avitam vindi-  
 cavit, cum immortalis nominis sui  
 gloria, & noctes atque dies id agere  
 pergit, ut porro ea quæ desint adhuc  
 continuando heroico isti cœpto huc  
 usque producto, ad optatū tandem  
 finem Provincijs hisce confœderatis,  
 dignitate & respectu per universum  
 Orbem terrarum auctis, opibusque  
 florentibus, perveniant. Quoniam  
 vero illa totius Belgici populi qua-  
 tenus tum unum Principem habuit,  
 opus est. Accipite igitur Ampl. N.  
 G.D.

# DEDICATIO.

G.D. Ord. benigno vultu idem opus, quod vobis optimo jure debetur, ac publice & privatim magno usui est futurum, & actionum vestrarum, qui hujus Provinciæ Gubernacula tenetis, tanquam publicum testimonium fieri permittite; quas præclaras vestras actiones ut Deus Opt. Max. uti cœpit, prospere porro pergat, serijs ab eo petendum precibus.

Tum eundem Amplissimi Nobiles Generosique Domini Ordines, Deum Opt. Max. precor ut vestris Consilijs benedicere pergat, vosque adversus hostium insultus diu incolumes tueatur: Trajecti Batavorum;

*Vestra A. & G. N. addictissimus I. Agylant.*

**INAUGURATIO,**  
*sive pactæ Juratæque condi-*  
*tiones, secundum quas Hispaniarum*  
*Rex Philippus, à populo Braban-*  
*tico, in Brabantia Ducem*  
*est receptus.*

**PRÆFATIO.**



**C**AROLVS DEI  
gratiâ Imperator Ro-  
manorum semper Au-  
gustus, Rex Germa-  
niæ, Castiliæ, Leo-  
nis, Granatæ, Arrago-  
niæ, Navarræ, Neapo-  
lis, Siciliæ, Majoricæ, Minoricæ, Sardinia, &  
insularum Indicarum, terrarumque in Occ-  
ano continentium: Archidux Austriæ: Dux  
Burgundiæ, Lotharingiæ, Brabantia, Lim-  
burgicæ, Luxemburgicæ, & Gelriæ: Comes  
Flandriæ, Artesiæ, & Burgundiæ: Palatinus  
Comes Hannoniæ, Hollandiæ, Zelandiæ,  
Pherretriæ, Hagenhaldiæ, Namurci, & Zut-  
phaniæ: Princeps Sueviæ: Marchio sancti  
Imperij: Dominus Frisiæ, Salinarum, Me-  
chliniæ, Provinciæ Trajectensis, Transisula-  
niæ,

niæ, & Groningæ : Dominator in Asiâ & Africâ : Et nos PHILIPPVS eâdem gratiâ Princeps Hispaniarum, utriusque Sicilia, Hierosolymæ, &c. Archidux Austriæ: Dux Burgundiæ, &c. Comes Habsburgi, Flandriæ, &c. Omnibus, qui ista visuri sunt, S.

¶ Non minus necessaria, quàm præclara voluntas Principis erga suos.

Quo magis huius tractus hæreditarijs nostris provincijs, earundemque incolis, devotis fidelibusque nostris subditis, syncerum nostrum erga ipsos ostendamus amorem, favorem, toriusque animi nostri, quem nos Imperator semper erga eos habuimus & adhuc habemus, affectum: cum profectò nihil aliud <sup>4</sup>cupiamus, quàm quod ad communem ipsorum pertineat prosperitatem, tranquillitatem, pacem, atque securitatem: evocandum huc curavimus charissimum nostrum filium, Hispaniarum Principem, ut & ipse simul easdem provincias perlustrare & cognoscere, simul incolis earum syncerum suum erga ipsos ostendere amorem, animique sui affectum possit: quò videlicet ipsorum quoque animi eò magis in ipsum, tanquam futurum ipsorum Dominum atque Principem, inclinent, ipsique devinciantur. Atque ideo etiam alijsque gravibus de causis, decreto facto efficiendum



dum duximus, ut ab Ordinibus omnium earundem provinciarum, & inter ceteros à Prælatiſ, Nobilibus, & quatuor Ducatus noſtri & provinciæ Brabantix metropoli- bus, in futurum ipſorum <sup>b</sup> hæreditarium ſu- premum Dominum atque Principem reci- piatur, atque ut talis inauguretur, eidemque fidelitatis juſ-jurandum præſtetur: quò poſt obitum noſtrum ipſe ejuſque hæredes eun- dem noſtrum Brabantix Ducatum, quæque ad eum pertinent, ut juſtus veruſque ejus Dominus, obtineat. Quæ omnia iſdem tribus Brabantix Ordinibus, nobis, chariſſi- mæque ſorore noſtrâ, Dominâ Mariâ, Hun- garix Bohemixque Reginâ, &c. per abſen- tiam noſtram earundem noſtrarum hære- ditariorum Provinciarum Gubernatrice, præſentibus, proponenda curavimus: ſimul etiam hanc noſtram voluntatem & fuiſſe & eſſe, ut idem noſter filius, Hispaniarum Prin- cept, tanquam futurus noſter unicus hæ- res, <sup>c</sup> iſſis etiam concedat, promittat, ac ju- rejurando firmet Inaugurationem, ſecun- dum veterem morem & conſuetudinem. Verum quia in Inauguratione illâ, in quam nos majoresque noſtri juravimus, expleta ſunt nonnulla, ac nonnulla etiam, quò ad tranquillitatem, pacem, proſperitatemque

<sup>b</sup> Non ante hæreditariæ quàm in le- ges Principatus jura- rit.

<sup>c</sup> Eggeſia moderatio animi Caroli, qui quan- quam poſt tot victorias terror orbis de abſolutâ poteſtate ne cogitaſſe quidem vide- tur, quam ejus filius mala conſilia ſequutus in- volare tot jam annis al- titur.

A z

ejuſ

## Inauguratio Philippi II.

<sup>d</sup> Malis consiliarijs usus omnino recessit à propositis

<sup>e</sup> Per pauca mutata sunt, ut in commentario ostenditur,

eiusdem provinciæ non faciant, haud commodè observentur : quia etiam idem noster filius, quæ concedet, promittet, & in quæ jurabit, ad amissim & exactè observare atque explere<sup>d</sup> proposuit & cupit : de recognoscendâ expendendâque Inauguratione nostrâ, cum iisdem tribus Brabantiae Ordinibus communicandam curavimus, ut quid in illis leniri mutari conveniret, animadvertere ipsi possent, & quæ deprehenderentur observari non posse, reformarentur. Cum autem eâ de re sæpe cum ijs in consilium itum atque deliberatum esset, post multos variosque recessus, consultationes, opiniones, renuntiationesque ultro citroque factas, <sup>e</sup> consenserunt tandem atque acquieverunt, prout ex ipsorum consignatis eâ de re tabulis constat. **P O S T Q U A M** verò nos Princeps à Domino nostro Patre juratam Inaugurationem, illique additas epistolas & additiones, & alias simul Aravi nostri epistolas & concessiones, quarum in postremo Inaugurationis capite fit mentio, unâ cum mutationibus, reformationibus, atque additionibus, pro tenore jam dictarum tabularum factis, omnibus bonâ fide in Hispanicam linguam translatis, & legi audivimus, & cognovimus, & plenè intelleximus :  
cum

cum pro desyderio Domini nostri Patris,  
 Provinciae Brabantiae in commune, sive in-  
 colis ipsius, jura ipsorum, privilegia, immu-  
 nitates, consuetudines, usus & traditiones  
 observare & velimus & cupiamus : <sup>f</sup> consy-  
 deratis praesertim magnis illis multifarijs-  
 que ipsorum officijs, favoribus, atque fide  
 foelicis memoriae majoribus nostris, Bra-  
 bantiae Ducibus & Ducissis, ac inter ceteros  
 Domino nostro Patri Imperatori saepenu-  
 mero exhibitis (quomodo quidem id illi  
 legitimis suis Principibus, ut fideles subditi,  
 facere tenebantur ; quodque ipsum etiam  
 illos deinceps nobis facturos confidimus)  
 de consilio & consensu Domini nostri Pa-  
 tris, scientes prudentes, in hac nostri in civi-  
 tate Lovaniensi receptione atque inaugu-  
 ratione, concessimus quoque illis, dedi-  
 mus, approbavimus, & concedimus, da-  
 mus, approbamus ea quae sequuntur pri-  
 vilegia, & capita confirmationemque juris:  
 pro nobis, haeredibus, successoribusque no-  
 stris <sup>g</sup> jurato promittentes, post obitum Do-  
 mini nostri Patris (cui Omnipotens Deus  
 muturnam foelicemque vitam concedat) ea  
 nos in perpetuum inviolata servaturos, at-  
 que ut ita servantur, curaturos,

<sup>f</sup> Si hæc  
 Philippe  
 debite ex-  
 pendisset,  
 nunquam  
 ira exorbi-  
 tasset.

<sup>g</sup> Hujus ju-  
 ris jurandi gra-  
 tiamne tibi  
 fecerit ho-  
 mo? At mihi  
 crede, non is  
 est Deus, qui  
 sibi obstri-  
 ctos delege-  
 re homini.

## COMMENTARIUS

*Ad Præfationem.*

**Q**UOD in Romano Imperio fuere Præsides, in Germanico sunt Duces, Comites & Marchiones. Sed annui fuere illi, & ut plerunque ubi præerant, erant peregrini: sic finito magistratu omnino erant privati, & quasi alieni. Hi verò ferè sunt indigenæ, & non modò perpetui: verumetiam dignitatem ad posteros transmittunt. Illi erant Principum ministri, summoque titulo atque authoritate Legati: hi sunt Principes ipsi, Reguli, & quatenus fines ipsorum pertingunt, quasi Imperij consortes. Et cum Lucanus Romani Imperij naturam describens, dixerit: *Nulla fides regni socys, omnisq. potestas Impatiens consortis erit*: mox apparet, quantum inter Romanum Germanicumque Imperium discrimen sit. Quod qui non animadvertunt, cum de Imperij rebus loquuntur, incredibile est quàm hallucinentur: præcipue verò, cum quæ in juris libris de Principum potestate inveniunt, horum temporum Principibus accommodant. Sed de discrimine illo passim in hoc est scripto tractatum:

tum : quemadmodum etiam de omnibus administrandæ reipublicæ generibus : idque ni fallor , ita , vix ut quicquam pro hujus scripti ratione desyderes. Imperatorem tamen hi Principes pro capite atque supremo magistratu agnoscunt , ut à quo provincias suas administrandas suscipere , cuique obsequij & fidei jurati sponsonem facere debeant. Sic Godefridus Barbatus Lotharingiam inferiorem , postmodum Brabantiam appellatam , ab Henrico ejus nominis quarto Imperatore , administrandam suscepit : cum illa aliàs cum superiore , aliàs ut Marchionatus ab Imperio administranda suscepta esset. Et fuit Brabantia Godefridi posteris hæreditaria : ita tamen , ut qui succederet , populo Brabantico in certas conditiones jurare deberet. Quod qui facere detrectaret , nihil illi Ducis filium esse , quantum ad successionem , prodesset. Et quod contra naturam clientelarium provinciarum est , foeminæ etiam in Brantiæ administrationem successere : sed videre nemini Philippi Imperatoris diploma , quo illud jus Henrico ejus nominis primo Brantiæ Duci indulsit. Atque hac ratione Carolus Brabantiam hinc hæreditariam provinciam vocat. Quod quam vim habeat , illustri hinc exemplo do-

cetur. Fuit Carolus Princeps longè potentissimus, & Imperator: fuit Philippus unicus ejus filius. Proposuit Brabantiae Ordinibus Carolus, juratam à se Inaugurationem, in quâ multa esse diceret, quæ aut tolli aut mutari deberent, ut in eam etiam Philippus juraret. Neque dubium est, quin istiusmodi multa Caroli nomine proposita fuerint, eùm hîc tot consultationes super ijs habitæ memorentur. Sed videamus, quantum in eo à Carolo sit obtentum. Ex Carolinâ Inauguratione septem capita expuncta invenio, quorum quinque nullius prorsus sint momenti, reliquorum verò alterum habeat, ipsum neque multas neque crimina condonaturum, neque Officiarios aut constituturum aut destituturum, neque functiones publicas magnæve dona daturum, nisi de consilio & approbatione communis Consilij Brabantici, aut minimum eorum quatuor, quorum nomina in diplomatibus ponerentur: alterum autem, ipsum neque Præfectum neque Quæstores Brabantiae vel constituturum vel destituturum citra consilium & consensum totius Consilij Brabantici, minimumve sex eorum, quorum similiter nomina in diplomatibus scriberentur. Quæ parvi momenti

esse,

esse, ego certè non dixerim : cùm incognitum mihi non sit , quàm illa per Principes aulicorum consilio expediri , sit periculosum. Quæ aulicorum cupiditates & artes sunt , ego & reipublicæ & Principum magno opere interesse puto, publicorum negotiorum quàm paucissima illorum procurationi, suggestioni, consiliove permitti. Quòd quintum caput ita mutatum est, ut cùm absente Principe summa rerum penes Consilium Brabanticum antè fuisset , nunc penes Gubernatorem esset : diuturna Principis absentia ejus rei fortè justa causa fuit visa, Nonum caput hoc etiam passum est , ut cùm antè Cancellarius non crearetur , nisi de consilio Consilij Brabantici, aut saltem sex eorum , qui illum idoneum esse , jurari deberent: nunc deinceps à solo Principe creari posset : quod ejusdem notæ est cum ijs, quæ mox de Præfecto, Quæstoribus , alijsque Officiarijs creandis diximus. Addi ad hunc cumulum posset captiosa illa exceptio : *quatenus observationi subjecta sunt, atq; observari possunt* : postremo Inaugurationis capiti inserta. Et sunt nonnulla alia mutata recensve addita , sed quæ tanquam reipublicæ noceant, notari nequeant. Quin tamen multò & plura & graviora

Carolus urgenda curarit, dubium esse illi non potest, qui quæ tum ratio aulæ ipsius fuerit, cogitet. Et quantâ molestiâ atque importunitate hæc obtenta sint, abundè testatur hæc ipsa præfatio. Quid verò animarit Ordines, ut tantorum Principum desyderijs reniti & adversari sustinerent, rogas? Prout nunc Imperium est, quicquid ad illud pertinet, una quasi respublica est, eaque libera. Ipsum Imperij supremum caput, non nisi commodis, quæque populo placeant, constituitur conditionibus. Reliqui verò Principes cùm ejus clientes sint, ab eoque confirmari debeant, qua ratione plus juris, quàm ipse, habeant? Et verò monstri simile esset, si qui absolutam potestatem habet, ei qui circumscriptam habet, parère debeat. Et in republicâ partem aliquam contrariæ conditionis esse, quàm esset & iniquum & absurdum? Hæ ergo rationes & exempla majorum animarunt Ordines atque adeò coëgerunt: ac verò nisi pro eâ, quam à populo habebant, potestate, desyderijs illis restitissent, prodicionis notam incurrissent: & quod gratiæ fortè datū esset, irritum fuisset. Hæreditaria igitur dignitas hoc tantum habet, ut si hæres condiciones præstandas suscipere velit, alijs præferatur. Neque verò hoc



hoc mirū videri debet, cū qui dignitatem habet, si adversus conditiones faciat, removeri possit. Quæ in progressū suis quæq; locis commodius videbuntur. Cæterum quò hominum elegantiorū judicia præveniam, cogor hīc nonnihil de ratione versionis dicere. Quisq; æquior aut saltem politicus conceder, istiusmodi scripta publica, cujusmodi Inauguratio est, si in alienam linguam transferantur, quàm maximè accommodari debere intellectui corū, qui illa aut composuerunt, aut quibus in frequenti usu sunt. Cū autem qui Inauguratione maximè utitur, quomodo etiā pleriq; omnes qui in rebus publicis versantur, assueverūt nonnullis vocibus, partim in Latinā lingua prorsus barbaris, partim à Latinè loquentibus non satis receptis, ijsq; etiā in Germanicā atq; Gallicā lingua utātur: si quis Inaugurationē aliud vè istiusmodi scriptum è Germanico Gallicove Latinū faciens, istiusmodi voces rejicere, atq; in carū locum prorsus Latinas ponere velit: præterquàm quòd faciet, ut qui juvari ipsius labore maximè cupiant, rem minùs, quàm antea, intelligāt, etiā nonnullis locis sententiā pervertet. Novæ res nova vocabula possunt, aut veterum etiam novam significationē. Si ipse Cicero hisce temporibus viveret, non-

nonnullis vocibus uti detrectare non posset, quas elegantiores ut omnino barbaras condemnant. Si utendum foro est, recusare id in ratione Latinæ linguæ nequaquam ille poterit, qui in foro versari velit. Quod eò rapi nolim, tanquam barbariem propugnem: quam in libero dicendi genere ut ipse quantum possum vito, sic etiam ab alijs vitari summopere velim. Vt igitur recepras in nostro idiomate voces utcunque Latinas, & nonnullas etiam omnino barbaras retinerem, hæc me rationes movere. Ejus autem sortis sunt, deputare & deputati, pro delegare aut committere, & delegati, ac simpliciter etiam pro legare, & legati: commissarius: inventarium: originales tabulæ: sigillator: informatio: certificatio: supplicatio, pro libello supplice: & nonnulla istiusmodi alia. Sic etiam retinui, feudum: feudalis: vassallus: dominium, pro prædio nobili: Scabini. Neque mutare potui, Baro: Baronatus: Ducissa: Marcgravius: Prælatus: & siqua sunt similia. A voce, officium, pro munere publico, vox officarius, ut à voce beneficium beneficiarius, quàm vox, officialis, nonnullis concinnior videtur: atque ea in genere pro eo utor, qui officium sive munus aliquod publicum habet: quanquam illa

illa apud veteres nullos (quod constet) hæc apud Iurisconsultos atque etiam apud Apulcium inveniatur. Officiarios igitur voco, quotquot sub Principe in Brabantia munera aliqua publica tenent : quanquam Drossatum Brabantiæ, Præfectum Brabantiæ appellem : quomodo etiam Meierum Lovaniensem, Amptmannum Bruxellensem, Ballivum regionis in Brabantia Gallicæ, Schultetos, & Vosteros, omnes Præfectos nomino, ex addita voce dignoscendos : idque à generali significatione vocis, Præfectus. De quibus disputationem instituere, mediocris libelli ferè opus esset. Pagos autem majores, quæ libertates vulgò vocantur, municipia vocare non alienum putavi : ea voce tamen aliquando largiùs utor, ut civitates, quæ metropoles non sint, complectar. Et frequens est loquendi modus, quo pacta in Inauguratione facta, Inaugurationem voco : quæ eadem figura vulgò, Lætus introitus, dicuntur.

*Nihil*

*Nihil vi, sed omnia ex præscripto juris fieri, & dies juridicos observari debere.*

## CAPVT. I.

Hujus ita oblitus fuit Carolus, ut reorum defensionem etiam capitalem esse jussit, multaque millia quasi indictâ causâ trucidarit: sed ejus filius eam rem ita exasperavit, ut populus tandem armis se tueri coactus sit.

**P** R I M V M, nos illis justî fidelesque Domini sumus futuri: nullo modo vim illis aut injuriam facturi, fierive passuri: non nisi ex præscripto juris cum illis acturi, agive permissuri. Et quidem cum Prælati, religiosi domibus, Baronibus, Nobilibus, aliisque incolis civitatum, municipiorum, totiusque provinciæ Brabantiaë & Transmosanaë, in omnibus causis agemus, agendumque curabimus ex præscripto juris: idque secundum jura cujusque civitatis & judicii, ubi quidque agetur. Debent autem ejusdem provinciæ judices exactè observare juridicos dies, neque ullo modo committere, ut illi prorogentur, nisi in causis Principatus: in quibus quidem id semel fieri poterit, sed non sæpius.

COM.

## COMMENTARIUS.

**T**RECENTIS & viginti abhinc annis Latine edidit Brabantiae Dux Henricus ejus nominis secundus constitutionem, sive potius testamentum suum, in quo inter caetera haec sunt verba: *Quod ex nunc in antea homines terra Brabantiae communiter per judicium & sententiam tractabuntur.* Ex quo prior hujus capituli pars originem ducere videtur, ut ferè ex diversis diversorum Principum pro renata factis promissis, tandem pactorum, quae Principes in Inauguratione jurejurando confirmarent, coacervatio facta est. Antiquum est, Ex malis moribus bonas leges nasci: & ex his verbis ejusdem constitutionis, *Cupientes saluti animae nostrae consulere:* videtur Dux Henricus alicujus in contrarium commissi poenitudine ductus, illud constitui. Sed cum ipso jure Principes primarij legum custodes sint, superfluum videri possit statuere, ipsos ex legum praescripto cum subditis agere debere. Sit id quidem ita. Sed quemadmodum belluae nunquam satis circumscribi possunt, ne noceant: ita legum repagula, quibus Principes

cipes contineantur, non possunt nimis esse manifesta. Quanquam enim ipsi natura boni sint, vix tamen fieri potest, quin in tam corruptis aularum moribus, & inter tot adulatorum artes, non facile efferentur. Quamobrem & Dux ille bene fecit, qui id statuit, & Ordines meritò primum illi in Inauguratione tribuere locum. Qui quòd vim abscire, addidere, per interpretationem factum est, cum legis sive juris executio satis vim excludat ipsa. Sed (ut dictum est) repagula illa non possunt nimis esse neque firma neque manifesta. Et quidem horret animus meminisse, quàm impotenter, ne dicam belluinè, repagula hujus ipsius capitulis proximis quinquaginta annis sint perrupta: quibus à fide dignis traditur, omni genere lanienæ, longè supra centum millia hominum, præter jus fas, hoc tractu tam exiguo, esse consumpta. Sed obgauniet fortè Iuriconsultulus aliquis, jure illos esse necatos, ut ex Principis placitis. Sed cum Principibus per tertium Inaugurationis caput nihil consignare liceat, quod in cujusquam subditi detrimentum vergat: quantò minùs liceat illis leges figere, per quas tot millia hominum indicta causâ trucidentur? Quid ni enim indicta causâ dicam, cum

cos

eos defendere, capitale fuerit? Et non temere in eas leges Ordines consensisse probabitur, sine quorum consensu nihil profectò istiusmodi potest Princeps. Qui sanè qualesquales fuerunt, in istiusmodi certè leges nunquam consensissent. Quo loco inter provinciarum Consiliarios, qui Ordines sunt, & Principum Consiliarios, luculentum se discrimen offert. Hi enim quamvis Iurisperiti essent, quamvis etiam nonnulli eorum non juris sacerdotes solum, sed lumina haberi vellent: non modò in eas leges consentire, verumetiam ipsi dictare atq; componere sustinuerunt. Sed cujus quæso juris illi periti censendi sunt? Divinæ? sed ejus professores omni suppliciorum generi subicere non erubuerunt. Humani ergo? Sed quomodo id subsistere potest, cum in universum humanum genus tam immanes injurias partim tulerunt, partim fabricarunt? Sed calliditatis versutiæq; consultissimi fuisse, qua Principibus inulitatem & non competentem auctoritatem, tanquam Midæ auriculas, affigerent: sub cujus umbrâ ipsi deinceps in immensum crescerent. Inde alius, quem vel patrem ciere pueriisset, ad decies centena millia nostratium aureorum (incredibile dictu) liberis æquè futuris noxijs,

B reli-

reliquit : alius eò superbiæ devenit, ut Proceres Ordinesq; harum provinciarum omnes præ se contempserit: alius filios in quavis dignitates intrusit : alius quosvis cives suos, alios dignitatibus, alios opimis sacerdotijs beavit, ipseque auri cumulis immortalus est. Sed in istiusmodi latius evagari non permittit commentarij ratio: atque hæc etiam mihi lamentabiles patriæ ruinæ, quarum illi præcipui ferè authores fuerunt, hoc loco extorsere. Sed si (ut dictum est) mali mores bonis legibus occasionem præbent, plus satis causæ nunc habent Ordines, quamobrem bonas leges faciant, atq; tam effrenatæ rabiei in posterum obicem ponant. Qui mihi quidem in his maximè consistere videbitur, si efficiant, ut Principum potestas (si quidem ad cramben redeundū sit) quàm minimum se diffundat: eorumq; Consiliarios à publicis provinciarum negotijs prorsus secludant.

¶ Novel. 80.  
Sedebunt.

Quod deinceps de diebus juridicis observandis dicitur, non ita dissimile illi est, quod Iustinianus suos iudices à summo statim diluculo usque in vespertinum crepusculum continnò sedere voluit<sup>a</sup>: atq; quod ad exceptionem, *nisi in causis Principatus*, attinget, simile illi est, quod in judiciarijs ordinibus



nibus provinciarum aut civitatum præscribitur, ut sub certis quibusdam poenis Consiliarij aut Iudices certis temporibus compareant, nisi Principis reipublicæ ve causa alibi occupati esse debeant. Atq; hunc quidem hujus loci intellectum esse puto, quantumvis exemplaria ob diversitatem mihi suspecta sint.

## *De tabulario Brabantia, ejusq; custode.*

### CAPVT. II.

**P**RIVILEGIA tabulaeque publicæ provincie Brabantia ejusq; incolarum jam impetrata atq; etiamnum impetranda, asservabuntur in arce Vilvordianâ per quendam natione Brabantum atque in Brabantia commorantem, hominem & honestum & idoneum: cui id à Principe fuerit injunctum. Is autem Principi jus-jurandum præstabit coram Ordinibus eorum ve deputatis. Prælati autem & Nobiles ad id deputabunt Prælatos duos & duos Nobiles, qui præstandi juris-jurandi tempore à Principe ejusve Commissario commodissime inveniri possint. Tertius verò Ordo, quatuor metropoles videlicet, à Principe

Cum respublicæ armis monumentisq; literarum principum contineatur, si armamentaria necessaria sunt, sunt certe & tabularia.

requisitus, ex unâquaque metropoli deputabit unum, qui ad idem illud ius-jurandum evocabitur. Cujus iuris-jurandi substantia erit: ipsum Principi provinciæq; syncerum fore: neque se ullo modo per se vel quemvis alium, ulla privilegia tabulasve publicas, aut alienaturum aut suppressurum. Tradet autem idem ille Ordinibus generale privilegiorum atq; tabularum, Brabantiam ejusq; incolas attingentium, inventarium, ab ipso, præsentè Brantiæ Cancellario, ita confectum atq; extensum, ut quisque ex Ordinibus, quid ipsos concernat, intelligere & scire possit. Quod inventarium Ordines in scrinio suo asservabunt, neque cuiquam privatim de eo exemplar tradent. Ordinibus tamen, & cuique eorum atq; quatuor metropolium, ad requisitionem ipsorum ex auctoritate Cancellarij videndi illius atq; inspiciendi copia fiet. Insuper verò tenebitur custos ille, ab Ordinibus aut quoquam eorum, per auctoritatem Principis aut Consilij Brantici requisitus, eas originales tabulas inspiciendas exhibere, aut earundem etiam exemplum dare, quarum usus ipsis aut cuiquam eorum, futurus sit aut commodus aut necessarius.

## COMMENT.

**I**MPERITE nequaquam fecit, quisquis gladium in mucrone calamos scriptorios alligatos habentem, imperij insignem constituit. Innuere voluit ille, respublicas his duobus maximè contineri, armatâ defensione, & scribendis omnis generis legibus & contractibus. Atq; huic persimile illud Iustiniani est, quo procemium suarum Institutionum inchoat: Imperatoriam Majestatem (inquiens) non solum armis decoratam, sed etiam legibus oportet esse armatam. Quod cum ita sit, & nusquam armamentaria desint, ut etiam publicis scriptis publicè loca assignentur, ubi conservari possint, ratio postulat. Inde Iustinianus intermissum conservandorum publicorum monumentorum morem instaurans, à Defensoribus civitatum in quaq; civitate domum aliquam publicam in eum finem secerni jussit, <sup>a</sup> quam improprie etiam ἀρχεῖον appellavit, tanquam ibi instrumenta quali in palatio atque custodiâ Principis recondentur: quo nomine tamen Vlpianus monumentorum receptacula longè antè nuncuparat: <sup>b</sup> ipsum per vocem γραμματοφυλάκιον

<sup>a</sup> Novel. 14.  
§ Conficiat  
etiam.

<sup>b</sup> L. 9 §. de  
Pœnis, D.

B 3

inter-



interpretans. Atque cum quidem morem temporibus Ciceronis diligenter observatū fuisse, ipse diversis locis testis est, atq; istiusmodi receptacula tabularia nominat. Cū autem non temerè quicquam eorum, quæ vetustas in republica aut ad securitatem aut ad ornatum facere putavit, in hisce provincijs desyderes: antiquitus universæ Brabantiae tabularium Nivellæ fuit, Antverpiæ deinde, ac postremò, velut in tutiorem commodioremque locum, in arcem Vilvordia nam est translatum, ubi quo hoc capite traditur modo, custoditur.

*Principem bellum non assumpturum sine consensu Ordinum: neq; quicquam consignaturum, unde provincia detrimentum capiat.*

## CAPVT. III.

Non iustum supremam potestatem signum est, bellum per se posse suscipere:

**N**UNQUAM nos, tanquam Brabantiae & Limburgicae Dux, ob causas Principatum earundem provinciarum contingentes, obstringemus adver-

adversus quenquam bellum suscipere, aut pignerationem contra aliquem facere, faciendamve curare, nisi de consilio & consensu nostrarum civitatum & provinciæ Brabantia. <sup>b</sup> Neque promitemus aut consignabimus quicquam, quo ullo modo hæ provinciæ, earumve limites, civitates, vel earum rerum quidlibet, aut etiam jura earum, immunitates, privilegia labefactentur aut imminuantur: <sup>c</sup> aut denique incolæ earundem provinciarum damnis involvantur.

atqui Princeps jurat, se id non facturum.

<sup>b</sup> Non dominus reipublicæ est Princeps, sed velut procurator & œconomus.

<sup>c</sup> Si hoc adferendas leges trahi possent, ut possent, concludunt præclara illa placita, quorum vigore tot millia sunt trucidata,

## COMMENT.

**C**V M nihil æquè in commune mortalibus noceat, atq; bellum, vitari illud debet, quantum potest: & cum in subditos magis, quàm in Principes, ejus incommoda redundant: & Principes etiam non minorem curam subditorum tranquillitati & salutis, quàm parentes debeant liberis, debere in confesso sit: ut illi sine subditorum consensu bellum non suscipiant, rationi prorsus consentaneum est. Sed hac de re præcisiùs dicendi locus erit capite undetrigesimo. Quòd autem ibidem pignerationem se non facturum Princeps promittit, hanc significationem habet, ipsum

extra bellum manum non injecturum in alterius subditos eorumve bona : quod nostris temporibus sæpe fieri vidimus, & aliquando etiam justas alienigenarum navium classes in Gallijs, Hispanijs, alibi detineri. Ejus generis etiam videri vult insidiaria illa Caleti occupatio, anno septimo & quinquagesimo facta. Præclara sanè clarigatio, sive belli denuntiatio, cum nullâ querelâ de injuriâ factâ, imò ne injuriâ quidem factâ ullâ, alter alterius insignes civitates per insidias occupat. Et qui hæc faciunt, communi scilicet Christianismi titulo contenti esse nolunt : cum à cognitione Dei remotissimis veteribus illis Romanis religio fuisset, aperto etiam Marte cuiquam bellum inferre, priusquàm feciales in fines eorum, qui populo Romano injuriam fecisse dicerentur, profecti restitutionem petijssent, illisq; reculantibus, postmodum pater patratus eodem profectus, clarâ voce (unde clarigo etiam nomen habet) prolatis causis bellum indixisset, simulque hastam in eorum fines immisisset. Est profectò, quòd nos nostrorum morum pudeat. Non dissimilis autem huic pignorationi est illa, cujus capite quadagesimo quarto fit mentio, nisi quòd illic agatur de manus injectione hominis privati

vati in privatum, eumque non ipsum ejus debitorem, sed debitoris fortè civem aut conterraneum.

Sequitur, Principem neque promissurum neque consignaturum, quod ullo modo subditis in detrimentum cedat. Concidunt hîc promissa Romano idolo ejusque mancipijs de trucidandis subditis ob religionem facta: concidunt eadem de re edita, tam multiplicia, ut in justum propè librum excurrant. Sed quæret fortè quispiam, liceat ne coërcere hæreticos? Convitia in Deum dicere, capitale est apud Moysen, <sup>a</sup> eademque poenam abominationi illi constituit <sup>b</sup> Iustinianus. Habere Deos alienos, <sup>b</sup> Novel. 77. graviter apud Moysen interdicitur <sup>c</sup>. Simili- <sup>c</sup> Exod. 20. ter <sup>d</sup> sculptile facere. Capitale rursus apud <sup>d</sup> Exod. 23. eundem est, idolis immolare. Vnicum inter Deum & homines mediatorem disertè Paulus pronunciat <sup>e</sup> Christum. Eundem <sup>e</sup> 1. Timot. 2. redemisse genus humanum: eundem ejus lucem, justitiam, atque salutem esse: in eodem sacrificia expiatoria cessare, plenæ de ijs sunt sacræ literæ. Sicut etiam, eundem undecunque sibi cœtum congregare eorum, qui in ipso spem salutis collocant: indeque quasi unum corpus facere, cujus ipse sit caput. Atque ut in eorum cœtibus omnia ordine

11. *Cotin.* 14. cognitisque linguis fiant, requirit Paulus.  
 Cum autem idem Paulus; magistratus à  
 8 *Roman.* 13 Deo constitui, ejusque ministros esse dicat;  
 indeque eos non minus ea, quæ Dei sunt,  
 quàm quæ hominū, curare debere, consen-  
 taneè inferatur: quin ex officio teneantur, ut  
 quantū in ipsis est, atque sine rerum publica-  
 rum periculosa turbatione fieri potest, præ-  
 dicta, atque quicquid expressè in Verbo Dei  
 continetur, docenda, observanda, atque exe-  
 quenda curent, non facilè, credo, quisquam  
 litem moverit. At ex centum illis millibus,  
 quæ suprà crudelissimè sublata esse dixi-  
 mus, ne unus quidem (quod verè dici po-  
 test) Verbo Dei detrectavit: sed contrà ad  
 unum omnes, ad extremum usque spiritum,  
 ex eo rectius doceri postularunt. Vtri au-  
 tem, qui passi sunt nimirum, an verò qui  
 condemnarunt, melius se prædictis atque sa-  
 cris literis accommodarint, Deus jam tan-  
 dem cum horribili tam protervè effusi in-  
 nocui sanguinis vindictâ, manifestum facit.  
 Et ut nævi aliquid in illis fuerit, irrita ta-  
 men ab initio edicta illa fuisse assero, quòd  
 citra Ordinum consensum sint publicata.  
 Nam in criminibus etiam interest populi,  
 ne ab uno leges scribantur, sed illi etiam  
 intersint, in quibus tanquam capitibus &  
 patro-



patronis suis , repositam spem & fiduciam habet , ipsos præter æquitatem nihil admisso-  
suros. Atque hac quidem in re satis vel  
hoc capite cautum est. Cùm enim nihil  
in subditorum detrimentum consignare  
Princeps possit : & lex quæ subditos affli-  
cet, consignari debeat : causa ejus subdito-  
rum primoribus probetur, ipsique in legem  
consentiant, postulat profectò ratio.

## *De titulo , insignibus , & si- gillo.*

### CAPVT. IIIL.

**A**SSVME MV S titulum, & insignia  
Lotharingiæ, Brabantiae, Limburgi-  
cæ, & Marchionatus sacri Imperij,  
ut par est : & secundum eundem titulum &  
insignia faciendum scalpendumque cura-  
bimus sigillum , evidenti signo ab alijs  
nostris sigillis diversum : quod mutandum,  
aut aliud secundum id scalpendum sive ef-  
fingendum, curare nullo modo , aut ad id  
consentire, nisi justâ de causâ , poterimus:  
quod tunc quidem etiam de consensu triũ  
Ordinum provinciæ nostræ Brantiæ facie-  
mus.

mus. Debebit autem sigillum illud perpetuò in Brabantiâ manere , neque exportari poterit : & signabuntur eo omnes provinciae Brabantię & Transmosanę, earundemq; incolarum causę : neque verò alię. Tabulę verò earum causarum ab aliquo ad res Brabanticas constituto Secretario conficiuntur.

### COMMENT.

**V**T ostendam, qua ratione Brabantię Duces Lotharingiæ titulo & insignibus utantur , nonnulla aliquantò altius repetenda duxi. Traditur Austrasiam ita in longum latumq; paruisse, ut à Burgundia ad Scaldim usque se extenderit, & ab altera parte eam Rhenus ad Batavos usque terminarit. Eam autem deinde sive à Lothario Imperatore, sive ab ejus filio Lothario, Lotharingiam fuisse nuncupatam. Deinde hanc in superiorem & inferiorem divisam, multis tum partibus mutilatam. Postremò autem circa annum millesimum centesimū ab Henrico ejus nominis quarto Imperatore, inferiorem, ut tum erat, in Godfridum cognomento Barbatum , Lovaniensem tunc Comitem , clientelari jure cum

cum Ducatus titulo collatam : & ab ejus cognomine (quod tamē divinationi, quàm veritati videtur esse similius) Brabantiam, quasi Barbatiam, appellatam. Eum verò superioris etiam, quæ Lotharingiæ nomen retinuerat, ut adhuc retinet, jam tum titulum usurpasse, tanquam jus in eam sibi asserens: quomodo alienorum regnorum provinciarumque inanes titulos usurpare, non est insolens, neque novum.

De Limburgicę titulo & insignibus hanc rationem invenio. Ducatum illum à civitate Limburgo nomen habentem, ab Henrico ejus Duce, quòd liberos non haberet, circa annum millesimum ducentesium & octogesimum, Iohanni ejus nominis primo Brabantiæ Duci, fuisse venditum. Post ejus tamen mortem eum Childericum Comitē occupasse. Iohannem autem Brabantiæ Ducem ideo illi bellum intulisse, ac anno supra millesimum ducentesium nonagesimo tertio prælio victum captivum abduxisse, atq; ita Ducatum illum deinceps ipsum ejusque posteros obtinuisse.

Marchionatus sacri Imperij titulus, esse Brabantiæ titulo antiquior videtur. Qui enim de eo scribunt, alij ejus institutionem ad Iustinianū Imperatorem, alij supra eum,  
alij

alii ad Ottonem ejus nominis secundum Imperatorem referunt. Otto autem ille circa annum noningentesimum septuagesimum Imperium tenuit: ut quæ istius Marchionatus recentissima institutio invenitur, Ducatus Brabantiae institutionem centum triginta circiter annis præcesserit. Alij alios huic Marchionatui terminos tribuunt. Qui longissimum faciunt à Valencenis inchoantes secundum Scaldim mari terminant. Alij Nivellâ, Bruxellâ, Lovanio, Antverpiâ concludunt. Plerique autem Antverpiam primariam ejus civitatem faciunt. Vnde Marchionatum Ricensẽ propè Antverpiam situm, illius esse reliquias videri possit: cum magnus ille Brabantiae Ducatu maximè consumptus sit, ejusque nomen, nisi quatenus Imperij Majestatem Brabantiae impertit, illamque in Imperij clientelâ esse indicat, inane factum esse videatur. Et cum hæc dignitas eo loco, tanquam in finibus Imperij, ad arcendas Danorum incursiones maximè esse erecta inveniatur: fines autem limitesve Imperij à Germanis marcas, & graves præfectos antiquitus appellatos fuisse, non obscura argumenta sint: quid sibi vox Marcgravius velit, mox manifestum fit. Significat, nempe  
limitis

limitis Imperij Præfectum, quem recentiores tanquam Latino vocabulo Marchionem nominarunt. Circa tempora Iustiniani fortasse Limitaneus Præfectus dictus est: quomodo milites, qui in finibus sive limitibus merebant, limitanei tunc vulgò appellabantur<sup>a</sup>. Promiserat in Inauguratione suâ Caroli Audacis filia Maria, idem de Geltriæ Zutphanixque titulis & insignibus, de quo ad caput undequinquagesimum nonnihil dicemus.

<sup>a</sup> L. ult. De  
off. Præf.  
Præf. Afide.  
C.

## *De Cancellario, & Consiliarijs Brabantix.*

### CAPVT. V.

**S**VSTINEBIMVS septem venerabiles viros, quorum unus Cancellarius & Sigillator erit, Brabantus natione, & tres linguas callens, Latinam, Gallicam, & Germanicam, qui sigillum nostrum custodiet. Quatuor in provinciâ nostrâ Brabantia nati, ibidemque domicilium atque facultates habentes, aut etiam Baronica prædia, sive suo nomine, sive per causam matrimonij, ibidem possidentes: reliqui duo in nostro Consilio nostro nomi-

DE

ne erunt, quales videbitur, Germanicè cal-  
lentes. Per quos septem, & alios in præ-  
sens illis adjunctos, & quos etiam in poste-  
rum illis adungere visum fuerit, Nos no-  
ster've generalis Gubernator aut Guberna-  
trix tractandas atq; exequendas curabimus  
omnes per eandem provinciam admini-  
strandæ justitiæ, & quicquid inde dependet,  
causas: juris videlicet experiundi concessi-  
ones, statuta, placita, edicta, ordinationes,  
mandata: aut alioqui communi & Guber-  
natoris, & illorum Consiliariorum consi-  
lio. In quo etiam illis nemo impedimento  
esse, aut molestiam exhibere poterit: neque  
in eo alterius, quam nostro, aut generalis  
nostri Gubernatoris Gubernatricis've im-  
perio obnoxij erunt. Et quicumque nostri  
successorumque nostrorum futuri sunt aut  
Consiliarij aut Secretarij, priusquam ea of-  
ficia exercere poterunt, simili fide atq; jure-  
jurando, qua se nobis successoribus've no-  
stris obstrinxerint, tribus Ordinibus ad to-  
tius nostræ provinciæ usum promittent atq;  
addicent, se nunquam interfuturos, aut ta-  
bularum publicas confecturos, signaturos, figil-  
laturos, ubi, aut quibus aliqua harum no-  
strarum provinciarum, aliqua oppida, arces,  
subditi, redditus, aut dominia, terra marisve,  
citra

Nonnulli lu-  
cis hinc ac-  
cedis pote-  
moti patui  
cap. 3e

citra ultra'ue Mosam sita, quocunque modo oppignerentur, in feudum dentur; vendantur, alienentur, minuantur, graventur, implicentur, donentur, aut remittantur: nisi de consensu dictorum trium Ordinum. Siqui autem Consiliarium, Sigillatorem, aut Secretarium, in consilio, officio, functione'ue contra hæc quicquam committere deprehenduntur, de eo nos eos de consilio Nobilium & civitatum provinciae nostrae Brabantiae, aut majoris partis eorum, castigabimus.

*Etiam pænæ  
inflixio non  
est in solius  
Principis  
potestate*

## COMMENTARIUS.

**I**NAVIGATIONE Ducissæ Matie octo Consilij constituti fuere, ita ut is numerus augeri non posset. Hic septem constituuntur, ita ut numerus augeri possit: ut etiam ferè ab initio duplo plures fuerunt. Sed non est mirum, istiusmodi pro tempore & causis evariare. Et exactè quis numerus eorum, quod officium, aut quæ authoritas quoq; tempore fuerit, perscribere, vix operæpretium esse puto. Quamdiu judiciorum ratio simplex & genuina fuit, pauci suffecere illi muneri: posteaquam autem hæc intricatio atq; perversitas judi-

cia

<sup>a</sup> L. 3. & 4. de  
Assessor. C.

<sup>b</sup> L. 3. eodem

<sup>c</sup> L. 2. De his  
quæ in testa-  
ment. del. D.

Joseph cap.  
19.

cia invasit, augeri debere eorum numerum, visum fuit. Quanto autem cū fructu commodove reipublicæ id factum sit, de eo sanè nihil hīc dixerim. Dictio autem, Cancellarius, non ita nova est, quin ea Arcadius & Honorius Imperatores usi sint<sup>a</sup> : & ut ex illis apparet, minor tum Cancellarius Consiliarijs fuit. Et Accursius etiā eo loco<sup>b</sup> Cancellarium notarium interpretatur. Cancellarium autem alij à cancellando dictum putant, id est, inducendo sive transversis lineis expungendo, in quo sensu ea voce Iurisperiti usi sunt, quòd quæ in Principum publicisve scriptis non viderentur consentanea, traductis lineis deleret: alij autem, quòd quo publico loco officio fungeretur, is cancellis munitus esset, nequa scripta aut chartulæ subriperentur: quod propius ad rationem accedit. Quæ nominis interpretatio prædicta etiam confirmat: verum quemadmodum omnium rerum vicissitudo est, ita id quoq; sic postmodum est mutatum, ut Cancellarius, qui illis temporibus Assessorum sive Consiliariorum actarius erat, nunc inter eos primarius atq; Præses sit. Omittendum autem hoc non puto, Consilium hoc Principis atq; subditorū commune esse, neq; quia tam subditis, quā Principi

jure.



jurejurando est obstrictum, nisi cum perjurio nocere posse. Alia ratio est eorum, qui universæ Majestatis potentiaque respectu, Principum Consiliarij sunt, qui nullis provincijs, nullis populis jurejurando obstricti, ex tyrannidi assuetorum Jurisconsultorum libris d, in Principum aures, ipsos legibus solutos esse, insusurrare norunt. Indeque longè alia mente, quàm illi scripserunt (quos alioqui præstantissimos fuisse viros, atque æqui boni religiosissimos interpretes, præclara ipsorum monumenta testantur) pro arbitrio illos omnia agere posse, inferunt: promissa in speciem, & (quod non inscitè à Jurisconsultis dicitur) diciis causa tantummodo facta: jus-jurandum contra illud Principum jus non obstringere, aut ejus vim à Pontificis autoritate pendere: ipsos quam velint, vivendi normam atque adeo religionem præscribere subditis posse. Quæ profectò projectissimorum adulatorum parasitorumque magis, quàm Consiliariorum Jurisve consultorum, inter quos tamen vel culmina haberi volunt, voces sunt. Quorum tamen quidam præcipuus, cum superioribus annis de pacificatione inter Hollandos & Regios instituenda ageretur, magnis quibusdā viris præsentibus, dicere non erubuit,

d L. 31. De  
leg. Senat. De

si Rex aliquam Religionis mutationem  
 permetteret, se contra illum arma sumptu-  
 rum, omnesq; quas posset, provincias con-  
 citaturum. Vnde liquere potest, quo illi  
 animo Principū auribus, quæ illis tinniant,  
 obmurmurent: versipelles certè, aliud agen-  
 tes & non tam ad Principum, quàm ad sua  
 commoda respicientes. Sed hac de re pro  
 hoc loco fortasse nimis multa.

*Cujusmodi Brabantia Consi-  
 liarij esse debeant.*

CAPVT VI.

**N**EMINEM in juratum Brabantia  
 Consiliarium aut assumemus aut  
 retinebimus, nisi virum bonum, in  
 Brabantia ex legitimo matrimonio natum,  
 & ibidem domicilium atque facultates ha-  
 bentem: aut etiam Baronica prædia, siue ip-  
 sius propria, siue per causam matrimonij  
 ibidem possidentem: exceptis nostri Con-  
 siliij duobus illis, qui tamen Germanicam  
 linguam callere tenebuntur.

COM-

# COMMENT.

**D**ISPVTATVM à veteribus est, an orator quisquam dici possit, qui non idem vir bonus sit, quantumvis eloquens & disertus esset. Et inclinarunt sententię, ut talis causidicus potiùs, latrator, aut rabula dici deberet. Cujusmodi igitur nomina Iurisconsultis non viris bonis, cuiusmodi ejusdem notę Consiliarijs dabimus? Hic verò promittit Princeps, se viros bonos in Brabantię Consilium adoptaturum: quod profectò nequaquam leviter est æstimandum. Quod porrò de legitimo toro dicitur, de eo peculiare caput est, unde vigesimum nempe, quo statuitur, neminem, qui ex legitimo matrimonio prognatus non sit, ullis in Brabantia dignitatibus publicisve officijs fungi posse. Baronicis sive nobilibus prædijs hoc hinc tribui, ut non Brabantum à se aut ab uxore ea in Brabantia possidentem, tanquam Brantię civitate donent, atq; civem faciant, non sanè est absurdum: cum in tantę dignitatis viros malignitatis alicujus aut pravitatis suspicio non facile cadat. Hic alibi admonere, in hoc scripto per Germanicam linguam, **Brabantiam**

ticam sive Flandricam debere intelligi superfluum puto.

## *De loco Brabantiae curiae & ærarij.*

### CAPVT. VII.

**V**IROS bonos ex Brabantico consilio deligemus, qui quo loco nos in Brabantia commoraturi sumus, nostro nomine curiam constituent: & si nos peregrinari contingat, curiam ipsi alicubi in Brabantia commodo loco collocabimus: plenam autem illi cuiusq; desiderijs nostro nomine subueniendi potestatem habebunt. Ærarij locus atq; status futurus est, qui & cuiusmodi hactenus.

### COMMENT.

**M**ULTIS annis antequam Rex Philippus inauguraretur, Brabantiae curia quasi sedem fixerat Bruxellæ. Quamobrem quod de ea per absentiam Principis alibi collocanda hinc dicitur, partim imitatione superiorum Inaugurationum,

num, partim quò spe ejus retinendæ Bruxellenses magis obnoxij redderentur, factum puto. Nam nulla quidem Brabantina civitas ad juridica gubernatoriæve collegia Bruxella est commodior, siue magnificentiam urbis siue situm spectes. Et ea virtus ejus civium cum semper, tum maximè periculosis hisce temporibus effulset, præcipuè verò, cum impotentissimum illum tyrannum ferocissimis minis decimationem urgentem, rationibus sustinuerunt, providaq; patientia ejus conatus distulerunt, donec matitimis hominibus prorsus ejus jugum excutere opportunum esset: ut ea civitas digna sit, quæ non solum quæ hætenus habuit, retineat: verum etiam quam omnes Belgicæ provinciæ omni honorum commodorumque genere certatim cumulerent.

*Qua lingua diplomata scribi debeant.*

## CAPVT. VIII.

**E**PISTOLÆ & diplomata, quæ deinceps in Consilio nostro Brabantico nostro nomine concedentur aut

C 4 . . . . . emit-

emittentur, siue nostra causa, siue ad preces  
 subditorum, conficiantur & emittentur  
 ea lingua, cuius usus est eo, quo mitten-  
 tur, loco.

## COMMENTARIUS.

**I**NCOGNITA lingua ad aliquem scri-  
 bere, eundem deridere est. Et pessimè  
 certè de nostris hominibus meriti sunt,  
 qui publicis formulis tantam farraginem  
 peregrinarum vocum immiscuerunt, ut qui  
 eas intelligere velit, longo usu, ut peregrina-  
 nam linguam, discere debeat. Sed hoc absur-  
 dius est, quòd nonnullis Brabantiae locis  
 omnes contractus, qui pro more coram  
 duobus iudicibus, tanquam testibus, in pu-  
 blicos commentarios referuntur, Latine  
 scribuntur. Atq;, quod mireris, ita Latine,  
 ut si Cicero reviviscat, eas; legenda sumat, si  
 quidem nonnulla verba, certè sensum eo-  
 rum non intelligat. Adeò in nostra incom-  
 moda ipsi pròni sumus. Si quis linguae pau-  
 pertatem causari velit, nã ille ejus indolem  
 & dotes ignorat. Tam enim exercitato hu-  
 ber & copiosa est, nihil ut sit, quod ille non  
 quàm elegantissimè exprimat.

*Cujusmodi Cancellarius, Secretarij, & Scriba rerum clientelarium esse debeant.*

## CAPVT. II.

**N**EMINEM in Brabantia Cancellarium aut Sigillatorem creabimus, nisi qui sit ex legitimo matrimonio in provincia nostra Brabantia prognatus, ibidemque commoretur & facultates habeat: aut Baronica prædia à se vel ab uxore ibidem teneat: trium linguarum (quomodo suprà dictum est) gnarus, & alioquin etiam ad illud officium idoneus, provinciaeque utilis. Qui Cancellarius coram nobis & tribus Ordinibus ad nostrum nostraeque in commune provinciae usum, competens illi officio iur-jurandum præstabit, prout suprà capite quodam continetur, in quo de promissis à Consiliarijs, Sigillatore, & Secretarijs tribus Ordinibus faciendis agitur. Brabantiae etiam Secretarij, rerumque feudalium Scribae, natione Brabantini erunt: poterimus tamen Secretarios duos constituere, qui Brabantii non sint.

C 5

COM.

## COMMENTARIUS.

**P**ROMISERAT Carolus Imperator in Inauguratione sua, se Cancellarium creaturum consilio collegij Consiliariorum Brabantiae, aut saltem eorum sex, qui etiam jurati testari deberent, sibi videri, illum & Principi & toti in commune provinciae, in eo officio fore utilem. Id hinc ita mutatur, ut simpliciter Princeps promittat, Cancellarium se creaturum, qui ad id officium idoneus, sibi quæ & toti in commune provinciae utilis sit futurus. Atque hujus rei causa hoc caput maximè positum videtur, cum de reliquis paulò superius abundè dictum sit: nisi quod in fine nonnihil etiam de Secretarijs Brabantiae atque rerum clientelarium Scriba dicatur.



*Quotquot publicas functiones habent, ad Inaugurationis observationem jurejurando se obstringere debere.*

## CAPVT. X.

**C**ANCELLARIVS, Confiliarij, Secretarij, Præfecti ærarij, Scribe, Præfecti provinciæ, vivariorum & sylvarum Præfecti, omnesq; alij, qui majora aliqua officia tenebunt: & similiter omnes, qui in agris publicas aliquas functiones habebunt: & Consules etiam, Scabini civitatum, ac omnes deniq; qui nostro Vasallorumq; nostrorum nomine jus aut justiciam administrabunt, per omnia sacra jurabunt, se, quatenus quemq; tangit, hanc nostram Inaugurationem in omnibus observaturos, neque ullo modo consilio aut factis contra illa quicquam molituros.

*Cogitant  
quid fecerint  
qui Principi  
Inaugurationem  
pedibus con-  
canti adju-  
mento fue-  
rint*

## COMMENT.

**I**N magni momenti rebus, & ijs præsertim, quæ ad conservationem rei publicæ faciunt, & solenne est, & æquum

& æquum ius-jurandum adhibere; Nan-  
 quæ humana in constantia est, fræno illi ali-  
 quo opus est, quo ad servandam fidem con-  
 stringatur. Neque ad id ullum jurejurando  
 est accommodatius, ut quo Deum, nos fal-  
 lere nolle, testem invocamus, & ut si falla-  
 mus, nos puniat, petimus. Ita enim habet  
 iuris-jurandi solennis clausula, *Ita nos Deus  
 adjuvet*. Quod aliam interpretationem non  
 habet, quàm si fidem servamus, ut juvet: sin  
 fallimus, ut perdat. Quod in clausula adje-  
 ctum fuit hætenus, *Et omnes sancti ejus*:  
 prævaricatorum Theologorum commen-  
 tum fuit. Apud Moſen hoc præceptum ex-  
 tat <sup>2</sup>: Per nomen illius jurabis. Quod per  
 emphasiq; hanc significationem habet: Per  
 illius solius nomen: sive: per illum solum  
 jurabis: quomodo proximis præcedenti-  
 bus verbis expressè ibidem dicitur: Illi soli  
 servies. Et quàm absurdum sit, eos testes in-  
 vocare, qui nec adsint nec audiant, quis non  
 videt? Deus solus ubiq; est, & actiones ho-  
 minum intuetur. Quam potestatem ut bel-  
 li illi homines novis suis Dijs tribuerent,  
 piorum animos in facie Dei, tanquam in  
 speculo, quicquid in terris homines agerent,  
 videre finxerunt. Si (quod verè dicitur) sine  
 lege loqui Jurisconsulto turpe est, turpe  
 pro-

profecto Theologo est, sine expresso Verbo Dei loqui. Et ob execrabilem illam illorum hominum audaciam quàm horribiles nunc pœnas luimus?

*Publicis functionibus præditos  
jurare debere, se munera non  
accepturos, neq; per munera  
publicas functiones se esse  
consecutos.*

## CAPVT. XI.

**Q**VI NOBIS à consilijs sunt, omnesq; alij nostri ministri, Iudices, Consules, Scabini, Consiliarij, Vassalli, omnesq; alij, qui iudicium postulandi aut ferendi potestatem habent: deniq; quicunque per Brabantiam, sive in civitatibus, sive in municipijs, sive pagis, qualescunque publicas functiones aut officia tenent: ad unum omnes, cùm solenne iurandum præstabunt, simul jurabunt, se, ut cuiquam in iudicio aut profint aut obsint, neq; pecuniam aliamve quam rem, neque munera, neque remissionem, neque aliud quod-

Summe sanctimonie  
lex, sed observationis  
rara.

quodpiam beneficium, neq; per se neq; per alios accepturos, neque promitti passuros: sed se citra omnem fraudem optima fide unicuiq;, tam pauperi quàm diviti, æquabiliter jus & justitiã administraturos, insuper se, ut Consules, Scabini, aut Consiliarii fierent, neq; pecuniã aliamve quam rem, neq; munera, neq; remissionem, neque officium aliquod aut beneficium, aut dedisse, aut promississe, aut obtulisse: neq; per alium suo nomine aut dandum, aut promittendum, aut offerendum curasse: neq; earũ rerum causa ullo modo quenquam rogasse, rogandumve curasse. Siquis verò contra hæc fecerit, is nunquam in nostro Consilio, aut ministerio, neque in magistratu aut administratione nostrarum civitatum, municipiorum, aut pagorum ullo modo esse poterit.

### COMMENT.

**Q**UOD in publicis functionibus munera acciperent, aut ut eas consequerentur, darent: hinc in perpetuũ ab ijs remonentur. Quod sanè ita accipiendum non est, tanquam iudex; qui ob iudicandum aliquid acceperit, ea poena defungatur, & non ulterius ex præscripto juris punia-

puniatur, quod pro qualitate rei etiam ad relegationem & exilium procedit<sup>a</sup>: tanquam item qui terrore potestatis illicitè aliquid extorserit, nō ulterius etiam puniatur: qua de re capite duodecimo Additionis videbimus, ut quo de eo crimine peculiariter agatur. Sed hoc hīc actum videtur, ut tam viles noxijq; homines à publicis functionibus expeditius removeri possent. Quod idem dicendum venit de ijs, qui datis muneribus publicas functiones consequuntur, quos præter remotionem etiam in quadruplum ejus, quod dedissent, multari debere, satis præscripta juris innuunt<sup>b</sup>. Quæ tantundem multæ in eos, qui ob conferendas functiones accipiunt amplius, quàm licitum est, etiam statuunt. Cui Iustinianus etiam minas de Imperiali indignatione, & omnis dignitatis amittendæ periculo, adjicit<sup>c</sup>. Atque utinam quæ ille Novella octava de eo præcipit, diligenter proximis annis observata essent. Non cum tanto reipublicæ malo civitatibus arcibusque præfecti fuissent homines fidei tam dubiæ. Non tot, qui omnia reipublicæ impenderunt, deplorarent, nullam esse compensationem. Si duo competitores sint, quorum alter de republica bene

<sup>a</sup> L. 38. § 1. in dices, de pœ. nia, D.

<sup>b</sup> L. ult. Ad l. Iul. repe. tund, C.

<sup>c</sup> Novel. 8. §. Sciat enim Celsitudo.

meritus,

meritus, alter novitius sit, aut etiam ab hostis partibus steterit : hic priori præferetur. Quorsum hanc ego rationem audire videor : ille quia bene meritus est, putabit sibi deberi, aut fortasse etiam exhaustus est, ut parum possit : novitius autem, tum quia aucupandam gratiam, tum verò etiam quia beneficium omnino gratuitum arbitrabitur, multò futurus est liberalior. Sed si (id quod in confesso est) quemadmodum pœnis, sic etiam premijs respublica sustinetur, ut etiam hoc nomine Iustiniani illa præcepta exequenda suscipiantur, par est, atque postulat ratio.

*Neque Limburgicam neque  
Transmosanam à Brabantia  
separari posse.*

## CAPVT. XII.

**P**ROVINCIA nostræ, Limburgensis & Transmosana, in perpetuum conjunctæ manebunt cum provincia nostra Brabantia, neque unquam ab ea divelli poterunt. Reliquas autem nostras Transmosanas ditiones, quam commodissime poterit

poterimus, redimemus, easque ita, ne deinceps separari possint, provinciæ nostræ Brabantia jungemus. Deinde Brabantia etiam conjuncta manebit Gravia & Oyen cum ijs, quæ ad ea loca pertinent: aliaq; etiam, quæ ab ijs alienata sunt. Tantum quidem faciemus, ut dominium Oyen, quod nunc extra ditionem nostram est, iterum ditioni nostræ subjiciatur, & ut alias fuit, Brabantia conjungatur, quatenus quidem id jure licebit. Neque provincias aut arces nostras Transmosanas, simulque quæ ad illas pertinent, amplius quam in præsentem sunt, gravabimus aut implicabimus. Et si quando illæ in nostram ditionem redierint, continuo per fidejussores locupletes cis Mosam degentes, securitatem provinciæ nostræ Brabantia faciendam curabimus, arces earum, quam primum fieri poterit, ipsi tradendas esse, in easdemque & civitates Brabantos aut etiam indigenas in præsidijs collocandos, qui locupletibus cis Mosam degentibus datis fidejussoribus, nobis nostræque provinciæ Brabantia eam securitatem præstabunt, ut certi esse possimus, eas nullo modo à Brabantia separandas esse. Atq; tunc quidem Transmosanas illas provincias, arces, aut civitates nullo modo amplius oppignerabimus aut

D

aliena-

alienabimus: subditis interim nostris Transmosanis, secundum consuetudinem cuique competentium iudiciorum, jus & iustitiam administrabimus.

## COMMENT.

**D**UCATUS Limburgensis respectu Brabantie quoque Transmosana provincia est. Sed videtur placuisse, ut Comitatus Daleniensis, regio Valckenburgensis, & nonnulla alia Transmosanæ nomine peculiariter censerentur: quanquam capite primo ea voce Limburgensis quoque Ducatus comprehendatur. Quod & alibi sæpe observare erit, quomodo ediverso capite quarto illa omnia sub Limburgo comprehendi videntur. De Limburgo verò ad idem caput quartum satis diximus. Dalemium autem & Valckenburgum à Brabantia Ducibus armis subacta leguntur, hoc ab Henrico ejus nominis secundo, illud ab Iohanne tertio. Et quia illis temporibus Brabantia Principes sine Brabantis subditis parum possent, videtur inter utrosque convenisse, ut quicquid communibus armis in potestatem redigerent, Brabantia in perpetuum neceretur. Quod etiam confirmat

caput



caput undetrigesimum, ad quod hac de re nonnihil dicturi sumus. Quod verò de Gravìa & pago Oien hic inferitur, de eo ad caput undequinquagesimum commodior dicendi locus erit.

*De libera Brabantorum sub  
consuetò vectigali commea-  
tione: De Sylvaducensium  
vectigalis immunitate: &  
Siquis Brabantus Principis  
caussa peregrè detineatur.*

## CAPVT. XIII.

**E**FFICIEMVS, ut subditi nostri Brabantini & Transmosani, sub legitimo vectigali, liberè & sine molestia comineare possint per provincias nostras Hollandiam & Zelandiam, & omnes alias, quomodo hactenus consuevere. Insupèr efficiemus, ut iidem nostri Brabantini & Transmosani subditi, per quascunque regiones ultrò citroque comineare possint, liberi ab omni aere alieno

& promissis, quod quæ've nos, aut fortè decessores nostri, contraximus aut fecimus: aut nos etiam postmodum contrahemus aut faciemus. Præterea civibus civitatis nostræ Sylvæducis, confirmavimus & stabilivimus, confirmamus & stabilimus ea diplomata, quæ habent à foelicis memorię Duce Brabantię Iohanne, & Domina Iacoba Ducissa Baviarię, continentia, merces eorum, & cùm exportantur & cùm importantur, per Hollandiam & Zelandiam vectigalis immunes esse: jubebimusque nostra ea de re diplomata, secundum tenorem eorum quæ habent diplomatum, perfecta confiri. Et quantum ad Gelriam attinet, per eam etiam provinciam ijdem cum mercibus suis vectigalis immunes ultrò citroq; commeabunt, secundum tenorem diplomatum, quę similiter de eo habent. Siquis verò nostrorum subditorum, ob debita promissave nostra aut nostrorum decessorum, apprehendatur damnove afficiatur, eum liberabimus indemnemque servabimus, secundum ea, quę ea de re edita Constitutione, Gallica vocata, continentur.

## COMMENT.

**B**RABANTIAE Ordinum diligentia cum in alijs omnibus, tum in hoc quoq; perspicitur, quod cum aliarum provinciarum Principem in Ducem assumpturi essent, Brabantos in illis ejus provincijs supra solitum gravari non debere caverint: cum alioqui Principibus illis id pro jure suo licitum fuisse videri posset.

Mirabile autem illud tanti momenti Sylvaducensium privilegium: cujus causam aperiri, multis fortasse non ingratum erit. Postquam igitur Henricus Quartus (quomodo ad caput quartum dictum est) inferiorem Lotharingiam, mox Brabantiam dictam, in Godefridum Barbatum contulisset, & (ut assolet) novi Brabantiae Principes undique à vicinis lacefferentur: septuagesimo circiter anno ea civitas condita est, quæ ea parte adversus Gelros Hollandosq; Brabantiae progugnaculum esset. Et cum ejus initia acriter oppugnarentur, atque ante trigessimum ortus sui annum à Theodorico Hollandiae Comite direpta esset: Principes omni beneficiorum genere eam cumulamam putarunt, quò & cives retinerent, & externos

& promissis, quod quæ've nos, aut fortè decessores nostri, contraximus aut fecimus: aut nos etiam postmodum contrahemus aut faciemus. Præterea civibus civitatis nostræ Sylvæducis, confirmavimus & stabilivimus, confirmamus & stabilimus ea diplomata, quæ habent à fœlicis memorię Duce Brabantię Iohanne, & Domina Iacoba Ducissa Bavariæ, continentia, merces eorum, & cùm exportantur & cùm importantur, per Hollandiam & Zelandiam vectigalis immunes esse: jubebimusque nostra ea de re diplomata, secundum tenorem eorum quæ habent diplomatum, perfectâ confiri. Et quantum ad Gelriam attinet, per eam etiam provinciam ijdem cum mercibus suis vectigalis immunes, ultrò citroq; commeabunt, secundum tenorem diplomatum, quæ similiter de eo habent. Siquis verò nostrorum subditorum, ob debita promissave nostra aut nostrorum decessorum, apprehendatur damnove afficiatur, eum liberabimus indemnemque servabimus, secundum ea, quæ ea de re edita Constitutione, Gallica vocata, continentur.

## COMMENT.

**B**RABANTIAE Ordinum diligentia cum in alijs omnibus, tum in hoc quoq; perspicitur, quòd cum aliarum provinciarum Principem in Ducem assumpturi essent, Brabantos in illis ejus provincijs supra solitum gravari non debere caverint: cum alioqui Principibus illis id pro jure suo licitum fuisse videri posset.

Mirabile autem illud tanti momenti Sylvaducensium privilegium: cujus causam aperiri, multis fortasse non ingratum erit. Postquam igitur Henricus Quartus (quomodo ad caput quartum dictum est) inferiorem Lotharingiam, mox Brabantiam dictam, in Godefridum Barbatum contulisset, & (ut assolet) novi Brabantiae Principes undique à vicinis lacefferentur: septuagesimo circiter anno ea civitas condita est, quæ ea parte adversus Gelros Hollandosq; Brabantiae progugnaculum esset. Et cum ejus initia acriter oppugnarentur, atque ante trigessimum ortus sui annum à Theodorico Hollandiae Comite direpta esset: Principes omni beneficiorum genere eam cumulandam putarunt, quò & cives retinerent, & externos

allicerent. Et Henricus tunc Brabantiae Dux  
ejus nominis primus (qui tum adhuc Lo-  
tharingiae Dux tantummodo scribebatur,  
credo, quod ille titulus honorificentior,  
Brabantiae verò recentior videretur) Theo-  
doricum mox à direptione illa secutus,  
cùm circa Hufdenum cepisset, haud dubiè  
multa illi extorsit, quæ novæ civitati com-  
modo atque bono essent. Sunt qui inter  
illa vectigalium per Hollandiam & Zelan-  
diam immunitatem ponant: sed pacis con-  
ditiones, quas ego vidi, de eo nihil habent.  
Neque initium illius immunitatis ante an-  
num millesimum quadringentesimum &  
duodecesimum vidi: quo anno ea illi civitati  
concessa est ab Iohanne Brabantiae Duce  
ejus nominis tertio, qui tum Iacobum Ba-  
varam Hollandiae Comitem in matrimo-  
nio habebat, quo nomine id in illius po-  
testate fuit. Sed idem ille Henricus Dux  
triennio post pacem cum Comite Theo-  
dorico factam, cum Oitone Gelriae Co-  
mite pacem iniens vectigalium immunita-  
tem novæ suæ civitati per Gelriam impe-  
travit. Ejus autem pacis conditiones quia  
Latine scriptæ sunt, earum ea de re verba  
ponam: *Additum est etiam, quod bur-  
genses de Sylva juxta Orten per totam*  
*terram*

*terram Comitissæ Gelriæ ab omni telonio liberierunt.* Pax autem illa anno supra millesimum ducentessimum tertio inita est, quo tempore illa civitas tam adhuc obscura fuit, ut à vicino pagulo denotari deberet. Quam profectò mirum est, longè intra quadringentos annos ad tantam magnificentiam potuisse exurgere: sed post divinam benevolentiam simul id Principum studijs & favori, simul civium virtuti est tribuendum. Vtinam verò qui nunc cives sunt, à majoribus suis non ita degenerassent, ut contra omnes vicinos suos, sine quibus tamen civitas illorum nulla est, illis gratificari studerent, qui illis præclara illa aliæque permulta privilegia, & jam semel ademerunt, & si rerum potiri contingeret, iterum adimerent. Quæ vecordia est, si non hæc est? Atque tantum quidem malum à perverso magistratu præcipuè originem habet.

Brabantia Dux Iohannes cum se gravi ære alieno videret obrutum, Ordines de eo dissolvendo habuit sollicitos. Qui cum votis ejus paruissem, gratitudinis ergo ille Constitutionem emisit, in qua inter cætera statuit, ut si quis Brabantus causa æris alieni, aut ipsius aut

cujusquam posterorum ejus, prehenderetur alicubi, bonave ejus detinerentur, quod inde damni caperet, id ex paratissimis maximeque obvijs Principis bonis refarciretur. Hinc duæ hujus capituli clausulæ originem habent, quarum etiam posterior ad hanc se Constitutionem refert, quam Gallicam vocat, credo quia Gallicè scripta fuerit, quòd eandem Ludovicus Niverniæ Comes confirmavit. Qui quia Ducem filium appellat, illum Iohannem ejus nominis secundum fuisse verisimile est : præsertim cùm hæc Constitutio anno supra millesimum trecentesium decimo quarto sit edita.

*De vijs publicis expeditis & liberis servandis.*

CAPVT. XIIIIL

**N**OSTRARVM provinciarum vias publicas, pro ut tenemur, expeditas & liberas citra fraudem servabimus, ita ut quisq; sub legitimo vectigali, per eas ultrò citroque liberè commeari possit: extraquam si ob debita promissave, aut ob multam crimen ve impediatur.

COM-



## COMMENT.

**V**IARVM usus jure gentium publicus est, & quo minus impediatur, Prætorio jure cautum est <sup>a</sup>. Hanc <sup>a Nequid in loc. publ. vel itin, fiat, D.</sup> tamen justam exceptionem habet, Nisi belli causa id fiat: quam me alicubi in Principum Brabantia Constitutionibus legere memini.

*De vijs publicis & pontibus  
reficiendis.*

## CAPVT. XV.

**E**OS, qui prædiorum bonorum've suorum causa, vias aliquas, pontes, aut transitus expeditos servare tenentur, strictè compellemus compellendosque curabimus, ut eas vias, pontes, & transitus de die in diem rectè reficiant atque expeditos servant. Et si secus fiat, metropolis, sub qua via illæ, pontes, aut transitus siti sunt, reficienda illa curare poterit, ejus sumptibus atq; periculo, qui ad id tenebitur. Neque in eo, ut neque in ullo vicinalis juris genere, quisquam excusabitur.

D 5

COM-

## COMMENT.

<sup>a</sup> De via  
pub. & itin.  
pub. refic. D.

<sup>b</sup> De via  
pub. & fig.  
in ea fact.  
dic. D.

**D**E hoc etiam Prætoris interdictum extat<sup>a</sup>, quod tamen tantummodo reficienti vini fieri vetat. Pro diversitate autem viarum, quantum ad refectiōnem attinet, diversæ etiam juris rationes inveniuntur. Romæ Ædiliū Curulium erat<sup>b</sup> curare, ut quisque ante suas ædes vias publicas repararet: quod muneris in populosis civitatibus etiam certis quibusdam hominibus injungitur, aut alioquin id Præfecti curant. In agris vias vicinales (quæ sunt, quæ de publicis divertuntur in agros) per magistrōs pagorum refici solere, author est Sículus Flaccus in libro quem de conditionibus agrorum scripsit. Quos magistrōs solitos dicit, operas à possessoribus ad vias reficiendas exigere, aut unicuique possessori per singulos agros certa spatia assignare, quæ suis impensis tuerentur. Qui modi ut & à nostris, alius alibi, observantur: ita etiam alicubi possesores ante agros suos istiusmodi vias reficere tenentur. Vias autem publicas, sive Regias & militares, idem Flaccus publicè per curatores vel redemptores reparari solere, ait. Hic verò

verò nonnulla etiam prædia illi oneri sunt obnoxia, ut tamen neq; illa, neque ulli homines aut viarum aut pontium refectione gravari debere videantur, quoad tributum viarum collectoribus ad eam rem pecunia suppetat, ut id caput nonum Additionis satis innuit.

*Neque vectigalium collectoribus, neque monetariorum socijs, in magistratu esse licere.*

## CAPVT. XVI.

**D**EINCEPS ij, qui nostra vectigalia, quocunq; loco in provincijs nostris sita, conducta habebunt, in eorum socij erunt, tempore conductionis, aut quoad socij erunt: similiter etiam ij, qui in re monetaria socij erunt, non poterunt in nostrarum civitatum magistratus neq; constitui, neq; deligi, neq; recipi.

## COMMENT.

**O**MNES, qui quid à fisco conducunt, publicanos appellari, ait <sup>a</sup> Vlpianus. Eos autem multum inter se <sup>a L. i. De publ. & vect. & com. D.</sup> diversos

diversos facit eorum, quæ conductant, diversitas. Et stante republica Romana in collegia coire solitos, testis est Cicero. Quorum ut quæ tum fuerit existimatio, constet, illius ex oratione pro Plancio verba ponam. Flos enim, inquit, equitum Romanorum, ornamentum civitatis, firmamentum reipublicæ, publicanorum ordine continetur. Ex quibus evidens fit, in summa illos illis temporibus fuisse dignitate. Neq; rejectæ existimationis fuisse comperio ætate Vlpiani, nisi quatenus ipse eos<sup>b</sup> infimulat tum audaciæ tum temeritatis. Quod satis causæ non fuerit, quamobrem ab honoribus excludantur. Neque verò tunc ab ijs exclusos fuisse, legere profectò memini. Iudæi autem tributum nomine, quod pro servitutis signo habebant, summopere id hominum genus oderant. Christiani odij illius causæ non animadversa, quia exosos fuisse in sacris literis legerent, exosos etiam habuere, honoribusque excludendos putavere. Cujus tamen prægnantioris rationem hanc putem, ne dum simul in magistratu sint, facile, siquid commiserint, clabendi viam inveniunt: quæ etiam ex eo perspicua fit, quòd & eorum socij à magistratu excluduntur. Mutatum autem publicanorum nomen est,

est, ferè ut telonarij vocentur, à Græco τέλ<sup>ος</sup>  
& τελώνης, quibus vocibus propè consonant  
Germanica tol & tollenaer.

Monetariorum diversa ratio est, ut qui  
sub Imperatoribus Romanis conditionem  
mutare non potuerint: cujusmodi tum  
multa hominum fuere genera. Nunc mo-  
neta in certum tempus conducitur, quo  
elapso monetarius in pristinum redit statū.  
Ut autem monetarius durante officio in  
magistratu sit, occupationes non ferunt, ea-  
demq; in eos eorundemq; socios, quam de  
publicanis dixi, suspicio cadit.

c L. i. de mul-  
til. & gyan-  
e.

*Non licere ullos captivos ex-  
tra Brabantiam duci.*

CAPVT. XVII.

**Q**UICUNQUE in provincia nostra  
Brabantia Transmosanave apprehen-  
dendur, eum extra eas provincias  
eyehendum non curabimus, neque eyehi  
permitteremus.

Neque hoc  
caput, neque  
Academiz  
Lovanensis  
privilegium,  
Comitem  
Butanum  
vix decen-  
nem, tueri  
potuit, quò  
minus in  
Hispanias  
abriperetur.

COM-

## COMMENT.

**H**Ic nescio deplorandum'ne, an verò succensendum magis sit, quod Burano Comiti Principis Auriaci filio accidit. Nondum ille duodecim annorum erat, cum ecce tanquam è gremio dulcissimæ ereptus patriæ, in solum & cœlum prorsus peregrinum avehitur : cum à suavi charissimorum coæqualium avulsus confortio, inter ignotas alienasq; facies abditur eorum, qui non tam oblectamento essent, quàm arctè observarent : cum ex humanissima dulcium Camœnarum extractus sede, in tetricam sordidissimæ barbariei conjicitur officinam : cum denique ex pura pura libertate in miserrimam abripitur servitutem, aut potius in carcerem intruditur. Barbara hæc omnia, atq; adeò ab omni humanitate aliena. Vbi hîc Lōvanienſis Academia jus tuum, quo siquid ab alumnis tuis commissum esset ; ejus tu tibi semper vindicationem asseruisti ? Vbi Brabantia, quam rantopere jactitas, tua Inauguratio ? At vi majori cedendum fuit. Sit verò ita. Vtinam autem Rex Philippe ; cum istud perpetraretur, præsens fuisses, Omnino confidimus,

fidimus, scrupulum tibi moturum fuisse iurandum, quo & Lovaniensi Academiae suum illud jus confirmaras, & Brabantis, nunquam te quenquam illorum finibus extracturum, addixeras. Movissent te etiam (ni fallimur) præclara illa beneficia, quibus hujus adolescentis avus maternus cum sæpe alias, tum in expeditione Germanica invictissimum Imperatorem patrem tuum affecit. Sed persuaserunt Consiliarii id fieri oportere, quò illius pater constringeretur. Sed id ne tanti erat ò Rex, ut propterea iurif-jurandi obliviscerè? At Pontifex ejus gratiam fecerat. Deus ne ergo is est, qui sibi obstrictos homini deleget? Id in ea certè specie nunquam hominibus cordatis probari poterit. Neque verò ille coram summo illo tribunali ea de re pro te redditurus est rationem. In te descende ò Rex, & siquam de eo mentis tuæ astipulationem sentis, viceris. Deus creator est, homo creatura: prorsus indubitatum sit, necesse est, quo creatura creatoris quicquam sibi arrogat. Atq; iterum ò Rex, optamus, ut aliquàtò antè, quàm pater hujus adolescentis in Germaniam concederet, in hisce provincijs fuisset. Sensisses profectò in illū odij causam non fuisse aliam, quàm

quàm quòd florentissimas hasce provincias in eodem tibi statu conservare, & à nomine tuo omnem justæ ignominiae notam avertere vellet. Atque utinam ille tum in tam præclaro suo instituto, sociorum suorum fidem non expertus esset (ut nequid gravius dicam) tam in constantem. Certè ò Rex, hæ provinciæ integræ adhuc essent, & nomen tuum incontaminatum. Nunc verò quid illis est conscissius? quid miserius? Et quidem quid earum adhuc reliquum esset, nisi ille idem illis tandem adhuc admovisset manum? Quid nomini tuo futurum sit, ignorare non potes. Cùm omnis posteritas memor futura sit, te Principe, tam præclaras hasce provincias, de te majoribusq; tuis tam bene meritis, tam foedè, barbarè, atque crudeliter esse habitas: tam etiam depopulatas atq; vastatas, ut nullus immanissimus hostis potuerit magis. Et hæc facta esse contra promissa tua tam insignia, contra iurandum tuum tam solenniter præstitum, quam, quæsumus, in perpetuum tibi famam pariet? Si Pontifex eorum omnium tibi gratiam fecit, pro te, ut supra coram Deo, sic tum quoque coram hominibus respondeat. At immorigeri subditi coercendi & constringendi erant. In quo verò im-

mori-



morigeri fuere? An non diversis bellis ita tibi suppetias tulere, ut plerunque victor evaderes? An non in inveniendis ad tanta Bella sumptibus, omnibus regnis alijsq; provincijs tuis se promptiores exhibuere? Quid cum apud illos praesens esses, an non omnia devotissimorum subditorum officia, & debitam omnino reverentiam percepisti? At primum Hispanos meos, deinde Episcopatus, ac tandem Inquisitionem etiam recusarunt. Ipsi fines suos custodire atq; tueri consueverant: & quid Hispani praesidiorum praetextu jam tum quaerent, non erat difficile olfactu. Episcopatus autem & Inquisitio istiusmodi erant, ut citra provinciarum perniciem recipere non possent. Et ut tu nolentes ad noxia cogeres: imò, ut novae quippiam rei invitis obtruderet, certe citra iurjurandi violationem non poteras. Percurramus Inaugurationis capita, percurramus alia tua jurata promissa, liquidè inveniemus, nihil prorsus novae rei licere tibi illis non consentientibus praescribere. Nullam ne igitur licuit vel in religione normam constituere? Vtique licuit, sed cum eorum consensu. Longè haec alia cantilena est, quam ea, cui hactenus aures assuevere. Praeterquam quod Pontifex promissorum gratiam  
E faceret,

faceret, me Principis jure ut legibus, sic etiam subditorum stipulationibus solutum esse: itaque omnia pro arbitrio facere posse. Frustraneæ ne igitur tam solennes Inaugurationis sunt cæremoniæ? Et in jurejurando nominis Dei invocatio mox ne in fumos abit? Et apud Hispanos tuos ò Rex, an memorabiles illas cæremonias, quibus à Tarraconensibus in Regem receptus es, inanes sentis? Profectò non credimus, tamen si avorum memoria illorum libertatem non mediocriter labefactatam scimus. Romani quidem Imperatores eam sibi auctoritatem ascribebant, ut se legibus solutos dicerent: sed id jure quodam facere posse videbantur, quòd sine ullis ferè conditionibus crearentur, & oppressis ubique rebus publicis, liberè imperarent, unde etiam Monarchæ sunt dicti, & rectè. Quo Imperio tandem everso, populi ubique pristinam libertatem recuperarunt, & non nisi sub commodis conditionibus Reges Principesve constituere. Qui mos ubiq; adhuc integer est, nisi ubi tyranni structis passim nidis rerum potiuntur. Et illustre ejus rei in Imperij reliquijs argumentum habemus, ubi qui rebus præficitur, & in multas conditiones jurat, & mox septem Principes, tanquàm

in Imperij consortes accipit. Vnde etiam illi Monarchæ nomen non competit : & si non illi, certè nulli in Europa Regi, quatenus quidem Christianum nomen pertingit. Quæ quanquam Consiliarij illi tui ò Rex, æque atq; quisquàm mortalium scierint, ad gratiam tamen aliter loqui visum fuit, tuóne an suo ipsorum bono ; toti jam manifestum est orbi.

## *De moneta cudenda.*

### CAPVT. XVIII.

**N** V L L V M nummum cudemus in provincia nostra Brabantia , nisi de consilio, voluntate, & consensu totius provinciæ. Neque is nummus ullo modo minui poterit. Quod tamen si fiat, vindicare id poterimus in monetarium ipsiusq; bona , citra conniventiam & dilationem. Cudetur autem is nummus in aliqua nostrarum liberarum civitatuni : & æstimabitur secundum ea , quæ in quondam edita Gallica Constitutione traduntur.

*Monetam cudere etiam signum supremæ potestatis est, sed Princeps promittit se id non facturum, nisi de consensu populi.*

## COMMENT.

**L**AVDABILIS hæc majorum nostrorum circa monetam sollicitudo, aliquantò adhuc in Mariana Inauguratione evidentior est. Nec parvam certè laudem Ordines merentur, qui illorum vestigijs insistentes, dum veterem in moneta probitatem atque fidem urgent, vicinorum nonnullorum artes atq; imposturas cessare cogunt : quorum profectò nonnulli ad piacularia sunt progressi. Cujusmodi certè est, aliorum Principum monetam ita exprimere atque assimulare, ut adulterinum à vero vix ab ipsis monetarijs dignoscatur. Cujus notæ censeri etiam debet, cudendi jus ad aliquot millia avaris mercatoribus locare. Cujusmodi fraudem atque turpitudinem nunc impedire atq; intervertere, quantò temporum tumultuosiora licentiaque corruptiora sunt, tantò profectò plus laudis habet. Cæterum quia hoc capite æstimandæ monetæ ratio rejicitur ad præscripta Constitutionis, Gallicæ vulgò dictæ, de qua nonnihil ad caput decimum tertium attigimus : & hoc caput inde originem habet, translatum illius Constitutionis caput secundum, in quo de mo-

acta

neta agitur, huc perscribemus. Nulli in Brabantia nummi cudentur, nisi in liberis civitatibus, & de consilio nostrarum civitatum & provincia. Atque hi nummi aestimabuntur, laudabilique in conditione sustinebuntur de consilio earundem civitatum & provincie.

*Nothos nullo publico munere  
in Brabantia fungi.*

CAPVT. XIX.

**Q**UI ex legitimo toro prognatus non est nostro nomine in Brabantia neque Consiliarius, neque Praefectus provinciae aut cujusquam civitatum fieri, neque ullo officio publico fungi poterit.

COMMENTAR.

**N**OTHVM Graeci vocant, qui non sit legitimus. Latini vero teste Catone eo utuntur, defectu suae linguae vocis eam rem ita generaliter significantis. Nothorum autem multa sunt genera, qui universè hinc à publicis muneribus

<sup>a</sup> Deuter. 23. excluduntur. Apud Moſen <sup>a</sup> etiam excluduntur ab Eccleſia Domini in decimam generationem. Quod ita ſecuti ſunt Chriſtiani, ut tales ab omni Eccleſiaſtica functione excludi voluerint. In Romano autem Imperio ad dignitates ſunt admiſſi, cum hoc etiam Papiniani elogio: Non enim (inqui-  
<sup>b</sup> L. 6. De Decur. & fil. ſor. D. entis <sup>b</sup>) impedienda eſt dignitas ejus, qui nihil admiſit. In quam benignitatem nonnullæ nationes inclinantes, aliter etiam de ijs ſtatuunt: ut tamen omnes eodem loco habere non putem. Habet etiam Mariana Inauguratio ab hoc, de noſtris præſcripto nonnullas exceptiones: ſed hoc laudabile eſt, in ea etiam ab omni dignitate excludi adulteros, ita leniter tamen, ut adulterium manifeſtum eſſe, & in eo contumacia requiratur. Adeò in eo genere vetus omnium ætatum diſciplina poſtremis hiſce ſeculis enervata eſt, idq; merito impuriſſimo Eccleſiaſtico-  
 rum coelibatui acceptum ferimus.

## *De inſontibus pugnae.*

### CAPVT. XX.

**S**I in dicta noſtra provincia rixam aut pugnam fieri contingat, à tempore rixæ aut pugnae vigintiquatuor horis  
 firma

firma certaque pace potentur insones : & qui interea adversus eos aliquid fecerit, pacis violator censetur.

## COMMENT.

**V** E T V S. in hisce provincijs observatio est, ut si pugna alicubi oboriatur, quivis astantium pacem jubere possit: & qui non obtemperat, quoties jussus fuerit, toties ut in certam multam incidat, tanquam pacis violator. Sic hoc capite tanquam pacis violator multandus venit, qui ei, qui pugnae interfuit, ejus tamen insones est, intra vigintiquatuor horas à pugna vim intentat. Quod ego ita constitutum auctor, mo, ut interea ira amicorum vulnerari aut occisi deferbeat. De pugnae fontibus, nempe si plures aut vulnerarint aut occiderint, perspicue in juris libris tractatur<sup>a</sup>.

a L. ult. Ad l.  
Corn. de sic.  
l. Item Mela.  
§. Si plures.  
Ad l. Aquile  
D.

*De homicidis.*

## CAPVT. XXI.

**N** E M I N E M homicidam in provinciam recipiemus, priusquam occisi cognatos reconciliarit,

## COMMENT.

**V**IDE, ut Princeps privatis etiam hominibus obstringatur: multas tamen hoc caput exceptiones habet.

*Præfectos ipsos officia sua administrare debere: & De cautione ab ijs præstanda.*

## CAPVT. XXXI.

**Q**UIBUS deinceps in Brabantia civitatum pagorumq; præfecturas dabimus, quosve civitatibus pagisve præficiemus, atq; etiam qui in præsentì civitatum pagorumve præfecturas habent, eos ipsos præfecturas illas administrare compellemus: neq; verò illas in alterum conferre, neq; vendere, neque locare poterunt. Illi etiam civitatum pagorumve Præfecti, qui carceris jus habent, alijque per agros officiales, qui ut jus dicatur, curandi auctoritatem habent, priusquàm officia suscipere poterunt, ad usum cuiusq;, cuius intererit, in iudicio, cui deservient, idoneos fidejussores dabunt.

COM.



## COMMENT.

**A** V R E A Iustiniani octava Novella multas præclaras rationes habet, quamobrem officia muneribus comparari non debeant. Quocirca ille etiam ibidem & alibi graviter interdixit, ne id fiat: & ius-jurandum in officiorum susceptione, munera nulla data esse aut promissa, præstari voluit. Quod idem etiam suprâ capite undecimo luculenter statuitur. Iam verò, quæ rationes sunt, quare officia muneribus quæri non debeant, eadem etiam ad hoc valent, ut ab eo, qui officium consecutus est, id neq; conferri in alium, neque vendi, neq; locari possit: quod præclare hoc capite statuitur. Iustinianus eadem Novella<sup>a</sup> & passim alibi vetuit, nequis magistratus, sive civilis sive militaris, vicarium haberet: quod idem etiam de Defensoribus civitatum<sup>b</sup> statuit: quo profectò officij venditio & locatio satis prohibetur. Quod porrò de cautione præstanda hoc capite habetur, majorum nostrorum insignis sollicitudinis indicium est, quo omnino indemnitati consulatur. Accuratè quidem in juris libris de asservandis custodijs<sup>c</sup> tractatur, sed ita illicitis, quorum

<sup>a</sup> §. Ceterum  
nul.

<sup>b</sup> Novel. 15.  
§. ius-juran-  
dum.

<sup>c</sup> De custod.  
reor. D. C.

custodias elabi intersit, caveri non puto.

*Officia neq; locari, neq; pignoris  
jure mancipari.*

CAPVT. XXIII.

**O**FFICIA provincie nostræ Brabantie juridicialia, neque locabuntur, neq; pignoris jure mancipabuntur: sed ut jam inde antiquitus consuevit, administrabuntur. Et siqua elocentur, locatio nullius momenti erit, neque subsistet.

COMMENT.

**O**FFICIORVM nundinatione nihil profectò potest esse turpius. Non tamẽ ejus puduit aliquos Principes. Sed quid illi ad subditorum à Præfectis suis miserè expilatorum querelas aliud, quàm statuarum instar turdis astare auribus?

*Brabantis alijs alios extra  
Brabantiam neq; in jus vo-  
care, neq; ad pugnae certamen  
provocare, licere.*

CA-

## CAPVT. XXIIII.

**N**ON patiemur, ut quisquam dictarum nostrarum provinciarum popularem suū extra eas provincias, qualemcumq; tandem causam prætexat, detinendum alioquēve impediendum curet: aut etiam in jus vocet, nisi illum fugere reuera constet. Similiter etiam, quicumque earundem provinciarum incola popularem suum extra easdem provincias ad duellum provocabit, provocandumve curabit, centum obrysi auri libris, alioquēve arbitrio Consilij Brabantici multabitur.

## COMMENT.

**C**AROLVS ejus nominis quartus Imperator anno supra millesimū trecentesium duodequingagesimo edidit Constitutionem, quæ Auræ bullæ nomen obtinuit, quæ edixit, ne quis Imperij subditus Brabantū extra Brabantiam, quæcumq; tandem causa esset, aut per indicem detineret, aut in jus vocaret. Quam Constitutionem Carolus Quintus non sine illustratione anno trigesimo renovavit. Quod igitur peregrino non liceat, civi certè aut populari licere non debet. Id igitur certioris cognitionis causa hoc capite  
statuitur

statuitur. Quod verò etiam de provocatione ad pugnae certamen habetur, idem etiam intra Brabantiam haud dubiè est illicitum. Nam cruenta spectacula rectè sublata voluit<sup>a</sup> Constantinus. Quo eversum est illud Vlpiani, Si quidem (inquietis<sup>b</sup>) in publico certamine alius alium occiderit, cessat Aquilia. Et quanquam hîc ad aliud certaminis genus respiciatur, ad illud nempe, cuius subinde in<sup>c</sup> Constitutione Friderici Imperatoris, De pace tenenda & ejus violatoribus, mentio fit, quod ibidem duellum dicitur, & ad quod singuli singulos ob gravem aliquam causam, quæ cum non commodè iudicio, sanguine decidatur, provocant: tamen illud ipsum æquè nunc illicitum visum iri existimem, cum tam immanem consuetudinem jam pridem obsolevisse videam. Quæ autem hoc capite ducentarum marcarum obrysi auri multa ponitur, profecto gravis est: cum marcam nostro idiomate felibram significare didicerim, quamobrem etiam centum libris verti. Et cum auri libra aliquanto pluri, quam centum & decem aureis Coronatis aestimetur, exurgat hæc multa in undecim millia Coronatorum: quantæ summæ pauci sanè solvendo sint, quamobrem etiam de arbitrio Consilij

Bra-

<sup>a</sup> L. unica, De gladiat. C.  
<sup>b</sup> L. 7. §. si quis in collustatione, Ad. l. Aquil. D.

<sup>c</sup> Quæ est 27. tit. lib. 2. Feud.

Brabantini adjectum est : ut etiam in simili  
caussa capite trigesimo & secundo.

*Brabanto Brabantis bellum  
facere, hostibusve Braban-  
tiæ suppetias ferre, capitale  
esse.*

CAPVT. XXV.

**S**I QVIS nostrorum subditorum aut  
nobis aut provincijs nostris Brantiæ  
Transmosanæve, aut incolis earum  
bellum denuntiet, spoliet, bonave occupet:  
aut deinceps respectu Brantiæ, Limburgi-  
cæ, Transmosanæve, nostris earundemque  
provinciarum hostibus sciens auxilio sit,  
eosve recipiat, in capitis bonorumque dis-  
crimen veniet: neq; eum, nisi de consensu  
trium Ordinum, in Brantiam recipere po-  
terimus: atq; alioquin omnis nostra in eum  
gratia futura est irrita.

COMMENTAR.

**N**ULLA unquam respublica fuit,  
quæ non similiter de civibus suis  
hostibus judicavit. Sed illud no-  
randum

tandum est , Principem subditum hostilia conatum, sine consensu Ordinum in gratiam recipere non posse. Et cum istiusmodi permulta sint, quæ Princeps citra consensum Ordinum facere non possit: certè magna illa, ut sanguinaria edicta condere, ut ubique qui illa rigidissimè exequerentur constituere, ut novos Episcopatus obtrudere, ut Inquisitionem introducere , citra eorundem consensum profectò non potuit.

## *De raptu fœminarum & puerorum.*

### CAPVT. XXVI.

**S**I QUA mulier aut virgo cum ad stuprum abriperetur, flevisset, aut id contra ipsius voluntatem esse, plenè constaret: si ea raptori adhæreat, aut cum eo vivat, nos ipsius mobilia & immobilia obtinebimus, donec vivet: & post mortem ejus ad eos, ad quos jure pertinebunt, immobilia devolventur. Si verò raptori non adhæreat, nulla nos ipsius bona occupabimus. Raptor autem, quiq; illi in facinore auxilio fuere: & similiter, qui illum in Brabantia receperit,

p̄erit, quia' ve re juverit, quatenus amittere possunt, in perpetuum vitam bonaq; amittent. Siquis verò minorem legitima ætate puerum puellani' ve rapuerit ad stuprū, aut abduxerit, ille, quiq; illi auxilio fuere, citra spem veniæ vitam & bona amittent: nequæ quenquam in eo sodalitiū D. Petri, privilegia municipalia, literæ Scabinales, aut quicquam aliud tueri poterit, quò minus ex provinciæ legibus cum eo agatur.

## COMMENT.

**C**V M hîc tam disertè dicatur, si mulier in raptu flevisset, aut eam invitam raptam esse, liquidò constaret, nihiloq; minus raptori adhæreat, à fisco tūc ejus bona esse occupanda: à contrario inferri posse videtur, si non fleverit, volensque rapta sit, tamen si raptori adhæreat, ejus bona occupari nō debere. Quali volentem rapere, crimen non sit, contrā atq; Iustiniano<sup>a</sup> placuit. Sed quid mirum, cum posterioris ætatis licentia etiam matrimonium inter raptores & raptas permiserit, siue volens siue invita rapta sit? Quæ eadem licentia & quicquid hîc acerbius est, & veterem ea de re omnem disciplinam, si non omnino evertit, multum

a L. un. Pœnas autem, De rapta virg. C.

multum certè labefactavit. Atque hoc quidem etiam impurissimo Ecclesiasticorum coelibatui acceptum est ferendum. Cum enim illi libidinem promiscuè exercerent, idq; impunè : qui fieri potuit, ut non ea cupido etiam alijs longè lateq; incesset: atq; impuditiæ contagio, velut aquæ ruptis aggeribus, pudicitiae leges tandem obrueret? De sodalitiis D. Petri, cujus hîc fit mentio, quinto abhinc capite videbitur.

*Siquis homicidij accusatus iudicio se offerat.*

## CAPVT. XXVII.

**S**I QVIS de vulnere aut homicidio accusabitur, id antequam convictus sit, illi fraudi periculove non erit, si offerre se iudicio & purgare velit. Officialis tamen loci apprehendere illum & in carcerem mittere, ejusque etiam bona annotare poterit, simulque iudicium urgere, donec aut condemnetur aut absolvatur.



## COMMENT.

**C**ONTRA absentes in criminibus ex præscripto juris hæc observantur<sup>a</sup>.  
Ipsi primum in reos referuntur, sive annotantur, deinde edictis publicè propositis ad se purgandos evocantur; intereaque aut etiam intra annum eorundem bona obsignantur. Qui si intra annum se purgatum veniant, purgati obsignata bona recuperant: & si priusquam se purgent, decedant, ad hæredes eadem transmittunt. Post annum quodocunq; quidem se purgare possunt, sed bona non recuperant: atque si in purgatione deficiant, deq; crimine convincantur, gravitis etiam puniuntur. Ex quibus facile liquet, quânto melior sit conditio ejus, qui se offert, quàm qui in latitando contumax est. In causâ religionis verò superioribus annis diversum fuit. Nam ita captiosa ea judicia erant, ut nemo quantumvis simplex aut innocens, aut etiam quantumvis vaser & cautus, ea illæsus evadere posset. Hoc verò fortasse non rectè omittatur, posteriorem hujus capituli clausulam, neq; Marianam, neq; post secutam Carolinam Inaugurationem habere, ut cogitari  
F possit,

<sup>a</sup> Ut viderè  
est in tit. De  
requitendis  
reos, D. C.

§ L. I. De cu-  
stod. & ex-  
hib. reor. D.

possit, illis temporibus aliquantò plus com-  
modi mox se iudicio offerenti fuisse. Solet  
enim ex rei qualitate dispici, an mox in  
carcerem deberet conjici, an verò etiam fi-  
dejussoribus, aut sibi etiam committi: neq;  
etiam credibile est, mox post accusationem  
indiscriminatim solere in reorum bona in-  
volari.

## *De domesticis infortunijs.*

### CAPVT. XXVIII.

**S**VEDITI nostri Brabantini Trans-  
mosaniq; in omnibus evidentibus in-  
fortunijs, quæ quocunque modo, sine  
culpa tamen, aut ipsis, aut liberis ipsorum,  
aut mercenarijs, aut cuiquam è familia con-  
tingere poterunt, & mortis causam da-  
bunt, à quacunque pœna & publicatione  
bonorum exortes & liberi erunt. De qui-  
bus tamen infortunijs Iudices loci per Offi-  
cialem requisiti, diligenter cognoscent, ju-  
dicabuntque, pro infortuniõne, quod conti-  
git, haberi debeat, an non: quodque ita judi-  
cabunt, ratum erit. Et si qua culpa depre-  
henderetur, pro modo culpæ Iudices obnoxii  
extra ordinem punire poterunt.

## COMMENT.

**S**I (ut rectè Vipianus<sup>2</sup>) fortuitos casus nullum humanum consilium providere potest : & si quæ citra dolum atq; culpam admittuntur, jure non vindicantur : de quibus, ut etiam de fortuitis casibus, sub titulis juris, De lege Aquilia, permulta exempla sunt : meritò quisque de istiusmodi doni suæ contingentibus excusari debet, eoque etiam magis, quod quæ in familijs fortuitò accidunt, contra diligentem patris matrisque familias sollicitudinem & curam accidunt : & in domesticos non temerè doli suspicio cadat. Ut tamen (quod hîc statuitur) in istiusmodi infortunia inquiratur justissimam profectò causam habet.

<sup>a</sup> L. 1. §. Si ad temp. De adm. minist. rer. ad civit. D.

*De ijs quæ bello comparabuntur.*

## CAPVT. XXIX.

**Q**UASCVNQUE civitates, municipia, dominia, aut arces cuicunque communi bello, sive communi exercitu

Quid hîc Princeps aliud est, quàm reipublicæ procurator?

exercitū ē provincia nostra Brabantia ademerimus, eā Brabantiæ annectentur, itaque ad eam pertinebunt, ut restitui nequeant: eademque iisdem, quibus Brabantia, obnoxia erunt, neque separari poterūt, quemadmodum ipsa Brabantia inseparabilis est.

## COMMENTAR.

**O**MNIVM rerumpublicarum uni Israēlitæ sub Mose primæ sunt partes tribuendæ. Neque mirum, cum tum ejus populi Ducem atque Regem manifestè se ostenderit Deus. Mixtim constabat illa ex tribus rerumpublicarum generibus: quæ temperatura à sapientissimis hominibus maximè semper comprobata fuit. Moses quasi Regiam auctoritatem tenuit: penes septuaginta Seniores, Chiliarchos, Centuriones, Quinquagenarios, & Decuriones, Aristocratica potestas fuit: Democratica verò apud reliquum populum resedit. In quam postremam tamen siqui Chiliarchos, & qui post eos recensentur, tanquam qui omnia cum populo communicarent, ejusque quasi Tribuni essent, retrahere velint, per me quidem licebit, ut cui hîc cum ordinem nudè proposuisse sufficiat.

ciat. Atque cum hanc ita temperatam rempublicam Moses non nisi Dei auspicijs regeret, ipseque Deus sæpe se evidentibus signis moderatorem exhiberet, ac tam præclaræ leges populum in officio continerent: quæ unquam respublica fuit, quæ cum illa conferri possit? Quam si is populus cum debita obedientia Dei arctius conservare studuisset, profectò nunquam in Regiam dominationem, ipsum non longè post perdituram, proruisset. Atque Dei quidem tam manifesta præsentia, Moïsis, Iosua, nonnullorumque aliorum præstantia, & legum tam sanctarum repagulum, præcipuæ ejus reipublicæ eminentiæ causæ fuere. Nam quod ad mixturam trium illorum generum attinet, eam à plerisque ferè à condito orbe populis observatam fuisse, hinc astrui posset. Quod promiscuæ plebis gubernatio propter diversitatem opinionum & inconstantiam subsistere non possit: quod optimatum sola gubernatio mox nimia invidia laboret, & inter ipsos in factiones conscindatur: quod Regia potestas, si fræna nulla quibus coercetur habeat, continuo in belluinam intemperiem prorumpat: quod plebis optimatumque gubernatio difficultibus temporibus uno opus habeat, qui diffi-

cultates expediat: quòd denique in optimatium & Regia dominatione , supra invidiæ & factionum incommoda , optimates aut Regijs libidinibus non admodum adversentur, aut ad eas coërcendas non sint pares. Plebis autem gubernatio, Regiaq; potestas, aqua ignisq; instar sunt , neq; sine optimatium autoritate conjunguntur. Laudantur verò Amphictyones , laudantur Lacedæmonij, laudantur Tabrobanij , qui vetustis illis seculis triplici eo gubernationis genere usi fuere. Et quidem cùm tandem Romæ Consulibus Tribuni , ut Lacedæmone Regibus Ephori, oppositi essent , non video, quid tum in Romana republica, quantum ad triplex illud gubernationis genus attinet, defuerit. Plebis autoritas in Tribunitia potestate consistebat: Aristocratica dignitas penes Patres Conscriptos erat : Regiam Majestatem Consules obtinebant. Hoc tamen ad perfectionem adhuc defuit , quod mox in plebis optimatiumq; gubernatione deesse diximus , ut quanquam duo tantum Regium locum obtinerent , orta graviori aliqua causa unus aliquis quæri deberet, qui donec difficultates expedirentur , summa potestate præfesset. In quo genere profectò omnibus numeris absoluta est præsen-

ris Imperij ratio : ut ubi in Imperatore  
Monarchicam Majestatem, in Electoribus  
reliquisq; Principibus Aristocraticam mag-  
nificentiam, in civitatum Legatis Democra-  
ticam dignitatem conspiciamus. Sed ut ad  
nos ipsos veniamus, Galli omnes ante Ro-  
manam tyrannidem triplici eo gubernatio-  
nis genere usi memorantur : & recuperata  
tandem libertate idem gubernationis genus  
instauratione ostenduntur Atq; hoc imprimis  
laudabile, quod quotannis semel Ordines  
universos coire voluere, qui de præcipuis rei-  
publicæ rebus cognoscerent: & siquid in ad-  
ministrationis illo genere hiulcum esset,  
sartum tectum redderent. Quem sacrosan-  
ctum morem qui tandem everterunt, simul  
triplex illud gubernandi genus labefacta-  
runt, & sensim stabilita tyrannide Celtas A-  
quitanicosq; in extremas hæc calamitates,  
atq; adeò exitium conjecerunt. Nos Belgæ  
sub postremis Legatis Regijs iisdem reipu-  
blicæ firmamētis spoliati fuimus, & in æquæ  
exitiales calamitates coniecti. Cum verò  
mirabiliter à Deo Opt. Max. libertati, pri-  
stinæque libertati restituti simus, melius de-  
inceps nobis caveamus, neq; ingratitude  
Deum ad graviora infligenda provocemus.  
Sed ad propositum. Cum in triplici illo

gubernationis genere supremus (quocunq;  
tandem nomine censeatur, sive Imperato-  
ris, sive Regis, sive Ducis, sive Comitis, sive  
Marchionis) nihil sine reliquorum veluti  
membrorum consensu possit, & omnia  
cum illis communia habeat: quemadmo-  
dū gubernationis incommoda subditi æquē  
atq; etiam magis, quā Princeps sentiunt,  
ita quoq; commoda in subditos æquē, atq;  
in Principem, redundare, æquum est. Bra-  
bantia autem ut Gallica provincia, triplex  
illud gubernandi genus & semper cum alijs  
sive Galliarum sive Belgicę provincijs com-  
mune habuit, & (quomodo videmus) sub  
peculiaribus suis Principibus insigniū etlā,  
quā reliquę provincię, illud expressit, atq;  
disertis consentaneis conditionibus com-  
munivit. Quod cum ita sit, ut quę jam de  
commodis & incommodis diximus, in ea-  
dem etiam locum habeant, profectō par est.  
Sed de eo aliquantō loquamur pressius.  
Cum in istiusmodi republica Princeps, non  
dicam quod caput in corpore, aut pater in  
familia, sed eorum, quę communiter decre-  
ta sunt, cum summa potestate procurator &  
executor sit, ut quę efficiat, quęque compa-  
ret, reipublicę cedant, ratio postulat. Atque  
adeo id quidem, ut tametsi de eo nihil cau-

tum



tum sit, nihilominus id ita fieri conveniat. Inde quicquid Lacedæmoniorum Reges occupavere, Lacedæmonijs cessit: inde quicquid Romani sive Consules sive Dictatores armis subegere, Romanæ reipublicæ accessit, & pecuniæ aliæq; res preciosæ ab hostibus captæ, in publicum ærarium sunt relatæ. Quia verò cum Principibus nimis cautè agi nequit, prudenter Brabantia Ordines & in hoc fecere, ut quod jure deberetur, ex pacto etiam peti posset. Ac verò de eo omnino inter Ordines & Iohannem ejus nominis primum Brabantia Ducem convenisse puto, cum ille Ducatum Limburgensem ab Henrico ejus Duce emptum, & post obitum Henrici à Childerico Comite occupatum, armis vindicare necesse haberet. Quin de eo etiam non absurdæ conjecturæ sunt, inter Brabantia Duces & Ordines ea tum consilia fuisse, ut quemadmodum Lotharingia titulum usurparent, Brabantiaq; Lotharingia pars esset, universam sensim in unum Principatum recolligere niterentur. Quò etiam hoc allestamento usi videntur, ut qui aut subigerentur, aut alia quacunq; ratione accederent, ejusdem cum Brabantis juris essent. Ac primum quidem post Limburgum ea diversis temporibus occuparunt,

quæ ad caput duodecimum Transmosanæ nomine censerî diximus : deinde Lucemburgensem Ducatum primum matrimonio tentatum , postmodum armis subegerunt : ac postremò ea veteris Lotharingiæ parte, quæ Lotharingiæ nomen retinuit, Carolus Audax bello est potitus. Sed quicquid ejus sit , in Mariana Inauguratione etiam legimus , hoc pacto eundem Carolum Ducatum Gelriæ Zutphaniæque Comitatum ab Arnolde Duce comparasse, ut eæ provinciæ Brabantię annecterentur : & Mariam ejus filiam eandem in perpetuum Brabantię annexas fore, seque earum titulis & insignibus usuram (de quo ad caput quartum nonnihil etiam dictum est) juratò promississe. Atque de his quidem hoc loco, deque hujus capituli æquitate satis.

*De dimensione fundorum , & constituendis terminis.*

CAPVT. XXX.

**S**I QVIS in Brabantia Transmosanæve finium dimensionem, terminive constitutionem petet, eam & contra nos, & con-

& contra quemcunque alium fieri jube-  
bimus.

COMMENT.

**R**EGVNDORVM finium ratio &  
modus ex juris<sup>a</sup> libris est petendus. a Fin. re-  
gund. D.C.  
Hoc hîc non tam peculiare, quàm  
providè est cautum, tam adversus Princi-  
pem, quàm quemvis alium, finium regun-  
dorum agi posse.

*De ijs, qui in sodalitia D. Pe-  
tri sunt.*

CAPVT. XXXL

**I**TA habebuntur, qui in sodalitia D. Pe-  
tri sunt, itaq; cum ijs agetur, uti de jure  
eos haberi, atq; cum ijs agi, par erit.

COMMENT.

**L**QVANIUM Comitatus dignitatem  
aliquandiu usque ad Godefridum  
Barbatum, cujus ad caput quartum  
mentionem fecimus, habuit. Cùm autem  
(ut conjicere est) à sodalitia quodam ejus  
urbis

urbis pro more illorum temporum ab urbis tutelari Divo, qui Petrus Apostolus est, nomenclaturam habente, magna beneficia sentiant Comites, gratitudinis ergo præclaris illud privilegijs remunerati sunt. In quo etiam eo progressum inuenio, ut in illud feudalitium reciperentur etiam, qui alibi cives essent & habitarent: quò scilicet Principes plures sibi devinctos haberent. Et Principatu illo mutato, aut potius sublato, in multis tamen familijs eadem privilegia etiamnum residere intelligo.

*De actionibus in alios non transferendis.*

CAPVT. XXXII.

**S**I duo laici in iudicio inter se contendant de prædijs in Brabantia sitis, & re ad sententiam deducta, alter litem perdat, res ve contentiosa ei abjudicetur: ac tum eam rem transferat in sacerdotem, clericum, alium ve spiritualem virum, aut etiam in quenquam alium, quò is, secundum quem iudicatum est, peregrè extra Brabantiam molestijs afficiatur atque divexetur: aut si quis

quis etiam Brabantiae incola actionem habens, eam in alium transferat, ut adversario suo extra Brabantiam molestias atque divexationem pariat: qui quid eorum fecerit, centum libris auri, alioquinve arbitrio Consilij Brabantici multabitur.

## COMMENT.

**C**APITE vigesimo quarto statuitur, nequis Brabantus Brabantum extra Brabantiam in jus vocet, alijsve judicarijs molestijs afficiat: hinc verò nequis Brabantus actionem suam in alium transferat, qui Brabantum extra Brabantiam judicarijs molestijs vexet. Et cum hinc in eos qui contrà faciant, centum librarum auri multa statuatur, quanta & illo capite continetur, orationis autem modo clausulae, de non ad pugnam provocando, tantummodo applicari debere videtur: hinc intelligitur, illic eandem etiam multam extra Brabantiam in jus vocanti esse constitutam. Immenso mitior in eo est juris civilis dispositio, <sup>a</sup> sed cogitandum est, hinc duplex esse delictum, in alium nempe quasi potentiorē actionem transferre, & ideo transferre, ut Brabantus extra Brabantiam in jus vocetur.

<sup>a</sup> De alieni  
jud. mut.  
can. fac. D.  
Ne lic. por.  
patz. litig. C.

*Quen-*

*Quenq; contra feras fundos suos  
custodire posse : & De ve-  
natione.*

CAPVT. XXXIII.

**V**NICVIQUE fundos suos custo-  
dire, custodiendosque curare, atque  
cò impunè canes alere non accisis  
licebit unguibus. Et si qua fera à canibus aut  
lædetur aut occidetur, ea, ut erit, suo in loco  
relinquetur : & si ab aliquorum canibus de-  
voretur, id illis non est futurum fraudi. Po-  
terit etiam impunè quisque per totam Bra-  
bantiam lepores atque vulpes venari, & si-  
militer cuniculos extra libera vivaria : atque  
etiam ubicunq; aucupibus avibus ad vola-  
tile aucupium uti.

COMMENT.

<sup>a</sup> L. 3. De  
iust. & iur.  
D.

**S**I (ut Florentinus ait <sup>a</sup>) quod quisque  
pro tutela corporis sui fecerit, jure fe-  
cisse existimari debet : etiam qui-  
cquid custodiendarum rerum suarum causa  
quis fecerit, jure fecisse dicendus erit. Et  
videmus

videmus in jure passim diligenti custodiæ magnam laudem tribui. Tyrannis tamen plerisque locis eò processit, ut miseros agricolas tueri sata sua adversus feras non permittat. Memini me legere in Germanico quodam libello, cui titulus est, Diabolus venatorius, Episcopum quendam rusticum, qui fatorum suorum causâ feram occidisse diceretur, ferinæ pelli insutum canibus projecisse dilacerandum. Præclarus certè pastor, sed qui potius inter lupos numeretur. Et habet libellus ille multa alia exempla huic non dissimilia. Hujus ergo violentiæ obviandæ causâ etiam in hoc sibi reliquisque subditis jus commune Ordines à Principe sunt stipulati. Sunt etiam Cyclopes nonnulli, qui subditos suos canes non nisi accisis unguibus habere ferant : sunt etiam qui feles nisi accisis unguibus habere non permittant : ne videlicet ferarum latibula everrant. Sed cum libera hîc venatio sit, quemadmodum proximo capite videbimus, accisio unguium facessat necesse est.

## De venatione.

CAPVT. XXXIII.

**D**E INCEPS quicumq; equeſtris ordinis, nobiles, alijq; etiam quicumq; Brabantiae incolae, impunè per omnem Brabantiam, prout tempus feret, venari poterunt quascunque magnas feras, præterquam in vivarijs, nemoribus, sylvis, dictis Zonien, Zaventerlo, Grootheyſt, Meerdaſe, Grotenhoute. Et nos quidem promiſimus & juravimus; promittimus & juramus, ut ſuprà, nos nunquam aut edicturos aut interdicturos, aut etiam tributum peti- turos aut conſtituturos, aut ullo modo fieri paſſuros, per quæ hæc aliquo modo labefa- ſcari aut impediri poſſent.

## COMMENT.

<sup>a</sup> Ferè igitur.  
De res. diviſ.  
Inſtit.

**S**I feræ beſtiæ, volucres, piſces, omniaq; animalia, quæ terra, mari, cœlòve naſ- cuntur, ſimulatque à nobis capta ſunt, jure gentium noſtra eſſe incipiunt <sup>a</sup>: vena- tio certè jure gentium etiam libera eſt. Vi- ſum tamen Ordinibus eſt, ut ob ſimilem Principum arrogantiam, cujus præcedenti capite



capite meminimus, eam etiam à Principe stipularentur. Sed (ut certè Principis habenda ratio fuit) nonnulla hîc loca excepta sunt, quæ illi soli in venationis usum cederent: quæ Brabantico idiomate libera vivaria dicuntur, quasi à promiscuo usu asserta,

*Non licere nova vivaria facere.*

## CAPVT. XXXV.

**D**E INCERS in provincia nostra Brabantia nulla vivaria erunt, neq; constituentur, præter ea, quæ ab anno supra millesimum trecentessimum sexagesimo septimo libera vivaria fuere, quæque tandiu ab ijs, à quibus oportebat, feudali jure obtenta sunt: ut tamen per horum etiam causam subditi gravioribus damnis non afficiantur.



## COMMENT.

**A**TQVE ea quidem Principi ea lege assignata sunt, ut illis alia adjicere novaq; facere nequeat. Cui simile  
G
est,

est, quod octavo Additionis capite, alia præter hæc vivaria loca, ut vivaria locari non posse, cavetur. Illud verò præclarum est, quod illa eadem ita haberi, itaq; obsepiri requiritur, ut vicini inde incommodis damnisve non afficiantur.

## *De debitis sylvatici juris.*

### CAPVT. XXXVI.

**N** VLLA debita nemorali sylvaticove jure exigentur, præterquam quæ ex mercatu lignorum sylvarumve ex veteribus Principis nemoribus aut sylvis, aut ex alijs etiam, quæ jam inde antiquitus sylvatici juris fuerunt, emptorum, originem habent.

### COMMENT.

**M** ARIANA Inauguratio huic capiti magnam lucem adfert, quæ disertè statuit, neminem silvas suas sive arbores sylvatico juri non obnoxias, ita vendere posse, ut emptorem tardiùs solventem ad Quæstores Principis, sive alios, & nō ad competentem magistratum in jus vocet: Quæstoresque istiusmodi causas, ut etiam alias

alias ad ipsos non pertinentes omnes, ad suam cognitionem recipere vetat. Et sanè aliud est jus fisci, aliud privati: aliud est coram fiscalibus, aliud coram competente magistratu iudicio disceptare.

*De Præfecto Brabantiae Gallicanae: & De curia Genapiensi.*

CAPVT. XXXVII.

**I**N regione Brabantiae Gallicana erit honesti nominis Præfectus, natione Brabantus, cujus scriba ipsiq; obnoxij officarij: & similiter Præfecti & Iudices aliarum sex magnarum Brabantiae Præfecturarū, natione quoque Brabanti erunt. Et curia Genapiana, uti jam olim consuevit, administrabitur: ita, ut cui illic negotium sit, cum eo non agatur extra normam juris.

COMMENT.

**R**EGIONEM Brabantiae Gallicanam vetusto nomine Romanam dictam invenio. Fortè ob similitudinem, quæ lingua Gallica cum Romana

habet, ut quæ longè majore sui parte ex hac confiter: sive etiam, quòd eo loco Romani sedem aliquam belli habuerunt, quam diu contra Francos, Gallias ab ipsorum tyrannide vindicantes, defenderint. Præcipuus ejus locus est Nivella civitas. Celebrem curiam habet in arce Genapiana, quæ curia Lotharingica dicitur, quod indicium est magnificæ vetustatis. Sed cùm in proprietatibus Brabantiae cognoscendis non parum adjutus sim lucubrationibus Ludovici Guicciardini, ne ingratus videar, agnoscere id hîc tandem volui. Et est is vir non solum de Brabantia, verumetiam de tota Belgica, quatenus quidem unum nunc Principatum sustinet, præclarissimè meritus. Ita enim illam descripsit, ita graphicè quasi depinxit, nihil ut desyderes. Quod ejus certè tam eximium studium tantò est laudabilius, quantò ille est alienigena remotior: cujus tamē patriam dicere, ululas Athenas sit ferre.

*Qualescunq; Brabantiae Officiales oportere esse Brabantos.*

CAPVT. XXXVIII.

**D**EINCEPS quoq; nostrorum Vassallorum Officiales, Iudices, Quæstores oportebit natione esse Brabantos : neque poterunt officia sua administranda committere extraneis, cuiuscunque etiam conditionis sint, Similiter etiam arcium provinciae nostrae Brabantiae Castellani, natione Brabanti erunt : nisi si suo nomine aut ratione matrimonij Baronica prædia in Brabantia possideant.

*Hispani quod suæ nationis Principem habent, quæ harum regionum etiam Princeps est, omnia officia sibi debere putant.*

COMMENT.

**C**V M toties repetitur, omnes Præfectos, magistratus, & quotquot functiones aliquas publicas habent, oportere esse Brabantos : facile intelligere est, penitus majores nostros perspectum habuisse, quantum intersit, indigenisne, an verò exteris publica committantur. Malitiosi nonnulli Marchiavelli sectatores, ut in omnibus ferè reipublicæ administrandæ modis, sic & hîc perniciosâ inculcant. Principi suæ nationis atq; linguæ hominibus, omnia etiam apud peregrinos alteriusque linguæ populos esse mandanda : neque ut

*Cap. 5. & 6. & 9. & 37.*

quisquam ibi incola publica tractet, permittendum. In hac schola edocti Hispani, quod suæ nationis Principem habent, cui multa extera regna, multiq; Principatus competunt: continuo non solum sibi omnes in illis reipublicæ partes, ascribunt, verumetiam dominatū deberi putant. Non aliter certè ubicunque pedem posuerint, se gerunt. Sed o mortalium omnium longè vanissimi, cum Belgæ suæ nationis Principem haberent, qui etiam vester Rex esset, num æquum vobis tum visum fuisset, si rempublicam vestram eo nomine Belgæ invasissent? Observantur adhuc ob oculos vestræ illæ quiritationes, turbæ, atq; tumultuationes, omnibus regnis vestris & auditæ & conspectæ, cum Gulielmus Cheuricus adolescentiæ Caroli Quinti Gubernator, nonnulla de republica ad vos mandata pertulisset. Quid, an vos Deo magis propitio creatos, quàm ullos alios mortales putatis? Imò ea vestra superbia cernitur, tanquam reliqui populi omnes Terræ, vos verò Cœli filij sitis. At o boni, ex una omnes materia sumus, eandem omnes originem habemus, & quantum ad externa, eodem omnes convertimur. Et si reliqua expendantur, hominū frequentia & multitudo, veteres prosapie, nobilitas, opulētia, rerū cogni-

cognitio, bellica virtus, & si qua sunt similia: est quòd in omnibus ijs vos multis inferiores confiteamini. Vt dici certè rectè possit, non aliunde vestram illam superbiam esse, quàm ex noxia illa istiusmodi Machiavelliorum persuasione. Quam profectò si minùs secuti essetis, integrior nomine Regem, immensoq; potentior, & hostibus longè magis formidabilem haberetis. Quod quisq; vestrum prædis rapinisq; ditatus est, divitiæ illæ diuturnæ non erunt: quòd malè parta malè dilabantur, & rapinæ ferè rapinis compensentur. Quantò satius fuisset vos cogitare, nos vobiscum sub uno Rege quasi unam rempublicam constituere, ideoq; non convenire, ut alteri in alteros administrationem affectent, ne quod id sine gravi odio & inimicitia fieri non possit, aliquod incommodum aut detrimentum in Regem redundet. Si quos adversus miseros Indos habuistis, instigati successibus estis: meminisse debebatis, nobis arma, munita loca, bellicosq; animos esse; quæ omnia prorsus illis defuere. Et vestræ illæ de Indis historiae, quibus ipsi testamini, vos in Indijs supra ducenties centena millia hominum contrucidasse: & amplius terrarum spatium, quàm inter vos & Hierosolymam aut

Constantinopolim interjacet, penitus evastassetq; desolasse: & præclara illa vestra Mediolani, Neapoli, in Batica, alibiq; designata exempla, permultos nostrum ita cautionis præmonuerant, ut pcedem in fines nostros illaturi non fueritis, nisi longè major nostri pars, alij vecordia, alij Regalis obedientiæ specie fascinati, vestras ab initio partes sustinuissent. Qui vestris moribus prudentiores sensim facti, ubi vela tandem vertere cœpere, quàm vos mox in arctum estis coacti? Neque tum vobis religionis prætextus multum profuit: cùm vestra illa simiarum potius, quàm hominum sit: quamobrem etiam pueris nostris ludibrio fuit. Quòd propemodum nos perdideritis, quem inde vos fructum percepistis? An non vos econtrariò florem militiæ vestræ apud nos amisistis? an non vos, & præcipuè æraria vestra, hoc bello exhausti estis? Vultis audire, quid factum sit, sub Rege capite duo ejus præcipui populi; velut ejus membra sive brachia inter se conflixere: & cùm odia non cessent, periculum est, ne altero caput propediem sit privandum. Corpus verò uno brachio mutilatum, cùm & alterum graviter affectum sit, firmum profectò sanumque caput habere non potest. En egregium



gium fructum perversorum quorundam Machiavelli sectatorum disciplinæ. En ediverso insignem prudentiam majorum nostrorum, quam si nos paululum & in hac re, & in nonnullis alijs, secuti essemus, in has miseras certè nunquam incidissemus.

*De judicijs pagorum Santhoven & Uccle.*

CAPVT. XXXIX.

**I**UDICIA pagorum Santhoven & Uccle reformatæ, in præsentî statu, atque, ut æquum est, conservabimus: & Scabini Ucclenfes domicilium habebunt in civitate Bruxellensi.

COMMENT.

**Q**UÆ his locis antiquitus fora judiciaria fuere, confirmantur.

*Antverpiam à Brabantia separari non posse, neq̃ Nivellam.*

## CAPVT. XL.

**I**N perpetuum Antverpia, & quicquid ad eam pertinere ostendi poterit, civitatibus communiq̃ue provinciæ Brabantia conjuncta manebit, quo modo, antequam à Brabantia separaretur, illi conjuncta erat. Sic Nivella etiam, quemadmodum hactenus, Brabantia conjuncta manebit.

## COMMENT.

**L**UDOVICVS Malcanus Flandriæ Comes, cum Vencelaum Brabantia Ducem bello coarctasset, in conditionibus pacis Antverpiam sibi dotis nomine ascribi voluit, quod Margaretam Iohannis Tertij Brabantia Ducis filiam in matrimonio haberet. Atque hæc illa civitatis illius à Brabantia separatio est, cujus hic fit mentio. De Nivellæ alienatione fortasse aliquando actum fuit, ut eam Ordines impedire necesse habuerint.

## De comitijs.

## CAPVT. XL.

**Q**UÆ deinceps comitia indicemus, ad ea Ordines provinciae nostrae Brabantiae & Transmosanae, quatuordecim diebus antè, quàm habebuntur, scripto evocabimus: nisi habendorum comitiorum causa celerem expeditionem postulet. Ea etiam commodo, atque ejusmodi in Brabantia loco, habenda curabimus, quò tutò atque securè venire Ordines, undèque reverti possint. Poterit autem unusquisque Prælatorum, Baronum, Nobilium, civitatum, aut municipiorum provinciae nostrae Brabantiae aut Transmosanae, aut simul cum alijs aut sigillatim, coram nobis alibi ve ubi conveniet, mandata sua proloqui aut proponere: neque propterea in indignationem inimicitiam ve aut nostram aut cujusquam alterius incurret: neque nos ideo ullo modo eundem averfabimur: & sicui uni aut pluribus eorum propterea mali quippiam obvenit in eum, qui fecerit, ipsiusq; bona, citra dissimulationem vindicabimus.

Contrarium experta est omnis prope nobilitas Belgica, quæ anno 1566. libellum supplicem porrexit: & Marchio Bergensis, Baroque Montignius, qui legati in Hispanias missi, ut Regem de nonnullis, prout res erat, instituerent, ibidem miserè perierunt.

COM.

## COMMENTARIUS.

**C**V M in istiusmodi republica , qualem ad caput undetrigesimum descripsi , Princeps sine consensu populi, siue eorum, quibus populus in eo partes suas demandat, nihil possit: quandocumq; gravioris rei aliquid emergit , illos Princeps convocare necesse habet. Ac verò quid Principi gratius esse possit , quàm cum ijs agere, qui in his, quæ proponuntur, & fideles consiliarij futuri sunt, & si è republica esse iudicabunt , non solum in ea consentient, verumetiam quæ ad ea requirentur, procurabunt. In navi gubernator cum aliquid à vectoribus requirit , illi re intellecta , mox morem gerunt, quia gubernatorem in commune consulere sciunt. Eodem modo in istiusmodi republica cum Princeps , qui ut ille navis, sic ipse reipublicæ clavum tenet, aliquid à subditis postulat, illique id ad publicas necessitates postulari intelligunt, omnibus modis hoc agunt, ut Principis desiderio satisfaciant. Neque ut gubernator navis nihil requirit , quod in commune salutare non sit , Principem quicquam poscere, quod reipublicæ non expediat , convenit. Atque

Atque ut de re meliùs constet, publicè adhibiti Principi sunt, qui simul cum eo consultent, simul necessaria apud populum exequenda curent. Neque indignari debet Princeps, si illi ab ipso aliquando dissentiant: cùm & gubernatores, si à vectoribus admoneantur, boni consulant. Quid enim? si navis pereat, gubernator cum vectoribus ejusdem conditionis sit: quod ita etiam in republica evenit, ut cùm ea in periculum veniat, simul Princeps, simul subditi periclitentur. Cùm rempublicam salvam esse, tam sua, quàm cujusquam subditorum interesse Princeps intelligit (& quidem id ita esse multis nominibus magis Principis interest) si admoneatur eorum, quæ ad ejus conservationem faciunt, ægrè profectò ferre non debet. Diocletianus religione impius & tyrannus, cætera non malus Princeps, dicere fertur solitus, Nihil esse difficilius, quàm bene imperare. Atque hujus rei hæs ferè adduxisse causas: quòd pro voto de Principe quisque loqueretur: quòd cubiculo clausus vera minimè nosceret: aures suis tantummodo præberet, eorumq; verbis & accenderetur & sedaretur: quòd denique ut sit bonus, cautus, imò optimus, venderetur ab aulicis ac deciperetur. Is verò novo prorsus

sus exemplo ulirò depositis Imperij fascibus, in vitam se privatam abdidit, quòd (ut credibile est) illorum ad bene imperandum impedimentorum tædio afficeretur: cum veræ laudis apprimè cupidus esset, quam illa consequi impedirent. Quòd si ille non in plenam absolutamque imperandi potestatem (quam Romanum Imperium habuit) sed in contractâ certisq; legibus circumscriptam (qualem nostri Principatus habent) incidisset: credibile est, illū nunquam insignia depositurum fuisse. Placuisse haud dubie illi, qui ad gratiam non loquerentur Consiliarij, & quos ad publicā tantummodo utilitatem, veramq; adeò laudem eniti compelleret. Gavissus fuisset, quod non cum adulatoribus, & in sua ipsorum solummodo commoda intentis (cujusmodi Principum Consiliarij ferè sunt, & aulici) sed cum ijs, quorum æquè rem bene geri interesset, atq; ipsius, ideoq; non minùs, quàm ipse, de republica solliciti essent: & quos quidem curarū atq; periculorum omnium, non etiam dignitatis consortes haberet (quæ conditio eorum est, qui à populo Principibus adjunguntur) quòd (inquam) cum talibus sibi de republica agendum esset, haud dubiè mirè gavissus fuisset. Salutem enim populi, unicū boni

boni Principis scopum debere esse, proculdubio ille vidit. En nunc prepostera hominum judicia. Principes Christiani legibus circumscriptos Principatus habentes, per fas nefas, contempta juris-jurandi religione, imò, ut coelum terræ miscendum sit, absolutam imperandi potestatem affectant: quā Christiani nominis acerrimus hostis, tanquam homine veræ gloriæ cupido indignam, ultrò repudiavit. Neq; verò hîc subsistitur, sed ut absoluta illa potestas quàm dissolutissimam licentiam habeat, urgetur. Veteres illi quidem Monarchæ Romani, postquam omnes respublicas oppressissent, istud sibi ascripsere, ut quicquid placuisset <sup>a</sup> Principi, legis haberet vigorem: verum id ita molliunt, ut dicant, populum <sup>b</sup> lege Regia in ipsos contulisse omne suum imperium & potestatem. Quod quanquam Augustus honestatis magis, quàm necessitatis causa fieri voluit (nemo enim illi totius propè orbis gubernacula tenenti, obloqui fuisset ausus) tamen improbissimi etiam Principes ea autoritate muniri sua placita non ægrè tulere. Nostri autem Monarchæ novi, populi imperio & potestate, suoq; etiam jurejurando contemptis, sceptris suis omne jus & potestatem competere volūt ipso jure, Ascripserūt <sup>c</sup> sibi illi etiam,

<sup>a</sup> De const.  
Princ. D.

<sup>b</sup> Ibidem.

<sup>c</sup> L. 31. De  
leg. Senat.  
conf. D.

d L. 23. lib.  
32. D.

e L. 4. Deleg.  
& const.  
Princ. D.

etiam, se solutos esse legibus: sed quàm submissum, illud<sup>d</sup>, *Decet tantam Majestatem servare leges, quibus ipse solutus esse videtur: quàm submissum etiam illud<sup>e</sup>: Digna vox est Majestate regnantis, legibus alligatum se Principem profiteri: adeò de auctoritate juris nostra pendet auctoritas.* Et revera majus Imperio est, submittere legibus Principatum. Nostri verò illi sibi vivere non videntur, nisi omnia pro arbitrio agant: nisi quæ leges displicent, quorumque promissorum & juris-jurandi pœnitet, ea omnia pedibus conculcent. Et Monarchæ illi quàm sanctas leges simul orbi terrarum condidere, simul ipsi observavere. Nostri contrà quàm legibus viveretur, terram incendio inisceri mallent: idq; ipsis adhuc vivis, cum monstrum illud hominis Nero, id post mortem demum fieri optarit. Istud verò exemplis comprobare, ipsi sedulò laborant, ne sit opus. Verùm cujus exempli fuit, cum anno sexagesimo sexto quadringenti circiter summæ nobilitatis viri, inter quos Comes & Barones multi essent, porrecto libello supplice, nonnulla, ex quibus salus Belgij pendêret, significassent: illos primùm blandis verbis ducere, deinde cum undecunque vires comparatę essent, eisdem

vim



vim intentare, fugare, ac partim tanquam  
Majestatis reos proscribere, partim suppli-  
cij afficere? Quando unquam est auditum,  
cui quam benevolam de re necessaria com-  
monitionem fuisse fraudi, eique capitali? Et  
juratone promisit hoc capite Princeps, uni-  
cuiq; fore integrum, quancunque querelam  
aliamve quamvis rem ad se deferre? Promi-  
sitne, se ideo indignationem non conceptu-  
rum? Imò verò promisit, si cuiquam mali  
quidpiam ideo obveniret, se graviter in-  
cum, qui id fecisset, vindicaturum. Quod si  
in hac causa facere debeat, neque initium  
neque exitum inveniret, ipseq; promitten-  
di reus præcipue poenæ obnoxius esset. Atq;  
in hoc flagitium illud etiam est multiplica-  
tum. Cum ea de causa Marchio Bergensis  
& Baro Montignius auctoritate Guberna-  
tricis omniumq; Belgij Procerum ad Re-  
gem in Hispaniam Legati profecti essent:  
alter cicuta extinctus, alter quadriennalis  
carceris squalore excarnificatus, tandem ju-  
gulatus est. An non Legatorum jus apud  
omnes populos semper est sacrosanctum  
habitum? Imò Monarchæ illi Romani ei,  
qui Legatum hostium pulsasset, ut juris  
gentium violatori, id capitale esse volueret:  
quid igitur fecissent ei, qui Legatum devo-

f. Lult. De  
legatio, D.

H

torum

iorum subditorum non pulsasset, sed diuturno carceris tædio excruciatum, tandem trucidasset? Sed id ita Principi visum fuit. Quo jure? Fortè quòd solutum esse legibus, in aures insusurraretur. Sed quod hic ad adulatoriam falsamq; interpretationem & suggestionem ausus est: id illi, quanquam revera soluti legibus essent (in nullas enim conditiones jurarant, omniq; legitima oppositione majores erant) nunquam certè fecissent. Siquis mihi Caligulas, Neronēs, Commodos, Heliogabalos memoret, eos non homines fuisse, sed monstra, sed beluas, sed infernales Furias responderim. Tam præclaros scilicet fructus belli illi Consiliarij pariunt, qui Principum auribus de solutione legum occinunt: qui ut Principes etiam soli possideant, Ordines audire & consulere, infra eorum dignitatem esse, ajunt. Sed quando tandem Principes istiusmodi nebulonibus habere desinetis fidem? An tum tandem, cum regna vestra, cum provincias, cum subditos, cum vos ipsos perdideritis? Deus id avertat, eamque vobis potiùs mentem det, ut facessere jussis istiusmodi Consiliarijs, cum ijs deinceps de republica agatis, quos populi, quorum auctoritate vos etiam gubernacula tenetis, ut vobis-

vobiscum agerent, deque publicis rebus vobiscum & consulerent & statuerent, pro se delegarunt. Quod si facere in animum inducere poteritis, simul reipublice vestraque pericula amolientini, simul nomen vestrum non modò omni infamiae labe incontaminatum, verum etiam illustre atque gloriosum, ad extremam usq; posteritatem transmittetis.

## *De curia feudali.*

### CAPVT. XLII.

**I**NDICIIS nostrarum rerum feudaliū in Brabantia ibi locum constituemus, ibidemque earundem rerum dies juridicos edicemus, ubi ipsi commorabimur, ut quibus ijs de rebus lis est, cum testibus necessarijsq; instrumentis, commodè eò venire possint. Et si quando nos peregrè extra Brabantiam esse contingeret, auctoritatem dabimus honesto cuiquam viro, sive Præfecto Brabantiae, sive alteri cuiquam, qui Consiliarius Brabantiae esse possit, ut dum aberimus, dumque nobis visum fuerit, suscipiat feuda à nobis promanantia, observetque feudaliū rerum juridicos dies, eo

H 2

loco,

loco, ubi Consilium Brabanticum commo-  
rabitur. Qui in omnibus, quæ feuda attin-  
gunt, facere ea poterit, quæ nos præfentes  
facere possemus: ut tamen nihil aut det aut  
remittat.

## COMMENT.

**H**OC caput cum septimo similis dis-  
positionis est, & fortasse quæ ad il-  
lud scripsi, hîc repetere non ingra-  
tum erit.

*De nundinis anniversarijs civi-  
tatis Antverpiensis.*

## CAPVT. XLIII.

**L**IBERAS anniversarias nundinas ci-  
vitatis Antverpiensis per omnes no-  
stras provincias, dominia, & ditiones,  
terra marique, quibuscunq; & hominibus  
& mercibus liberas servabimus, servandasq;  
curabimus. Et si ex nundinæ ob aliquas  
causas ad modicum tempus, quatuordecim  
noctium fortè aut infra, à Præfecto Magi-  
stratûq; Antverpiensi prorogentur: promit-  
simus

timus prorogatas eas nundinas æque liberas  
servare, atque tenemur principales.

## COMMENT.

**P**RIVILEGIUM istiusmodi nundinarum in hoc præcipue consistit, quod quisque in eas commere, in ijs negotiari, indeq; remeare à creditorum molestijs liber possit: idque tam respectu mercium aliarumq; rerum, quàm personæ suæ. Neq; verò hoc privilegium novum est, sed & à Romanis Imperatoribus concedi solet. a De nundinis. D, C.

*De nundinis anniversarijs civitatum Bruxellæ, Antverpiæ, & Bergæ ad Zomam.*

## CAPVT. XLIIII.

**N**E QVE turbandas labefactandasve curabimus liberas anniversarias nundinas nostrarum civitatum Bruxellæ, Antverpiæ, Bergæve ad Zomam, per executiones, edicta, interdicta, aut etiam per literas repressaliarum sive pignorationis,

H 3

istius

istiusmodi & alias ; quas contra libertatem earam concedere possemus: exceptis tamen proprijs nostris debitis, & simul jam de re monetaria facto, aut etiamnum faciendo edicto, quod tam intra eas nundinas, quàm extra observari volumus, ut ejus violatores coërceantur & puniantur.

## COMMENT.

**H**ic obviam itur cavillatorijs fraudibus, quibus commoda istius privilegiij everti possint. Apud nonnullos populos quondam moris fuit, ut si homicida profugus ab ijs, apud quos esset, depositus non dederetur: gentilibus atque cognatis occisi pignorandi potestas fieret, id est, ut quoad reus deditus esset, in quoscunque ex ijs, apud quos reus esset, manum injicerent, atque detinerent. Quod jus ἀνδροληψίαν Græci vocarunt: Latini alij pignorationem, alij clarigationem sunt interpretati. Cui juris speciei persimile est illud factum a populi Israëliti, cùm ob execrabile illud scelus contra populares suos tribus Benjamin non antè arma moverunt, quàm illi sceleris reos recusarent dedere. Ille autem mos (ut fit) tandem  
etiam

etiam ad alia tractus est, ita ut Præsides provinciarum ejus qui deliquisset, cognatos, familiares, cives, aut populares: creditores etiam alios, quàm qui deberent, apprehendere, pecunias extorquere, alijsq; incommodis afficere non erubescerent. Atque adeò id quidem, ut contra eam insolentiam atq; injuriam leges ferre necesse esset. Creditorum insolentiam <sup>b</sup> Zeno & <sup>c</sup> Iustinianus: Præsidi & judicum Arcadius & Honorius <sup>d</sup>, & deinde etiam Iustinianus <sup>e</sup> coërcuere. Sed quia nullum malum ita sepeliatur, quin aliquando repullulet: Præsidi insolentiam illam aliquo modo sapit, quòd hodie Principes alterius subditos eorumve bona pignerantur, sive detinent, aut involant, de quo nonnihil ad caput tertium dictum est. Creditorum vero injuria hoc capite repræsentatur, cum diplomata à Principibus impetrant, quorum authoritate alios pro debitoribus detineant. Sed promittit hîc Princeps se istiusmodi diplomata non concessurum. Galli istiusmodi diplomata, *lettres de marque* vocant, quæ vox hoc capite etiam expressa est. Barbari monstrosam hîc nobis vocem peperere, ut istiusmodi pignerationes, quibus alij pro alijs detinentur, incommodisve

b Vt nuj. ex  
vic. pro al.  
yic. de B. C.  
c Novel. 52.  
In intro.  
d L. 22. De  
pœnis. C.  
e Novel. 134.  
§. Cum vetò  
conting.

afficiuntur, repræsentatias nominarent. Atque hæc quidem à prima quasi origine repetenda putavi, quò res tam obscura maiorem acciperet lucem.

## *De nationibus mercatorum in Flandria.*

### CAPVT. XLV.

**N**ATIONIBVS mercatorum in provincia nostra Flandria stationem habentibus, nulla deinceps privilegia immunitatesve dabimus aut concedemus, quæ ullo modo provinciarum nostrarum Brabantiarum, eiusve incolis, detrimento præjudiciove esse possint.

### COMMENT.

**H**OC caput minùs necessarium esse coepit, postquam nationes illæ, exceptis nonnullis Hispanorum familijs, Brugis Antverpiam commigrarunt: quod circa annum sesquimillesimum decimum sextum maximè est factum. Antea Brugas nonnullis seculis bearant, quos Iacobus



cobus Meierus author est anno supra millesimum trecentesium primo Gallorum inde tyrannidem fugisse : sed ea sublata, reversos ita nationibus ac numero accrevisse, ut centesimo quadagesimo altero post anno, cum Philippo Burgundioni Flandriæ tum Comiti gratulatum procederent, triumphalicujus instar exhibuerint. Scribit Meierus in ea pompa fuisse Teutonicos, qui Hanſæ, id est, socij dicerentur, Hispanos, Mediolanenses, Venetos, Lucanos, Genuenses, Florentinos, Catalanos, & Lusitanos, qui splendore omnes & magnificentia inter se certarent. Laudanda ergo & in hoc Brabantiae Ordinum prudentia est, quod illis temporibus adversus hominum tam potentium obreptiones, publico se pacto munierint.

*De bonis Brabantinorum in alijs provincijs sitis. & Homini-  
bus diversarum provinciarum libera inter se commercia fore.*

## CAPVT. XLVI.

**P**ERMITTEMVS & curabimus, ut incolæ provinciæ nostræ Brabantiaë, liberè & pacificè utantur ijs suis bonis eorumq; fructibus, quæ in ullis alijs nostris provincijs aut ditionibus habent, aut postmodum acquirant: non obstantibus ullis edictis interdictisve, quæ in contrarium publicari possent. Similiter mercatores & incolæ quarumcunque nostrarum provinciarum, dominiorum, & ditionum poterunt cum bonis suis & mercibus inter se commeare, conversari, & mercari: & bona sua quocunque visum fuerit, sub legitimo vectigali & tributo perferre in mercatus,

## COMMENT.

**I**N ITIO capitis decimi tertij cavetur, Brabantos in alijs Principis provincijs commeantes, supra legitimum vectigal non esse onerandos. Quod quam utilitatem haberet, paucis ad idem attingi. Quamobrem cum quæ hîc statuuntur, illi prorsus affinia sint, ampliùs mihi hoc loco dicendum non puto.

Husdg.

*Husdenū & Bergam D. Gertrudis Brabantiae annexa manere debere.*

CAPVT. XLVII.

**O**PERAM dabimus, ut retineantur maneatque Brabantiae annexa, atque adeo inseparabiliter in ejusdem potestate, oppida Husdenum & Berga D. Gertrudis, eorumque territoria, & arces, & quicquid ad ea pertinet: dummodo quidem jure atque consentaneè id facere poterimus. Aut saltem illa provinciae nostrae Brabantiae annexa retinebimus retinendave curabimus, donec pecunia, quae eorum nomine justè debetur (ob sumptus videlicet in obsidione D. Gertrudis Bergae, & occupatione praesidianaque detentione Husdeni, aliterve factos, atque idcirco percepta damna) bona fide tota restituatur & solvatur:

COMMENT.

**Q**UAE hoc capite narrantur eisdem temporibus, quibus ad caput decimum tertium Sylvauducis direptam

tam dixi, accidisse puto. Neque cum historiam non scribam, quantum ad ejus rei veritatem attinet, amplius à me requiri velim. Notata verò non indignum, quod hîc habetur, ea loca in Brabantia potestate mansura: quod conforme est cum eo, quod capite undetrigesimo, dicitur, quæ bello compararentur, ad Brabantiam pertinerent.

*De pensionibus, quæ Brabantis ex civitatibus Hollandiæ debentur.*

CAPVT. XLVIII.

**S**I Hollandiæ Zelandiæq; civitates, pacta inter ipsas & Brabantos de pensionibus solvendis facta, non servare neque exequi contingat: provinciæ nostræ Brabantia incolis, quibus ex civitatibus Hollandiæ & Zelandiæ pensiones debentur, adversus incolas Hollandiæ & Zelandiæ; per omnes nostras provincias, dominia, & ditiones, strictè jus administrabimus, administrandumque curabimus, haud secus, quam in ullis alijs debitis.

## COMMENT.

**E**T hoc caput miræ Ordinum pro communibus subditis sollicitudinis argumentum habet : neq; verò nunc temporis aliud habet.

*Graviam, &c. Brabantia annexam manere debere: atque inde ad Consilium Brabanticum provocari.*

## CAPVT. XLIX.

**I**N SUPER Ordinibus provinciar nostræ Brabantia & Transmosana promissimus, atque per hæc promittimus, ditionem nostram atque civitatem Graviensem cum ditionibus Cuyck, Kessel, & Oyen, quatenus juré fieri poterit, semper & inseparabiliter provinciar nostræ Brabantia annexas & incorporatas mansuras : atq; incolas ejusdem ditionis atque civitatis Graviensis, reliquarumq; ditionum Cuyck, Kessel, & Oyen ad Consilium nostrum Brabanticum provocandi jus habituros.

COM-

## COMMENT.

**Q** VINTO capite Inaugurationis Marianæ habetur, Carolum Audacem ab Arnoldo Duce Gelriæ , & simul à Duce Iuliacensi legitime comparasse Ducatum Gelriæ unà cum Comitatu Zutphanienſi , eorūq; Principatus ipſi tranſcriptos eſſe coram Imperatore ejuſq; Conſilio , ea conditione , ut iſdem Principatus Brabantia annēcterentur , neque ab ea unquam divelli poſſent. Quam conditionem Maria tum confirmandis , promiſit , ſe eos Principatus ea lege ſervaturam, neq; eos aut quicquam eorum ſine Brabantia Ordinum conſenſu alienaturam. Si quando tamē eos Principatus jure ad ſe non pertinere liquidum fieret, ideoque retinere non poſſet, quod unquam fore non exiſtimaret : ſe tamen ditionem civitatemque Gravienſem cum ditione Cucana , & arce Oienſi Brabantia inſeparabiliter annexam ſervaturam, quod ea ditiones ad ſe tanquam Brabantia Ducem veteri jure pertinerent. Atq; hanc promiſſionem Maria in Inauguratione ſua anno ſupra milieſimum quadringenteſimum ſeptimo & ſeptuageſimo fecit : & quantum

quāntum ad Graviensem reliquasque ditio-  
nes attinet, quadriennio pòst cum Maximili-  
ano, postmodum Imperatore, marito suo  
renovavit. Quod autem vetus jus laudatur,  
est, quòd Otto Dominus Cucanus oppidū  
de Gravia cum omnibus juribus, fundo, at-  
tinentijs, ac libertatibus ad dictum oppi-  
dum spectantibus quocunq; modo seu per-  
tinentibus (hæc sunt verba instrumenti, sub  
quibus ditionem Cucanam etiam & Oien-  
sem comprehendi puto) transscripsisset in  
Iohannem ejus nominis secundum Braban-  
tiæ Ducem: quod factum est anno supra  
millesimum trecentesimū vigesimo tertio.

## *De libertate mercatorum in Brabantia.*

### CAPVT. I.

**M**ERCATORES cujuscunque sint  
provinciae aut nationis, tam pere-  
grinae quàm cujusquam nostra-  
rum, poterunt cum bonis mercibusq; suis,  
sub legitimo vectigali & tributo, liberè atq;  
pacificè ultrò citroque commercare, conver-  
sari, frequentare, emere, vendere in pro-  
vincia

vincia nostra Brabantia & Transmosana, sive in nostris sive Vassallorum ditionibus, in quibus ipsis videbitur commodumque erit civitatibus aut locis: ita ut iidem mercatores nulla restrictione, edicto, interdicto, alióve modo uno loco magis, quam alio mercari negotiaríve cogi possint. Poterunt item iidem mercatores in dicta nostra provincia ubilibet sibi domicilij morandíve locum deligere, sumere, & tenere: ita ut in suo illó arbitrio per prerogativam cujuspíam loci specialis alicujus mercis jus habentis, alióve modo impediri nequeant: ut tamen id ipsum non extendatur latius, quam ad ea Brantiæ loca, quæ jam nunc specialis cujuspíam mercis prerogativam (Stapel dictam) habent.

## COMMENT.

**D**E liberis commercijs subditorum Principis in diversis ejus provincijs, actum est capite decimo tertio, & quadragesimo sexto. Hic de exterorum mercatorum libertate agitur, quæ talis certè statuitur, ut mercatoribus grata esse debeat, & provincijs mercaturæ natura destinatis conveniat. Vulgaris vox Stapel, qua specialis



cialis alicujus mercis prærogativa significatur, mihi à Germanica voce, *stapelen*/quod coacervare est, dici videtur : quòd ijs locis, quæ alicujus mercis prærogativam habent, ea merx coacervetur.

## *De custodia debitorum.*

### CAPVT. LI.

**N**ON patiemur neque fieri permittemus, ut quisquam incolarum provinciæ nostræ Brabantiae & Transmosanæ, ob civiles causas in ullis arcibus earundem provinciarum apprehendatur aut detineatur : sed ob civiles causas apprehensi custodientur in carcere ejus loci, ubi apprehensi sunt : nisi fortè eo loco carcer nullus sit. Si tamen ob civiles causas apprehensi, quo loco, quomodoque oporteat, judicio sisti judicatumque solvi caveant, liberabuntur : nisi ob rem judicatam, nostramve pecuniã aut debita apprehensi sint.

### COMMENT.

**C**VM arces ferè tyrannidis nidi sint, meritò caverur, nequis ob civiles causas in arcibus detineatur. Alio-  
I qui

qui enim ad legum Duodecim tabularum severitatem proximè accederemus, quæ quantum ad id, ut debitores creditoribus necterentur & addicerentur, primùm lege à M. Varrone relata, ita abrogata est, ut debitores, qui bonam copiam ejurarent, id est, se solvendo non esse jurati affirmarent, liberarentur: ac deinde lege Julia ita, ut si debitores bonis cederent, idem esset. Quæ exempla Imperatores sequuti, ad eam, quam videmus, erga debitores remissionem & clementiam progressi sunt, quam nos per omnia observare non videmur.

2<sup>a</sup> L. 31. De re  
judic. D. l. 2.  
& 3. De usur.  
rei jud. C.  
Novel. 135.

## *De piscatione in flumine Zenne.*

### CAPVT. LII.

**V**NVS QVISQVE, cujuscunq; status & conditionis sit, poterit piscari in flumine Zenne, quo modo assolet licitumq; erat tempore Atavi nostri, Ducis Philippi, cui Deus sit misericors.

COM.

## COMMENT.

**H**ic est is amnis, qui Bruxellam interfluens, & infra Mechliniam Delæ fluvio se jungens, unâ cum eo ad Rupelmondam in Schaldim se exonerat.

*De rebus furtivis persequendis.*

## CAPVT. LIIL.

**S**I QUANDO nostri nostrorumq; Vassallorum Officiales terra marive aliquem apprehenderint, qui cuiuspiam sua bona, pecuniam, aut quancunq; rem furatus aut prædatus sit, ademerit, subtraxerit: isque eam rem adhuc habeat, alicubi ve ipsius nomine non alienata existat: tum ea res in commissum non cadet: sed Officialis, in cujus manus ille incidit, tenebitur ei, cui furto aut vi ablata, adempta, subtrahæve erit, restituere, aut ut restituatur, curare: si tamen ille eam rem suam esse, legitimè doceat, aut id sufficienter appareat. Officiali autem illi, qui talem apprehenderit, debet consentaneum præmium dari, arbitrio magistratus

I 2

ejus,

ejus, ubi istud continget, loci.

## COMMENT.

**Q**UENQUE res suas persequi & à quolibet vindicare & repetere posse, apertissimi juris est. Hoc tamen nonnullis locis inolevit, ut res furtivę raptae ve apud fures prædones ve deprehensæ, à Præfectis non restituantur. Cui iniquitati publico pacto obviam eundem Ordines putarunt. Simili ratione Friderico Secundo de naufragijs constituere<sup>a</sup>, necesse fuit, ut merces dominorū remanerent, ab iisdemq; vendicari possent: de quo in Mariana etiam Inauguratione præclarum caput est.

<sup>a</sup> § Navigia.  
De statut. &  
consuet.  
cont. lib. ec-  
clesiastic.

*Nemini re non quæsita manus injici, citra ve judicium sententiam tormenta adhiberi licere.*

## CAPVT. LIIII.

**D**EINCEPS nemo, tametsi nullam cujusquam civitatis aliam ve prærogativam habeat, modò integrę famæ sit,

fit, five in nostris five in Vafallorum no-  
 strorum ditionibus, apprehendi aut in car-  
 cerem duci poterit, priusquam Officialis  
 loci plenam informationem coeperit de  
 suspicione, propter quam apprehendere il-  
 lum & ducere velit. Nemo item quaestioni  
 aut tormentis subijci poterit, nisi Officialis  
 Iudicibus loci informationem suam exhi-  
 buerit, illique reum quaestioni adjudicarint:  
 nisi in crimine privilegiato, cujus cognitio  
 Iudicibus civitatum, agrorumve non com-  
 petit, sed nobis nostrave Consilio.

# COMMENT.

**S**I (ut ait Venuleius) nihil à specie ser-  
 vientium differunt, quibus facultas  
 non datur recedendi: gravis certè &  
 injuriosa res censeri debet carcer. Quamo-  
 brem rectè Praefectorum temeritas hinc fræn-  
 natur, ut ad denuntiationes suorum quen-  
 quam in carcerem rapere non possint, prius-  
 quam plenè de causa, ob quam id facere  
 velint, instructi & edocti sint. De quo modo  
 in causis criminalibus agendi, illustrandæ  
 rei causa, huc transcribere lubet placitum  
 Gordiani: Ea quidem (inquietis<sup>b</sup>) quæ  
 per officium Praesidibus denunciantur, &

<sup>a</sup> L. 2. De lib.  
 hom. ex lib.  
 D.

<sup>b</sup> De accus.  
 & inscrip. C.  
 cui etiam laus

cum adfert,  
l. 6. §. Nunci-  
atores, Ad  
S. C. Turpil.  
D.

l. Et ult. De  
quzst. D.

l. 1. to. in  
princ. De  
quzst. D.  
l. 7. §. Hoc  
tamen, Ad  
l. Iul. Majest.  
D.

citra solennia accusationum posse perpen-  
di, incognitum non est. Verum si falsis nec-  
ne notorijs insimulatus sit, perpenso iudicio  
dispici debet. Quomodo autem cum tali  
reo ad quæstionem procedatur, de eo Pau-  
lus ita scribit : Qui sine accusatoribus (in-  
quiens<sup>c</sup>) in custodiam recepti sunt, quæstio  
de eis habenda non est, nisi si aliquibus sus-  
picionibus urgeantur. De quo hîc eviden-  
tius ita statuitur, ut quæstio de ijs haberi  
non possit, nisi iudices loci diligenter exa-  
minatis indicijs quæstioni adjudicant.  
Quod porro hîc crimen privilegiatum di-  
citur, læsæ Majestatis crimen esse, ex Maria-  
næ Inaugurationis capite primo constat.  
Cujus quidem criminis peculiare aliquod  
jus invenio<sup>d</sup> : sed ejus cognitionem ad so-  
lum Principem pertinuisse, de eo con-  
traria extant<sup>e</sup> testimonia.

*Officialibus neminem ob debi-  
tum in se transcriptum, aut  
vi datæ procurationis, in sua  
jurisdictione vexare licere.*

## CAPVT. LV.

**D**EINCEPS in perpetuum nullis Præfectis alijsve Officialibus provinciae nostrae Brabantiae licebit vigore alienationis procurationisve in ipsos factae aut datae, in sua jurisdictione per se aut per quemvis alium, manus injicere, detinere, aut vexare aliquem incolam provinciae nostrae Brabantiae, aut ejus bona, per causam quorumpiam debitorum, quae civitas aliqua, municipium, aut pagus, pensionum vitalium, reddituum, aliorumve debitorum nomine debeat. Si contrà faciant, id irritum erit, & sub quo Domino fiet, ei decem aureos Andreanos commissos luent.

## COMMENT.

**D**V o hîc delicta coërcentur, in potentio- rem actionem transſerre, & alios, quàm ipsos debitores vexare. Sed cùm de illo nonnihil ad caput trigessimum secundum dixerim : de hoc verò ad caput quadragesimum quartum tractarim: superfluum hîc sit plura dicere. Non nescio tamen, de uno tantummodo delicto hîc agi, videri potiùs debere, quod sit, actionem

transfere in Præfectos, quæ civitatis alicujus  
debitricis cives vexent.

*Ecclesiastica beneficia non posse  
Commendationis titulo do-  
nari. & De annui tribu-  
ti monasteriorum religiosa-  
rumq̃ domum remissione im-  
petranda.*

## CAPVT. LVI.

Abbatē &  
Prælati,  
quod priore  
bello hoc ti-  
tulo Hispani  
pleraque sa-  
cerdotia ad  
se raperent,  
eorum hostes  
facti in pa-  
cem Ganda-  
wensem con-  
senserunt: sed  
miram offam  
gustariot ne-  
cesse est,  
quod cum  
illis in gra-  
tiam redie-  
runt, quasi  
illi ad natu-  
ram redierunt  
non sint, si  
posiri con-  
tingat rerū.

**N** V L L O modo deinceps Prælatūq̃,  
Abbatia, dignitatesq̃; provinciæ no-  
stræ Brabantia Commendationis  
titulo donabuntur, donariue permittentur.  
Et nos omnem diligentiam adhibebimus,  
ut à sede Romana reduciō impetretur atq̃;  
obtineatur annatarum, siue annui tributi  
eorum monasteriorum atque religiosarum  
domūum, quæ majoribus fortè gravantur,  
aut etiam gravari possent, quàm superiori-  
bus temporibus pensitare solent: ita tamen,  
ut Prælati, religiosæ domus, & monasteria  
sumptus ad impetrandam reductionem ne-  
cessarios, dependant & solvant.

COM-



## COMMENT.

**N**E Quid omitteret Pontifex, quod ad sumptam semel potestatem declarandam faceret : delicatulis suis, adulatoribus, aut etiam licitatoribus tandem summæ dignitatis sacerdotia commendare, sive (ut loquuntur) in commendam dare coepit. Eo beneficio affectus, sacerdotij ita dati liberam procurationem habet, & Commendatarij appellatione magnificus est. Pontificiæ autem licentiæ ut in nonnullis alijs, ita in hoc quoque à majoribus nostris obviam est itum. Cùm autem Hispani; quando rerum potirentur, sacerdotijs etiam eo titulo inhiarent, Prælati nostri eo nomine maximè eorum hostes facti, quia ipsis fortasse postmodum aliud est persuasum, partim nunc in eorum castris sunt, partim ab illis non omnino alieni deprehenduntur. Cujus porro annui tributì, annatæ vocati, mentio fit, ejus origo hæc invenitur. Cùm nullas rationes conflandæ pecuniæ intentatas relinquerent Pontifices, inventum etiam fuisse tributum annuum (quod inde annatæ dictum est) quod unumquodque ecclesiasticum collegium pro  
I s                      modo

modo facultatum suarum quotannis pensaret. Quando simul excogitata sunt sacerdotiorum jura caducaria, etiam annatæ appellata, secundum quæ sacerdote aliquo mortuo, unius anni obventiones deferuntur Pontifici, quæ successorī decedant. Nec egregiū huic aucupio velamen defuit, quòd magnus scilicet quispiam thesaurus ad necessitates belli Turcici esset coacervandus. Verè mundus prorsus cæcus fuit, qui tam crassas imposturas non animadvertit. Atque utinam in eo uno cæcus fuisset.

*Confirmatio omnium privilegiorum, &c. & Exceptionum renuntiatio.*

CAPVT. LVII.

Cum novi  
Episcopatus  
adversio-  
nem abbati-  
arum specta-  
rint, nihil  
pro Rege dici  
potest, quod  
illum purget  
à violatione  
promissorum  
hic Prælati-  
factorum.  
Inquisitio

**I**NSUPER confirmavimus & ratificavimus, confirmamus & ratificamus omnibus nostris Prælati, religiosi domibus, monasterijs, Baronibus, Equitibus, civitatibus, municipijs, omnibusque alijs fidelibus nostris subditis, incolis nostrarum provinciarum Brabantiae & Transmosanae, omnia ipsorum jura, immunitates, privilegia,

legia, instrumenta publica, consuetudines, usus, & traditiones, quæ habent, quæque ipsis à majoribus nostris Ducibus & Ducissis, data, concessa, & consignata sunt: ea quoque quæ ipsis usitata, frequentata, & de manu in manum tradita sunt. præcipue verò epistolam fœlicis memoriæ Ducis Philippi Atavi nostri tempore Inaugurationis suæ tribus Ordinibus concessam, eodem die, quo tabulæ Inaugurationis, datam, similiter duas alias epistolas iisdem Ordinibus ab eodem fœlicis memoriæ Atavo nostro concessas: unam anno supra millesimum quadringentesimū quinquagesimo primo, vigesimo die Septembris: alteram anno supra millesimum quadringentesimum quinquagesimo septimo, decimo octavo die Novembris datam. similiter etiam duas illas additiones Inaugurationi Domini nostri Imperatoris additas: unam Gādavi die duodecimo Aprilis, anno supra sesquimillesimū decimo quinto post Pascha: alteram Brugis vigesimo sexto Aprilis eodem anno datā. Et promittimus pro nobis & hæredibus posterisque nostris ea omnia (quatenus observationi subjecta sunt, atq; observari possunt) universè & sigillatim in perpetuum firmiter & inviolabiliter observare, ita ut nullo

verò Hispanica ad ever-  
sionem totius juris  
Principatus, omnisque  
adeo libertatis spectabat:  
ut hæc duæ velut faces  
fuerint, quibus totum  
Belgium perdere Hispani  
destinarent.

Exceptio-  
nem hanc  
sanè quàm  
captiosam,  
non tamen  
exitiosam,  
qualia sunt  
præcedentia,  
petiit re-  
formatio il-  
la, de qua in  
Præfatione.

ca mo-

ea modo infracturi, aut contrà facturi, fictive aut curaturi aut permissuri simus. Atq; insuper pro nobis & hæredibus posterisque nostris amplius ipsis promittimus, nos nunquam allegaturos, prolaturusve in mediũ, aut allegandum curaturos, nos ipsis jam dictas immunitates, jura, privilegia, instrumenta publica, consuetudines, usus, & traditiones, quas jamjam confirmavimus & ratificavimus, non teneri observare, quòd ista capita sive articulos suprà separatim spectatimve illis non dedimus, concessimus, aut promissimus: quod ipsum in eo obstaculi nocumentive quippiam illis afferre, aut præjudicio esse nolumus.

### COMMENT.

**S**PARGITUR quoquo versum, etiam hac de causa justissimam Regis in has provincias iram esse, quòd quæ Ecclesiastico ordini juratò promissit, servare non possit. At quæ Ecclesiasticis promissit, eadem etiam nobilitati reliquoq; populo promissit. Vbicunque enim privilegiorum, eorumq; quæ unà recensentur, observatio promittitur, tres illi ordines conjunguntur. Et Rex quidem simul omnium privilegia labefactare conatus

conatus est, cum contra juris-jurandi religionem novos Episcopatus constituit. Cui etiam conatui non minus Ecclesiastici, quam reliqui, resistere. Et quidem eorum etiam magis intererat, ut quorum præcipua bona Episcopatibus absorbenda essent. Et adeo tum Rex promissorum suorum rationem non habuit, ut erratum errato cumulans, Inquisitionem Hispanicam tandem imperarit. Quam cum omnes omnia simul privilegia, omnemque libertatem everfuram scirent, non potuit non horribilis perturbatio ubique per provincias existere. Hæc sanè fuit causa, fons & scaturigo omnium malorum. Quam etiam cum Hispani armis tueri & exequi vellent, & qua insolentia & crudelitate ea natio est, multa intolerabilia committerent, tandemque etiam omnium rerum decimationes extorquere vellent: læsa sæpius patientia, ut sit, in furorem est conversa. Multi tum defectione facta eos receperunt, qui religionis causa exularant: & quia eorum religionem magis, quam Romanam probarent, simul eam religionem publicam fecerunt. Quod Ecclesiastici ferre nequeunt, se ita gessere, ut tolerari non possent: & recedere jussi palam se Hispanis iunxere, aliosque in suam sententiam traxere.

Atque

Atque inde cum tempore augescēte odio, cum tandem alteri alteris cedere deberent, præsens infortunium in Ecclesiasticos recidit. Expendat jam quisq; an iusta Regis ira sit, cuius ex his ipsummet authorem esse liquidò constat. Et Ecclesiastici ipsi sibi exitium peperere, qui si popularium quàm Hispanorum partes sequi maluissent, quamquam mutata religione ecclesiasticis obventionibus frui potuissent. Ut autem repetam, quod suprà semel dictum est, si in causâ religionis nihil unquam durius tentatum fuisset, nostri homines, quæ animorum placabilitate sunt, mediocri cognitione, atq; libertate contenti, in summa victuri erant tranquillitate. Nunc ad ea, quæ probare non possent, coacti, excitatis eâ indignitate eorum animis, quæ probabiliora viderentur, in ea intentiùs inquirere, exactiusq; discere, & cognita tueri cœpere. Est igitur, quòd Rex sibi imputet, quòd alia hîc religio publica sit, quàm quæ ipsi placeat: neq; est, quòd quisquam deinceps ejus ob religionem iram iustain dicat.

Enimverò haud abs re fuerit, hoc loco de trium Ordinum sive Statuum ratione nonnihil attingere. In Brabantia igitur hos constituunt Ecclesiastici, Nobiles, & reli-

quus

quus populus. In comitijs conveniunt Ab-  
bates nonnullique ex Ecclesiasticis alij, qui  
Prælati appellantur, quos duodecim esse  
memini, atque hi Ecclesiasticum statum re-  
præsentant. Nobilitatis statum repræsen-  
tant, siqui sunt Duces, Marchiones, Princi-  
pes, Barones, & nonnulli ex reliqua nobili-  
tate alij. Popularem statum repræsentant,  
majorum civitatum Consules, aliquotque  
Iudices cum Syndicis. Sed mirabitur anti-  
quarius aliquis, hîc primos ordines ducere,  
qui inde ab initio Christianismi publicis se  
administrationibus immiscere sunt prohi-  
biti. Canones illi (inquiety qui Apostolo-  
rum dicuntur, volunt ne Ecclesiastici citra  
omnem controversiam Apostolorum esse?  
Adeò sanè, ut nullam quantumvis justam  
rationem in contrarium audire sustineant.  
Sed eorum octogessimus prohibet ne, ne  
publicis se negotijs Ecclesiastici immisce-  
ant? Imò etiam ab Ecclesiastico munere de-  
poni tales vult, illud Christi laudans, Nemi-  
nem duobus dominis fervire posse<sup>a</sup>, di-  
centis. Et multa deinceps Patrum Concilia,  
quæ ipsi tantopere jactitant, idem ne statuê-  
re? Statuêre sanè, & veteres Imperatores  
comprobavere<sup>b</sup>: sed nimis longum esset,  
si recensere velis. Neque verò longa  
hîc

<sup>a</sup> Matt. 6.<sup>b</sup> L. 36. §. Ab-  
surdum, De  
episc. & cler.  
C. Novell.  
123. §. Poterò  
Dei

hic disputatione opus est, cum ea scena prorsus mutata sit, postquam Romanus sibi Choragi personam asseruit. Qui quia ad Monarchiam statim aspiravit, primum sacris literis fucum induxit, earumque interpretationem sibi sumpsit: ac deinde sensim ecclesiarum ministros velut Circaeo pharmaco transformavit, mundumque adeo ipsum personatis clientibus replevit. Neque usquam speciosus huic prætextus defuit: itaque quod Levitis in populo Israëlítico decimæ cessissent, ut suis illis decimæ quoque cederent, evicit. Scilicet commoda illi Israëlítico sacerdotij magnifica species ad institutum suum fuit. Fundamento hoc jacto, viam ille ad vota sua expeditam habuit: & clientes illi, ut qui Levitico jure decimas non accepissent, ipsos etiam decimarum fontes, quo jure qua injuria, tanta sibi copia comparavere, ut præter religionis speciem, facultatum quoque & potentiae nomine, ad negotia conventusque publicos admissi sint. Sed jam non tam miror (inquiet antiquarius) quod illi publicis se negotijs immiscerent, quam quod ad ea intronissi sunt, qui non solum utilitatem aliquam reipublicæ adferre recusant (contendunt enim se suaque ab omnibus oneribus publicis immunes esse)



esse) verumetiam externo Principi arctissimo juris-jurandi religionisque vinculo sunt obstricti. Quid verò illi utilitatis reipublice adferant, qui nisi abhinc centum triginta circiter annis prædia comparare prohibiti essent, integram omnino Brabantiam inglu-  
tissent, ita ut neque Principi neque subditis jam quicquam reliqui esset? Qui quam-  
tum amplius, quam Brabantia semissem possiderent, ejus interdicti tamen causa parum absuit, quin omnia cedibus atque flammis miscuerint. Atque nunc quidem ultra bellum præter decimas & obventiones, quas ex triente habent, possidere memorantur: adeò obrepere legi noverunt, quanquam à Carolo Quinto renovata. Illud certè est exemplo Levitarum præclare decimas petere, cum illi nulla prædia habere potuerint, his verò universus orbis vix sufficiat. Quod verò externo Principi obstricti ad negotia publica admittuntur, in eo sanè magis mirarer majorum simplicitatem, nisi in immenso gravioribus religionis specie ab illis decepti essent. Et desino mirari, me nusquam cautum invenire de ijs, qui externis Principibus jurejurando devincti sunt, cum illi nequid sibi moveretur, id supprimendum curarint: quanquam à tali, quam

ab homine extero, plus periculi expectari debeat. Et quantum detrimenti istorum hominum culpa & perversitate hisce provinciis multis jam annis illatum sit, perdifficile sit dictu. Tum postremis hisce annis, cum fortè aliquam bonæ voluntatis laudem adepti essent, mox clandestinis cum hoste consilijs, intempestivis cum eo actionibus, proditionibus, confœderatorum divulsionibus, & manifestis denique ad hostem defectionibus omnem eam laudem foedè conspurcarunt, cunctasq; has provincias in æternum perdere studuerunt. Quod nisi, ut piscator ictus, sapiemus, talesq; homines ab omni deinceps administratione publica removebimus, ne ipsa quidem nos conservabit salus.

Præterire silentio haud possum, clausulam illam: *quatenus observationi subiecta sunt, atq; observari possunt*: neque Marianam, neque recentiore Carolinam Inaugurationem habere, valdeque captiosam esse, præsertim si Principum Consiliarij, talesq; qualium subinde mentionem fecimus, Iurisperiti, ad interpretationem admittantur. Quæ horum temporum improbitas est, vitari omnibus modis convenit, ne quis locus detur cavillationibus: præcipue  
verò,

verò, si cum Principibus res sit.

Atque quantum ad eam, quæ additur, exceptionum renuntiationem attinet, processit ea sollicitudo atque curiositas ex subtilitate disputationis <sup>c L. 29. l. 86.</sup>, an tot stipulationes <sup>De verb. oblig. D.</sup> sint, quot res : sed quin res plures aut simul aut separatim promissæ, æquè debeantur, absurdum sit dubitare. Habet Mariana Inauguratio nonnullas etiam alias renuntiationes, ut personarum temporumq; circumstantiæ eas jam plures jam pauciores postulant. Omnium autem deinceps præstantissima sit, Insulati Monarchæ abjuratio, ut qui præcipuus cavillationum perjuriorumque author sit. Ad quod si Prælati nostri mox à pace Gandavensi adduci potuissent, neque ipsi in perpetuam infamiæ notam, neque hæ provincie in hæc tanta damna incidissent. An Christus sapientiæ fons ipsaque adeò sapientia, quæ ab humano genere requireret, ita imperfectè aut obscure mandanda literis curavit, ut novam voluntatis ejus descriptionem ab homine petere debeamus? An si quantum in nobis est, Christi præceptis (quibus utriusque Testamenti scripta complector) morigeri simus, Christiani tamen, nisi ab homine pendamus, esse non possumus?

Faceſſant hætenus credita deliria.

*Confirmatio Inaugurationis: &  
Si Princeps eam non obſer-  
vet.*

Utinam, uti-  
nam Philippe  
in hac vo-  
luntate per-  
ſiſtiſſes, &  
forſaſſe op-  
eris & ipſe,

ſolenne pro-  
fecto iur-ju-  
randum, ad  
cujus con-  
temptum  
tam proter-  
vum quis  
non exhor-  
reſcat?

**P** O R R o quia volumus & cupimus, ut  
omnia jam dicta capita, articuli, indul-  
ta, promiſſa, confirmationes, & ratifi-  
cationes firmiter & inviolabiliter obſerven-  
tur, neq; unquam in perpetuum infringan-  
tur: omnibus in univerſum Prælatiſ, mo-  
naſterijs, religioſis domibus, Baronibus, E-  
quitibus, civitatibus, municipijs, & omni-  
bus etiam fidelibus noſtris ſubditis, provin-  
ciarum noſtrarum Brabantia & Tranſmo-  
ſanæ incolis, ipſorumq; hæredibus & poſte-  
ris, bona fide pro nobis, hæredibus noſtris  
atque poſteris, promiſimus, tactiſq; ſacro-  
ſanctis Euangelijs corporaliter juravimus,  
ea omnia poſt obitum Domini noſtri Pa-  
tris firmiter inviolabiliterq; obſervare, neq;  
ullo modo unquam contra ea facere, fa-  
ciendum ve curare, aut ut contra fiat, per-  
mittere. Et ſi nos aut ipſi, aut per alium  
quemvis, aut etiam hæredes poſteri ve no-  
ſtri, contra hæc aut univerſa aut ſingula,  
quo

quocunque modo fecerimus: consentimus, volentique animo permittimus iisdem nostris Prælatiſ, Baronibus, Equitibus, civitatibus, municipiis, omnibusque alijs nostris jam dictis ſubditis, ut nobis noſtris ve hæredibus aut poſteris, nullum omnino obsequium præſtent, neque in ulla re, qua nobis opus ſit, quam ve ab ipsis petemus aut requiremus, pareant, donec quod ita commiſſum fuerit, correxerimus, reſtituerimus, ab eoq; plenè deſtiterimus atque renunciaverimus. Præterea volumus, decernimus, declaramus, ut qualeſcunq; Officiales præter tenorem huius noſtræ Inaugurationis conſtituti, continuo pro deſtitutis cenſeantur: & ut inſuper, quicquid deinceps contra prædicta attentari poterit, irritum ſit, neq; pro valido unquam haberi poſſit. Atq; hæc omnia ſine omni fraude. In quarum rerum teſtimonium atq; perpetuam firmitatem, nos Imperator & Princeps prædicti, noſtra ſigilla hiſce appendenda curavimus. Datum in civitate noſtra Lovanienſi, quinto die Iunii, anno Domini noſtri ſupra ſeſquimilleſimum quadrageſimo nono, Imperij noſtri trigeſimo, Regni Caſtiliæ, aliorumq; trigeſimo quarto.

*Facſſant ſigil-  
lur episcoporum,  
tus, facſſat  
inquiſitio, &  
quicquid eſt  
iſtiusmodi.*

## COMMENTARIUS.

**N**OVUS Princeps promissionem hanc primum Lovanii, deinde Bruxellæ, deinde Antverpiæ, postremo Sylvæducis, quæ quatuor Brabantiæ metropoles sunt, facit. Omnibus his locis magnificum ad id quasi theatrum præparatur, in quo Princeps multis ex Ordinibus præsentibus, spectante frequentissimo populo, porrectis in propositum Evangeliorum librum digitis, in promissionem illam jurat. Quo facto, populus elatis manibus vicissim fidem promittit. Tum verò in plaudentem populum aurei argenteiq; nummi jactantur. Istiusmodi autem adus an pro ludō? tam seria an pro ludicris haberi poterunt? An promissa tam solenniter jurata, servari non debebunt? An quod Deo teste promiseris, ejus tibi gratiam facere poterit homo? Et ut possit (quod tamen nunquam probabitur) an idem facere poterit, ut populus juris sui oblitus, perjuriam toleret, sequæ adversus injuriam non muniatur atque vindicet? Id si impurus ille posset, tum verò magnus haberi, atque adeò terribis Deus posset, qualem aliquot jam secu-

lis fascinato mundo se impudenter ostentavit. Iam verò quid aliud, quàm Principes perjuros facit, multis sollicitudinibus, incommodis, atque periculis involvit: & provincias omni calamitatum genere implicat? Plusquàm millies publica ejus acta & consilia, turpia, nefaria, atque infauſta deprehenſa ſunt: & eſſe, qui illa adhuc ſeſtentur, proſectò eſt mirum. Quod verò ad denegandam obedientiam, ſi Princeps pacta non ſervet, attinet, in his poſita ejus eſt æquitas. Populum non Principum, ſed Principes populi cauſſa eſſe, certum eſt. Principem commodo non incommodo oportere eſſe populo, & quod navis gubernator eſt vectoribus, æquè. Quod populus imperium ſuum in Principem tranſfert, commodi cauſſa facit: neque enim ipſe, ſi imperium ſuum retineret, eo ad incommodum ſuum uti vellet. Atque ex his etiàm rationibus obedientia Principi negari poſſet, etiàm ſi nullis conditionibus receptus eſſet: cujus nulla, tyrannicis rerumpublicarum oppreſſionibus exceptis, exempla ſunt. Cùm enim id, cujus cauſſa aliquid eſt, dignius ſit eo, quod ejus cauſſa eſt: ſi hoc id non efficiat, propter quod ejus cauſſa eſt, quamobrem hoc ipſum, cujus

caussa est, illud tanquam superfluum aut noxium non negligat, aut etiam amoveat? Præsertim cum in eodem statu futurum sit, in quo erat, priusquam id ejus causa esset: & nunc non minus, quam tunc subsistere possit? Ac verò in navi qui vectores cum gubernatorem ferant, qui clavum non retinere teneat? Denique quis ei obsequiosus sit, qui jure, quod in eum contulerit, contra ipsum uti velit? Quinimò quot tyrannos, qui respublicas oppresserant, aut motos aut necatos legimus? Quæ cum ita se habeant, quid id rei novæ miræ ve habet, sicuti sub conditionibus recepto, easdemque non observanti Principi, obedientia denegetur? Quid etiam absurdi habet, quod Princeps, si pacta non servet, subditis in se inobedientiam quasi mandat? Cujus rei origo ad Iohannem ejus nominis tertium Brabantiz Ducem refertur, ut qui, cum parum, quibus receptus erat, conditionum memor fuisset, ideoq; Philippo ejus fratre in ipsius locum successo, ab Ordinibus, dum resipisceret, motus esset: ubi deinde omnia instaurasset, Ordinibusque satisfecisset: diploma dederit, quo Ordinum factum comprobavit, & quândocunque usus postularet, ut idem facerent, potestatem fecit. Et prudenter sanè, ut in  
cæteris,



cæteris, Ordines fecere, qui deinceps in omnibus Inaugurationibus id repetendam curavere. Quomodo enim jam aliquoties dictum est, non possunt Principum repagula neque nimis arcta esse, neque nimis manifesta. Et, ni fallor, ex exemplo jam commemorati facti habent nonnullæ Inaugurationes, Ordines, si Princeps pacta non servet, alium in illius locum surrogare posse, qui res administret, provinciamq; si necesse sit, defendat, donec Princeps agnita culpa quasi in integrum omnia restituat. Sed hoc rei necessitas exigit, ut cui Principem offendere licet, eidem etiam quæ ad reprimendam ejus violentiam faciant, comparare liceat. Nam alioqui idem ei eveniret, quod ferarum cicuratori, qui si se adversus minimam etiam earum offensam non muniat, de vita periclitatur. Et quò Princeps, qui offendi debeat, potentior sit, eò quoque illustrior potentiorq; defensor ut sumatur, convenit. Disputarunt Coloniae Pacificatores, declarationem fieri debere de prævaricatione, priusquam Principi obedientia negari posset: quasi verò nostrorum Principum promissa non satis certa, neq; satis disertè literis mandata sint, ut eorum violatio mox in omnium sensus non incurrat; quasi item


cum inter Principem & subditos actum sit, alia subditi declaratione uti debeant, quam qua vel admonitione vel contestatione, Princeps de prævaricatione certior fit. Graviter tulerunt iidem, illud privilegium de non parendo prævaricanti Principi, reliquis provincijs ut communicaretur, peti: quasi illis ipso id jure non competat, aut quasi id à Maria Caroli Andacis filia omnibus hisce provincijs communicatum esse, authores desint. Sed in omnibus hodie absolutissimæ authoritatis instrumenta requiruntur, scilicet. Id verò vos universos, ò Belgæ, incitet, ut præsentī hac occasione vobis plenissimā in omne ævum securitatem paretis. Dulcescent ita tantæ, quas tanto tempore perpeSSI estis, calamitates: & dulcissimos fructus tantorum incommodorum, consummatam nempe libertatem, ad posterōs transmittetis. Deus vestri mirabiliter est misertus, ut ad ea bona pervenire possetis. Dei nutu ac beneficio fasciculum sagittarum pro insigni accepistis: cujus saltem vos & originem & significationem diligenter expendite.

FINIS.

155

*ALTERA ADDI-  
tio Inaugurationis Caroli Im-  
peratoris, etiam à Philippo Hispania-  
rum Principe, jurejurando  
confirmata.*

PRÆFATIO.

AROLVS Dei gratia,  
Princeps Hispaniarum, utri-  
usque Siciliae, Hierosolymae,  
&c. Archidux Austriae: Dux  
Burgundiae, Lotharingiae,  
Brabantiae, &c. Omnibus, qui hanc nostram  
epistolam videbunt aut legent, S.

POSTEA QUAM nobis dilecti Depu-  
tati civitatum, municipiorum, agrorumque  
provinciae Ducatusque nostri Brabantiae, post-  
quam inaugurati, atque in Dominum ejus-  
dem provinciae recepti fuimus, Nobis prae-  
sentarunt atque tradiderunt libellum quen-  
dam supplicem, continentem diversas que-  
relas & defectus circa gubernationem &  
prosperitatem earundem civitatum, muni-  
cipiorum, pagorum, totiusque provinciae in-  
colarum, petentes atque requirentes, ut in  
eo ipsis de consentaneo remedio prospicere  
veli.

velimus : Nos propensi in preces atq; supplicationem earundem civitatum, municipiorum, pagorum, totiusq; provinciae incolarum, super iisdem querelis & defectibus cum dilectis nobis & fidelibus Cancellario alijsque viris nostri in Brabantia Consilij & Aerarij, inquisitione facta habitoq; consilio, de maturo consilio nobis dilectorum atque fidelium Cancellarij aliorumque virorum secreti nostri Consilij nobis assistentium, Ordinavimus, statuimus, volentique animo concessimus, ordinamus, statuimus, volentique animo concedimus per hanc nostram epistolā capita sive articulos subsequentes.

### COMMENTARIUS.

**P**OST QUAM Carolus inauguratus esset, ejus promissa cum aliorū Principum promissis conferre, & nunquid usus præterea postularet, diligenter expendere, Ordines non piguit. Ea diligentia cum hæc sedecim capita collegissent : non destitit, priusquam Carolus ea quoque confirmasset. Quod verò nonnulla eorum parvi momenti esse videntur, nescimus, quanti ea illi tum duxerint æstimanda. Quod quædam etiam ex Inauguratione quasi reperi videntur,

dentur, ea sollicitudo reprehensionem non  
meretur: quod quæ cum Principibus agen-  
da sunt, nimis exprimi caverique non pos-  
sunt.

*Vectigalis immunem apud telo-  
nium non adesse debere mer-  
cibus.*

## CAPVT. I.

**M**ERCATOR apud aliquod telo-  
nium nostræ provinciæ vectigalis  
immunis, non debet deinceps  
ipse adesse bonis, ut sua esse probet: sed suf-  
ficient, si pro veteri consuetudine iustam cer-  
tificationem, aut ejus loci, ubi habitat, au-  
thenticas de immunitate tabellas mittat.

## COMMENTAR.

**S**YLVA DV CENSES magnam vecti-  
galium immunitatem, ut decimo ter-  
tio Inaugurationis capite liquet, ha-  
bentes, anno supra sesquimillesimum octa-  
vo, à Maximiliano Imperatore, ut Caroli  
tutore, impetrarunt, ut cum bonis suis missis  
ad

ad publicanos iustis testationibus, ipsi adesse non deberent. Id verò hîc in commune statuitur.

*De prolongatione indultorum  
minorum quorundam tribu-  
torum, & viariorum vecti-  
galium.*

CAPVT. II.

**V**NICVIQVE civitati provincie nostræ Brabantie, quæ indulto nostro majorumve nostrorum minora aliqua tributa, aut vectigalia viaria percepit, aut adhuc ad aliquod annos perceptura est : idem illud indultum post expirationem in duodecim annos prolongabitur : ut tamen nobis per id tempus quotannis solvatur tantum pecuniæ, quantum ex tenore ea de re confectarum tabularum deberur, quæ tabulæ, quandocunq; civitates requirerent, renovabuntur.

## COMMENT.

**E**X HIS tributis (quæ vulgò *arcijfen* vocantur) & vectigalibus viarijs (quæ Barbari *pedagia* vocant) ferè nostrarum civitatum ætarium conficitur: sed facit multitudo illorum, magnaque hominum frequentia; ut proventus illorum annui nonnullis locis in incredibiles summas exurgant.

*Brabantos ad tribunalia ecclesiastica extra Brabantiam evocari non posse: & De quibus causis Ecclesiastici cognoscant.*

## CAPVT. III.

**I**NCOGNITA provincia nostræ Brabantie non poterunt evocari in iudicia spiritualia Episcoporum Leodiensis aut Cameracensis extra Brabantiam constituta, sive ob personas suas, sive ob bona sua; dummodo ipsi in Brabantia

bantia degant, & bona ibidem sita sint. Sed in spirituales curias eorundem Episcoporum in Brabantia constitutas, in jus vocabuntur: quoad idem spirituales illæ curiæ in Brabantia erunt. Spirituales autem illi iudices de tribus tantummodo causis cognoscent, videlicet, an testamenta valeant nec ne, de contractibus matrimonialibus, & de spiritualibus laicorum dominio exemptis bonis.

### COMMENT.

**L**EODIENSIS & Cameracensis Episcopi, quantum ad spiritualia (ut vocant) Brabantiam inter se divisam habent. Et quia Brabanti extra Brabantiam in jus evocari non possunt, ut vigesimo quarto Inaugurationis capite cautum est, uterque in Brabantia curiam instituit. Ponuntur autem hic tres causæ, ob quas Brabantus laicus (ut vocant) in hæc judicia vocari possit. Nempe si disputetur, an testamenta valeant nec ne, de contractibus matrimonialibus, & de spiritualibus prophanorum scilicet hominum dominio exemptis bonis. Postquam Episcopus Romanus officio suo spreto ad principatus & regna  
animam



animum adjuicere coepit, nihil deinceps istiusmodi fuit, quod cum posset, ad se non raperet, & Ecclesiasticos, quorum se iam caput & Principem constituerat, ut idem facerent, exemplo suo instruxit. Qui cum hoc institutum religionis specie obumbrarent, ita illis idem successit, ut intra pauca secula longè maximam omnium bonorum partem corraferint. Et nisi eorum rapacitati in multis locis diversis temporibus restitutum fuisset, nihil jam miseris (quos vocant) laicis fecissent reliqui. Quantum illi in Brabantia conflagrant, ad caput Inaugurationis quinquagesimum septimum attigi: & simul quando illis fuerit restitutum. Quomodo autem in prædijs, ita etiam in alijs rebus omnibus egere. Et ut prædiorum comparatione illis interdicens fuit, ita quoque de iudicijs decidi cum illis debuit: ut qui aliquando ita omnes judicialium actionum partes occuparint, ut eorum improbitatis compescendæ causa, duo reliqui Ordines (quas seculares vocant) foedere se jungere debuerint: quod anno supra millesimum quadringentesimum sexto & octogesimo accidit. Remanserunt autem illis in Brabantia (ut jam dictum est) causæ testamentariæ, matrimoniales, bonorumq; ecclesiastico

juri nexorum. Romanus ille, principatus  
aliasque ditiones nactus, inter subditos suos  
ita juri veteri in testamentis septem testes

a G. Sed cum  
paulat. De  
testam. Instit.

requirenti, derogavit, ut illis coram paro-  
cho sive ecclesiæ pastore & duobus testibus  
testari permiserit. Quam testandi formam  
ubique etiam in pijs legatis sufficere vo-  
luit. In quam præclaram nassam Ecclesia-  
stici, jam illius clientes & satellites, eam o-  
peram navarunt, ut huic ubique applau-  
sum sit, illud verò sensim plerisque locis  
receptum. Quæ hinc testamentariæ fraudes  
irrepperint, est quod doleat mundus. Nul-  
la ferè jam testamenta conficiebantur, nisi  
ea forma à parochis. Atque hinc etiam  
consentaneum esse visum est, ut justæ nec-  
ne essent testamenta, coram Ecclesiastico-  
rum disputaretur tribunalibus. Nec mi-  
nùs ille uberem in re matrimoniali fixit  
nassam. Veteres cognationum gradus im-  
mutavit, atque etiam novos finxit: & ne-  
quid duriùs statuissè videri posset, venalem  
gratiam est professus. Atque res illa cum  
ita esset intricata, faciliùs ejus cognitio Ec-  
clesiasticorum curijs est relicta. Sed cum  
de deflorationibus virginum ageretur, mi-  
rum est, tam sanctorum cœlibum aures  
admittere potuisse tam carnalia. Sed illi  
ipsi

ipsi eas res ita tractabant, ut te non in iudicijs, sed in spurcissimis lupanaribus versari dixisses. Quod autem ad bona ecclesiastica attinet, de ijs opinio mox nata est, ea alienari nefas esse. In hanc autem causam trahere tabernaculum Dei in populo Israëlítico, ejus vasa, aut arcam testimonij, perquam sit absurdum. Quæ enim jubente Deo ad ejus cultum conficiuntur, quis ea, non dicam, alienet, sed quis non justius contrectet? Sed hic de talibus non agitur. Agitur autem de latifundijs, & cujuscunque generis prædijs, ad ecclesiasticum jus fortè devolutis. Et illius opinionis Pius ejus nominis primus Romanus Episcopus laudatur author scilicet, Is cum tradatur circa annum Domini centesimum quinquagesimum Romæ docuisse, quo tempore Princeps omnesque magistratus urbis infestissimi Christiani nominis hostes erant: an verisimile est, tum aut ulla prædia divinis usibus fuisse tradita, aut illum eam habuisse authoritatem, ut eum, qui istiusmodi prædia humanis usibus applicaret, sacrilegum pronuntiaret? Et cum hæc ei tribuantur verba: Quod si quis præsumserit, sacrilegus habeatur, & sicut sacrilegus

crilegus judicetur : quam quæso illa tunc aut vim aut executionem habuissent? In latentibus ecclesijs, qualis tunc Romana fuit, non ita agitur: sed si quis delinquat, pro modo delicti admonetur: et si audire nolit, ejus commercium fugitur, in eoq; finis omnis est actionis. Istiusmodi interim scriptis referti sunt illi libri, qui magnifico titulo: *Ius Canonicum*: sunt inscripti. Sed eos libros nunc aut levitatis, aut ineptiarum, aut fraudis, aut falsitatis denique insimulare: injuriam facere ijs sit, qui eosdem præter illa intolerabilium etiam in Deum convitiolorum atque blasphemiarum pridem convicere. Non dubito tamen, quin recepto publicè Christianismo, cum in ecclesiasticos usus aliqua prædia aut donata aut legata essent, ea ipsa mox ea opinione, tanquam alienari non possent, fuisse affecta. Nec verò ea ratione destituebatur, quòd illa publici juris essent, ut publicis usibus mancipata. Sed modus hîc observari debuit, quemadmodum cum Deus ex voluntarijs populi Israëliti donarijs tabernaculum fieri jussisset<sup>b</sup>, isq; plus conferret, quàm opus esset, Moses amplius conferri, præconis voce vetuit<sup>c</sup>. Atque Leonem quidem & Anthemium primos eam opinionem in leges retulisse

com-

<sup>b</sup>. Exod. 25.

<sup>c</sup>. Exod. 36.

comperio<sup>d</sup> : quos secutus Iustinianus, dum  
inconfyderatiùs in eam legislationem fer-  
sur<sup>e</sup>, fenestram Ecclesiasticis aperuit vel  
universum orbem occupandi. Sed boni  
Principes probitatis illorum specie decepti,  
istiusmodi quicquam de illis non potuere  
suspiciari. Occupandi autem orbis desyde-  
rium apparere cœpit, cùm Episcopus Ro-  
manus principatus & ditiones involaret:  
cùm ipsi Imperio manus injicerat: cùm Ec-  
clesiasticorum numerum multis novis aut  
inventis ab ipso, aut suggestis religionibus  
augeret: cùm deniq; hi omnes, ut egregij  
illius discipuli, clientes, & satellites, illius  
doctrinæ & exemplis insistentes, ubique  
ad aucupandum sua retia tenderent. Atque  
ea quidem improbitas tam effusa & mani-  
festa erat, ut legibus coërceri (quomodo  
jam aliquoties dictum est) necesse esset.  
Quæ comparabant, quòd aliorum homi-  
num commercio aut potiùs dominio exi-  
merentur, in manum mortuam incidere  
vulgò dicebantur, quasi ipsa interirent &  
emorerentur. Sed de talibus bonis coram  
Ecclesiasticorum tribunalibus disceptare,  
non est profectò aliud, quàm si quis homo  
externus contra indigenam alicujus regio-  
nis coram iudice ejusdem regionis, præ-  
dium

d L. 14. De  
episc. & cler.  
c.

e Passim in  
Novel.

diū aliquod ejus regionis non esse contendat. Ut taceam vulgares de illis tribunali-  
bus querelas : perplexos & intricatos ag-  
gendi modos & formas esse : & si non ec-  
clesiasticus contra ecclesiasticum justissi-  
mam causam habeat, cum tamen aut nun-  
quam , aut post intolerabiles vexationes,  
& gravissimos sumptus serò admodum jus  
suum consequi. Vitari autem omnia hæc  
ranta mala potuissent, si ecclesiarum sive  
Ministri, sive Pastores, sive Episcopi, ini-  
tiò ita in officio retenti essent, ut extra  
verbum Dei nihil aut docere, aut facere  
potuissent. Ab eo enim cum exorbitare  
Minister incipit, mox Diaboli artibus  
ita afficitur, ut sensim de prævaricatione  
in prævaricationem progrediens, tanquam  
in Circen inciderit, contrarius ab eo, qui  
esse deberet, evadat. Cujus rei evidentissi-  
mum exemplum in Episcopo Romano  
videmus, ut qui eo vesaniæ prolapsus sit,  
ut oppressa vera religione ipse mille fal-  
sas cuderit : & veræ religionis sectatores,  
multitudine illorum incredibili omni tor-  
mentorū genere sublata, porrò perde-  
re satagat. Si item ipsis in collegia coire,  
communiaque bona habere permissum  
non fuisset. Hinc enim eorum nume-

tus ita accrevit, ut civitates, pagos, agros  
oppleverint : & cupido illos illud commu-  
ne semper augendi incessit. Debebat illis  
è publico suppeditari, quantum ad fa-  
miliam honestè sustentandam satis, neque  
ejus rei gratia aliunde subsidia quarere, ne-  
cesse esset. Quando etiam facilè, ut reliqui  
publici ministri (neque enim sunt aliud) in  
officio contineri, neq; enim præter volun-  
tatem magistratuum eorum numerus auge-  
ri potuisset. Deinde quoque si tanta rerum  
omnium immunitas concessa non esset,  
qua factum est, ut separatam à reliquis ho-  
minibus rempublicam constituerint : &  
quia ea etiam ratione facilè possent, ita que-  
vis coëmerint, ut Principibus ditiones tan-  
tum non steriles reddiderint. Sufficere debe-  
bant hospitij, operis publici, excubiarumq;  
immunitates, quæ veris Ministris profectò  
etiam competunt. Postremò autem judi-  
cia illis permittenda non erant, quòd ea re à  
magistratus jure omnino exempti fuerint:  
cùm contrà officij natura alijs ad obedi-  
dum exemplo esse deberent. Quod quan-  
tam totius politici ordinis confusionem,  
atque in commune injuriam peperit, nimis  
diu experti, meritò ingemiscimus.

*Diplomata tutelaria nemini  
fraudi esse.*

CAPVT. IIII.

**N**E M O sub prætextu aut authoritate diplomatis nostri tutelaris, siue Sauegardia, neque civiliter neq; criminaliter constringi poterit : nisi in diplomate nomen ipsius expressum, ipsique per aliquem Vasallorum Officialiumve nostrorum exhibitum sit : ut tamen in hoc Prælaris omnibusque alijs bonum ipsorum jus seruetur.

COMMENT.

Amplius  
examinanda.

**D**I P L O M A T A tutelaria (quæ Gallicè Sauvegards dicuntur) ferè contra quorumcunque injuriam suppressis nominibus conceduntur : sed si quis in ijs nominetur, ne id illi fraudi sit, hîc statuitur : & meritò, cùm privilegia aliaque istiusmodi Principum diplomata in alterius injuriam concedi non soleant. \*

a L. 3. De  
prec. Imp.  
offerend. C.

*De*



*De diplomatibus prorogatorijs  
solutionis.*

CAPVT. V.

**N**VLIS deinceps privatis personis, cujuscunq; sint ordinis, nationis, provinciæ, aut conditionis, nullis etiam civitatibus extra provinciam nostram Brabantiam sitis, concedentur ulla solvendorum debitorum prorogatoria diplomata, nisi in forma juris sub cautione in provincia nostra Brabantia constituenda. & istiusmodi diplomata non nisi semel poterunt concedi.

COMMENT.

**D**E mutata veterum acerbitate in debitores, nonnihil ad quinquagesimum alterum caput Inaugurationis diximus. Et summum eorum solatium aut cessio bonorum est, aut quinquennales induciæ. Cedendo bonis detentione & cruciatu corporis liberantur, etiamsi creditores ex ijs solidum non consequantur: in reli-

L. 5

quum

a L. 1. Qui  
bon. ced.  
poff. C.  
b Novel. 135.

quum autem obligati manent<sup>a</sup>. Atque id  
etiam Iustinianus ita mitigavit<sup>b</sup>, ut qui in-  
fortunijs non culpa res suas amiserint, bo-  
nis cedere cogi non debeant, si se solvendo  
non esse jurent: nihilominus tamen solu-  
tionem, quatenus unquam facere poterunt,  
promittant. Quinquennales induciæ cession-  
ne mitiores sunt<sup>c</sup>, sed ut debitor cautio-  
nem præstet, ratio<sup>d</sup> postulat. Nam si alio-  
qui creditor non acquiescat, ad cessionem  
redeundum sit.

c L. ult. C.  
eod.  
d L. 4. De  
piec. Imp.  
offerend. C.

*De vagabundis, qui se Ægyptios esse dicunt.*

CAPVT. VI.

**V**AGABUNDI illi, qui se ex minore  
Ægypto oriundos dicunt, non po-  
terunt deinceps venire in provinci-  
am nostram Brabantiam, nedum commea-  
re, inibi conversari: sed debebunt extra  
eam manere sub poena capitis amissionisq;  
bonorum, secundum tenorem quorundam  
placitorum nostro nomine ea de re alias  
promulgatorum.

COM:

## COMMENT.

**H**Æc erratica fæx hominum cùm Bulgara maximè sit, Ægyptiam se admirationis benevolentixq; causa mentitur. Qui Ægyptum peragratunt, eam illic quoque turmatim, & maximè secundum Nilum oberrare, neque minùs illic peregrinam, quàm hîc esse, testantur. Dignum certè genus hominum, quod cùm ob alia scelera, tum ob malas quasdam, quas profitetur, artes, nusquam toleretur,

*De locis promiscui usus pro vivarijs non locandis.*

## CAPVT. VII.

**N**ON ampliùs contra tenorem trigèsimi primi articuli Inaugurationis, foelicis memoriæ Regis Castilia, Domini nostri Patris, vivaria à promiscuo usu non separata, locabuntur.

COM.

## COMMENT.

**C**APITE Inaugurationis quinto & trigesimo cavetur, nova vivaria facere, non licere : hîc verò, nequa loca, quæ promiscui usus sunt , ut vivaria locentur : quæ in idem recidunt. Nam quæ Principis nomine locantur, eo ipso Principi attribuantur : & eo modo quæ promiscui usus sunt, nova vivariaria fierent. Quod ut melius intelligatur , meminisse convenit, certa Principi in Brabantia attributa esse loca , quæ ipsi soli in venationis usum cedant : alioqui Brabantiâ omnem cuicunque ad venationem patêre. Principi autem attributa loca sepius solere , itaq; vivaria congruenter dici : quippe cùm vivaria sint ea loca, quibus vel pisces , vel aves , vel feræ continentur.

*Ad vias reficiendas viaria tributa insumi debere.*

## CAPVT. VIII.

**T**RIBVTVM viarium, quod ad refectiorem viarum, pontium, transituumq; provinciae nostrae Brabantiae perci-

percipitur, non in res alias, quàm in eam refectionem insumetur.

## COMMENT.

**I**N quem usum quidque colligitur, in eum etiam insumi par est. Sic viaria tributa, cum ad vias reficiendas instituta sint, in earum refectionem impendi convenit. Quæ tamen cum Iohannis ejus nominis secundî temporibus aliò expensâ fuissent, edita Constitutione (quæ Gallica dicta est, cujus etiam jam aliquoties mentionem fecimus) id deinceps non futurum, Ordinibus promissit : atque inde hoc caput originem ducit.

*De apprehensione & inquisitione in privatis ædibus facienda.*

## CAPVT. IX.

**N**E QVE Officiales civitatum, municipiorum, pagorum ve provinciæ nostræ Brabantiae, neque ipsorum ministri, poterunt deinceps, quæcunq; tandem

dem caussa sit, quenquam de domo sua *ex*trahere, ac in carcerem ducere, aut in ea inquisitionem facere, secus, quam pro vigore privilegiorum, consuetudinum, usuum *ve* loci, quo id fieri continget aut debebit: aut etiam aliter, quam pro scripto jure conveniat, aut licitum sit. Nostreis autem civitatibus, Lovanio, Antverpiæ, Sylvæducis ampla ipsarum ea de re privilegia, consuetudines, usus hactenus observati, conservabuntur.

## COMMENT.

**C**ICERO in oratione, Pro domo sua, tanquam jus privatarum adium asserturus, in hæc verba prorumpit: Quid est sanctius, quid omni religione munius, quam domus uniuscujusque civitum? hinc aræ sunt, hinc foci, hinc Dii penates, hinc sacræ religionis cæremoniæ continentur: hoc perfugium est ita sanctum omnibus, ut inde abripi neminem fas sit. Quibus proximè accedit illud Gay: quia domus (inquietis<sup>a</sup>) tutissimum cuique refugium atque receptaculum sit: & illud Pauli<sup>b</sup>: de domo sua nemo extrahi debet. Et quanquam videatur, neque ob crimina  
tempo-

<sup>a</sup> L. 18. De in  
jur vocand.  
D.

<sup>b</sup> L. 31. ibid.

temporibus Ciceronis quenquam de domo sua extrahi licuisse : Ita enim in oratione , In Vatinius , ait : Cumque non maiestate imperij , non jure legum , sed januæ præsidio & parietum custodijs Consulis vita regeretur , quæro , miserisne viatorem , qui M. Bibulum vi extraheret ? ut , quod est in privatis semper observatum , id te Tribuno plebis , Consulis domus exilium esse non posset ? Quasi videlicet , domi se continere , exilij loco tum Romæ habitum fuerit : Exilium autem legum vindictam finire , certum est . Quanquam igitur id ita esse videatur : tamen Imperatorum temporibus id privatis ædibus , ut sceleratos etiam tuerentur , ita tributum non est , ut id expressa lege vetare , necessarium esse , existimatum non sit . Quod cum recentiores non animadverterent , quantopere torti sint , eorum scripta declarant . Cum monstrare conantur , domum in criminalibus tutum refugium non præbere , ablegant lectorem ad diversa quidem loca , sed ad nulla , quæ id expressè habeant . Sed cum Iurisconsulti viam ostendant , qua tuum nihilominus consequaris , tamen si debitor domi latitet : & ratio  
nulla

c. l. 19. ibid.  
l. 1. De off.  
divers. jud. c.

d L. 70. 6. Id  
quod vulgò,  
De fidejuss.  
& mand. D.

e Exod. 21.

f Novel. 17.  
§. Ceterum  
homicidis.

g Novel. 17.  
§. Enimverò  
neque. Edi-  
cto. 2. §. Po-  
steaque.

nulla extet, qua reipublicæ satisfiat, si faci-  
noris reus domi tutus sit (facinorosos enim  
puniri, reipublicæ non leviter certè & inte-  
rest) profectò facinorosis domum in refu-  
gium præbere, subsistere non potest. Suffi-  
cete autem latitationem dicere, frivola ra-  
tionis sit. Sed quid multis? cùm Deus ho-  
mucidam ab altari suo ad poenam avelli ju-  
beat<sup>e</sup>: cùm item Iustinianus negato faci-  
norosis asyli jure, ex sacris eos ædibus pro-  
trahi mandet<sup>f</sup>: qua fronte plus juris pri-  
vatis ædibus, quàm istiusmodi locis tribue-  
mus? Quod autem Lovanii, Antverpiæ, atq;  
Sylvæducis privilegij loco observatur, ut  
ostio proximaq; fenestra clausis, Præfecti in  
ædes irruere, atque inde quantumvis faci-  
norosos protrahere ne queant: ad reprimen-  
dam Præfectorum improbitatem magis spe-  
ctat, quàm ut facinorosi poenis subtrahan-  
tur. Nam cujusq; loci magistratus de re edo-  
ctus, ipse ad facinorosi ædes congregatur, ut  
si necesse sit, effractis etiam foribus, is ad  
supplicium protrahatur. Quod porrò de  
inquisitione in privatis ædibus faciendâ, hîc  
jungitur, cum præcedenti eandem causam  
habet. Et cùm Quæsitores fidei aliquoties  
tam acriter à Iustiniano repressi<sup>g</sup>, simplici-  
tate vecordiaque nostrorum Principum,  
quid-



quingenta proximis annis, tantum non regnarint: dici non posset, à quot probis viris & matronis privilegium hoc vexationem & perniciem avertit.

*Pecunie valore mutato, quo  
modo solvatur.*

## CAPVT. X.

**D**EINCEPS quisque, cujuscunq; sit ordinis aut conditionis, in annuis solutionibus quorumcunq; aureorum nummorum satisfaciet, si eos solvat eo valore aut pretio, quo hactenus solvere consuevit: neque majore pretio eos solvere cogi poterit. Tabulæ tamen publicæ de eorundem aureorum nummorum constitutione, quatenus ad principales redditus attinet, manebunt in suo valore atque vigore, nisi sicubi sententia data sit in contrarium. Et durabit hoc quidem, donec tempus à nobis petiti collationis, in provincia nostra Brabantia respectu Inaugurationis nostræ atque receptionis nobis consensæ, decurrat. Neq; poterunt veterum aureorum argenteorum ve nummorum, quomodocunq; M            appel-

appellentur, tum nostri, tum Vafallorum  
noſtrorum census aut reditus pluris æſti-  
mari, quàm quanti nunc ſunt, & quotannis  
ſolvuntur : & ſubditi noſtri Brabantiae in-  
colae ita ſolvendo ſatiſſacient.

## COMMENT.

**L**EGIMVS in Chronicis Hollandicis,  
anno ſupra milleſimum quadrin-  
geſimum undenonageſimo, pe-  
cuniae pretium ita fuiſſe imminutum, ut  
Rhenanus aureus, cùm eatenus tribus &  
ſexaginta ſtuferis ſive ſeſtertijſ æſtimatus  
fuiſſet, ad ſeptendecim ſtuferorum æſtima-  
tionem depreſſus fuerit: quae res multas tur-  
bas per provincias excitavit, multoſq; merca-  
tores depauperavit. Quae res etiam cùm va-  
rias contentiones uſq; ad initium Principa-  
tus Caroli produxiſſet, & ipſi poſt Inaugu-  
rationem quadringenta quinquaginta Rhe-  
nanorum aureorum millia intra triennium  
à Brabantiae Ordinibus ſolvi deberent: ne-  
quid incommodi ſentiretur, ut hæc eo trien-  
nio obſervarentur, ſtatuerè neceſſe habuit.  
Quae ſi primae Additioni, ad quam perti-  
nent, inſerta eſſent, cum ea omitti potuiſ-  
ſent. Cur autem omiſſa ſit, ejus mox poſt  
Inau-

Inaugurationem rationem habes.

*De concussione.*

CAPVT. XL

**D**EINTEPS per provinciam nostrā Brabantiam nostri Vasallorum'ue nostrorum Officiales, Iudices civitatum, municipiorum, pagorum'ue, telonarij telonijq; custodes, aut eorum in iustitiæ causis aut collectione ministri, non poterunt eos, qui ipsorum jurisdictionibus aut officijs subsunt, de præstandis operis, canibus, ovibus, alijs'ue animalibus sustentandis aut alendis sollicitare: neque à nostris subditis frugum manipulos, carnes, frumentum, aliave istiusmodi dona capere: neque item cauponam exercere, unde ijs, qui ipsorum officijs subsunt, aut alijs, qui ipsorum opera uti debeant, detrimenti aliquid quoquo modo obveniat. Vt tamen ab his excipiantur longa consuetudine usitatæ mercedes, emolumenta, salaria, aliæque iustitiæ administrandæ obventiones, quæ officij ratione Officialibus competunt, quibus contenti esse debebunt, neque quicquam ulterius à quoquam requirere poterunt. Si verò Officialium

Mz

quis

quisquam contra hæc faciet, id loco pœnaq;  
competenti vindicabitur.

## COMMENT.

**Q**UOTQVOT in Brabantia functi-  
ones aliquas publicas suscipiunt, ex  
præsripto undecimi capitis Inau-  
gurationis ius-jurandum præstare tenentur,  
nullum se munus aliudve quippiam à  
quoquam subditorum accepturos. Vt au-  
tem quæ accipere faceréve non debeant,  
cognita sint, speciatim hîc quasi numeran-  
tur, ne tanquam levia, non prohibita puten-  
tur. Pœna verò arbitraria statuitur, quomo-  
do etiam jure concussiones puniuntur \*: ut  
tamen quod ablatum damnumve datum  
est, restituatur aut refarciatur.

\* L. 1. De  
concussion.  
D.

*Religiosa collegia extra Bra-  
bantiam sita, nulla immobi-  
lia in Brabantia acquirere  
posse.*

CA.

## CAPVT. XII.

**N** V L L A deinceps monasteria , ecclesiasticave aut religiosa collegia extra Brabantiam sita, emere , aliove modo acquirere poterunt ulla immobilia in Brabantia sita , sive sint prædia , sive census, sive redditus.

## COMMENTAR.

**Q** V O D res ita postularer , ad caput septimum & quinquagesimum Inaugurationis , & ad tertium hujus Additionis , obiter attigimus , comparationem prædiorum aliarumq; rerum immobilium Ecclesiasticis esse prohibitam. Hic autem tria ea de re capita sequuntur. Apud Flandros id à Comite Guidone anno supra millesimum ducentesium quarto & nonagesimo vetitum invenio : tam ea gens in eo fuit vigilans & prudens. In Brabantia anno supra millesimum quadringentesimum quinquagesimo altero à Philippo Bono demum vetitum fuit. Quam ob rem quantas turbas religiosus ille Ordo dederit, testatur magnum quoddam scriptum , quo illi tum illius prohibitionis iniquitatem ostend-

dere sunt conati. Præcipue sibi Iustiniannum propugnatorem statuunt, quasi bonus ille Princeps tantæ illorum improbæ cupiditati patrocinari, & non præsentibus necessitatibus prospicere voluerit. Atq; hinc discant Principes non indulgere, quod aliquando ex abusu in eorum dedecus & ignominiam redundet.

*Nulla in Brabantia sita immobilia, morticinij jure mancipari posse.*

## CAPVT. XIII

**N**VLLA bona immobilia, siue sint propria, siue feudalia, siue emphyteutica, siue censualia, in Provincia nostra Brabantia, Limburgica, alijs'ue Transmosanis sita, poterunt, quacunque etiam de causa, aut quocunque titulo, vendi, cedi, transcribi, permutari ad usum ullorum monasteriorum, religiosarum domuum, capitulorum, collegiorum, alterius'ue manus emortuæ: nisi istiusmodi venditiones, cessiones, transcriptiones, aut permutationes fierent nostro Iudicumque metropolium,  
sub

sub quibus vendenda, cedenda, transcribenda, permutandæve bona sita sunt, indultu consensuque communi. Neque ulli Scabini, Vassalli, alijve Iudices adesse aut interesse poterunt, ubi istiusmodi venditiones, cessiones, transscriptiones, aut permutationes ad mortuæ manus usum fient. Quicumque autem contrà facient, in indignationis nostræ poenam, & in selibræ auri multam, in nostrum usum citra dissimulationem extorquendam, incident. Et quicquid istiusmodi attentari aut obreptitiè fieri poterit, declaravimus, atque per hæc declaramus, per se nullum, invalidum, atque irritum, ac pro tali in perpetuum æstimandum atque habendum esse.

## COMMENT.

**P**HILIPPI quidem Boni Constitutio hac de re satis plenè statuit: sed quia genus illud hominū miris technis legi postmodum obrepfit, exactiore omnium descriptione distinctioneq; opus fuit. Ita superiore capite de externis collegijs nominatim statuitur: hoc omnium bonorum genera, collegiorum diversæ

rationes, & contractuum diversi modi recensentur & exprimuntur: sequenti de hæreditarijs testamentarijsq; causis, & de donationibus agitur. Et haud scio, an his etiam cancellis satis illorum improbitas obsepri potuerit, cum Iurisconsultos, cum Actuarios, cum denique ipsos Magistratus parasitos habuerint.

*Immobilia bona per causam aliquam hæreditariam testamentariamve, aut per donationem morticinij jure affici non posse.*

## CAPVT. XIII.

**S**IMILITER neque titulo generalis aut particularis successionis, neq; testamento aliave extrema voluntate, neq; donatione siue causa mortis siue inter vivos, neque ab intestato etiam, ulla immobilia bona pervenire, relinqui, aut conferri poterunt in monasteria, religiosas domos, collegia, aliasve manus mortuas. Declaramus enim, quicquid per aliquem contra  
hac



hæc fieri attentari ve possit, similiter nullum esse & irritum, ac pro tali in perpetuum æstimandum.

## COMMENT.

**H**Ac cautione vel præcipuè opus fuit, quòd, ut ad tertium caput hujus Additionis ostensum est, testamentariæ rei cognitio atq; etiam confectio penes illos fuerit. Edidit autem eadem de re Carolus, anno post sesquimillesimum vigesimo, Constitutionem prorsus absolutam.

### *De apprehensione & executione Præfeti Brabantiae.*

#### CAPVT. XV.

**B**RABANTIAE Præfectus, Latrunculator, vivariorum, sylvarum ve Præfecti, aut alij, non poterunt aliter quendam comprehendere, aut in nostris Brabantiae civitatibus executiones facere, quàm secundum tenorem instructionis suæ, & quomodo longo jam tempore consueverunt, & æquum est licetq; facere.

M 5

COM-

## COMMENT.

**H** V I C hominum generi non posse  
nimis arctas leges poni, superiori-  
bus annis experientia satis docuit.  
Et Iustinianus haud dubiè dissolutæ injuriæ  
caussa, Latrunculatores sæpius in provincijs  
ferri vetuit. <sup>a</sup>

<sup>a</sup> Novell. 134.  
§. Ad hæc  
jubemus.

*Exequendæ Inaugurationis  
mandatum.*

**D** E N V N T I A M V S igitur atq; jube-  
mus prædicto nostro Cancellario,  
virisq; nostri Consilij & Ærarij in  
Brabantia, Lovaniensi, Bruxellensi, Antver-  
piensi Præfectis, Margravio ditionis nostræ  
Rienfis, Præfecto Sylvaducensi, omnibusq;  
alijs nostris Vasallorumq; nostrorum Iudi-  
cibus, Officiarijs, ministris, & subditis, ad  
quos id pertinebit, vicarijs etiam, & cuique  
eorum separatim, quatenus quenque attin-  
get, ut civibus & incolis civitatum, muni-  
cipiorum, & pagorum provinciæ nostræ  
Brabantiae, & cuique eorum separatim, qua-  
tenus quenque attingit, procurent, permit-  
tant,

tant, & patiantur, hisce nostris gratijs, indul-  
tis, & statutis, simul etiam antè relatis capi-  
tibus sive articulis, & ijs, quæ illis co mo-  
do, quo hîc scripta sunt, continentur, tran-  
quillè, pacificè, pleneque uti & frui : ita  
ut illis in eo econtrariò neque impedi-  
mentum aut molestiam adferant, neque fieri  
patiantur. Quia ita nobis fieri placet. Atq;  
in ejus testimonium hisce nostrum sigil-  
lum curavimus appendendum. Data in ci-  
vitate nostra Brugensi vigesimo sexto die  
mensis Aprilis, anno Domini supra sesqui-  
millesimum decimo quinto.

*Ita subscriptum erat:*

*Per dominum meum  
Principem in suo  
Consilio.*

## • COMMENTARIUS.

**N** E M O in Brabantia ad ullam fun-  
ctionem publicam admittitur, nisi  
ex præscripto decimi Inaugura-  
tionis capitis, ad Inaugurationis observa-  
tionem jurejurando se obstringat. Hîc  
verò

verò etiam jubet Princeps, ut quotquot ullam functionem habent, liberam Inaugurationis atque hujus Additionis usum cuique atque fructum permittant. Neq; verò simpliciter jubet, sed in Consilio, ubi demum summa est Principum authoritas, atq; adeò Majestas. Atque id quidem indicat & subscriptio, & solennis illa clausula : *Quia ita nobis fieri placet.* Quam non ad solum Principem, sed ad universum Consilium referri oportere, nonnullis haud sanè perperam videtur. Solere enim Principes, atque adeò oportere, non nisi de Consilij sententia de rebus magnis statuere: atque quod ita communiter decretum esset (quòd Latinè etiam sub Francis decreta publica scriberentur) antiqui moris imitatione Placitum fuisse vocatum: quod ab actuarijs postmodum Gallicè scribentibus adulatoriè ita versum sit, ut ad solum Principem non sine superbiæ alicujus arrogantiae cogitatione referatur. Sed quicquid hujus sit, seriò atque summa cum solennitate Principem id jussisse, certum est: ut quicumque obsequuti non sint (sunt autem illi, prò dolor, quàm plurimi) præterquàm quòd perjurio se macularunt (quod certè detestabile est) mandata Principis tam solennia violarint.

FINIS.

# Index Capitulorum hujus libri.

<b>N</b> ihil vi, sed omnia ex prescripto juris fieri & dies juridicos observari debere,	fol. 14.
De tabulario Brabantie ejusque custode,	fol. 19.
Principem bellum non assumpturum sine consensu Ordinum: neque quicquam consignaturum, inde provincia detrimentum capiat,	fol. 22.
De titulo, insignibus & sigillo,	fol. 27.
De Cancellario & Consiliariis Brabantie,	fol. 31.
Cujusmodi Brabantie Consiliarii esse debeant,	fol. 36.
De loco Brabantie Curie & ararij,	fol. 38.
Qua lingua diplomata scribi debeant,	fol. 39.
Cujusmodi Cancellarius, Secretarij & scriba rerum clientarium esse debeant,	fol. 41.
Quotquot publicas functiones habent, ad Inaugurationis observationem jurejurando obstringere se debere,	fol. 43.
Publicis functionibus praeditos jurare debere se munera non accepturos, neque per munera publicas functiones se esse consecutos,	fol. 45.
Neque Limburgicam neque Transmosaniam à Brabantia separare posse,	fol. 48.
De libera Brabantorum sub consueto vestigali commutatione: De Sylvaducensis immunitate: & si quis Brabantus Principis causa peregre detineatur.	fol. 51.
De vijs publicis expeditis & liberis servandis,	fol. 56.
De vijs publicis & pontibus reficiendis,	fol. 57.
Neque vestigalium collectoribus, neque monetariorum socijs in magistratu esse licere,	fol. 59.
Non licere ullos captivos extra Brabantiam duci,	fol. 61.
De monetarum cudenda,	fol. 67.
Norhos nullo publico munere in Brabantia fungi,	fol. 69.
De	

# INDEX.

<i>De insontibus pugna,</i>	<i>fol. 70.</i>
<i>De homicidijs,</i>	<i>fol. 71.</i>
<i>Præfectos ipsos officia sua administrare debere : &amp; de cautione ab ijs præstanda,</i>	<i>fol. 72.</i>
<i>Officia neque locari neque pignoris jure mancipari,</i>	<i>fol. 74.</i>
<i>Brabantis alijs alios extra Brabantiam neque in jus vocare, neque ad pugna certamen provocare licere,</i>	<i>fol. 74.</i>
<i>Brabanto Brabantis bellum facere, hostibusve Brabantie suppetias ferre, capitale esse,</i>	<i>fol. 77.</i>
<i>De raptu sæminarum &amp; puerorum,</i>	<i>fol. 78.</i>
<i>Siquis homicidij accusatus judicio se offerat,</i>	<i>fol. 80.</i>
<i>De domesticis infortunijs,</i>	<i>fol. 82.</i>
<i>De ijs quæ bello comparabuntur,</i>	<i>fol. 83.</i>
<i>De dimensione fundorum &amp; constituendis terminis,</i>	<i>fol. 90.</i>
<i>De ijs qui in sodalizio D. Petri sunt,</i>	<i>fol. 91.</i>
<i>De actionibus in alios non transferendis,</i>	<i>fol. 92.</i>
<i>Quenq; contra feras fundus suos custodire posse : &amp; de venatione,</i>	<i>fol. 94.</i>
<i>De venatione,</i>	<i>fol. 96.</i>
<i>Non licere nova vivaria facere,</i>	<i>fol. 97.</i>
<i>De debitis sylvatici juris,</i>	<i>fol. 98.</i>
<i>De Præfecto Brabantie Gallicanæ : &amp; de Curia Genapiensi,</i>	<i>fol. 99.</i>
<i>Qualescunque Brabantie Officiales oportere esse Brabantos,</i>	<i>fol. 100.</i>
<i>De judicijs pagorum Santhoven &amp; Vccle,</i>	<i>fol. 105.</i>
<i>Antverpiam à Brabantia separari non posse neque Nivellâ,</i>	<i>fol. 105.</i>
<i>De Comitibus,</i>	<i>fol. 107.</i>
<i>De Curia feudali,</i>	<i>fol. 115.</i>
<i>De mundinis anniversarijs civitatis Antverpiensis,</i>	<i>fol. 116.</i>
<i>De mundinis anniversarijs civitatum Bruxellæ, Antverpiæ, &amp; Berge ad Zomam,</i>	<i>fol. 117.</i>
<i>De nationibus mercatorum in Flandria,</i>	<i>fol. 120.</i>
<i>De bonis Brabantinorum in alijs Provincijs sitis. &amp; hominibus di- versarum provinciarum libera inter se commercia fore,</i>	<i>fol. 121.</i>
<i>Husdem &amp; Bergam D. Gertrudis Brabantie annexam anere debere,</i>	

# INDEX.

debere,	fol. 123.
De pensionibus que Brabantis ex civitatibus Hollandiæ debentur,	fol. 124.
Graviam, &c. Brabantiæ annexam manere debere : atque inde ad Brabanticum Consilium provocari,	fol. 125.
De libertate mercatorum in Brabantia,	fol. 127.
De custodia debitorum,	fol. 129.
De piscatione in flumine Zenne,	fol. 130.
De rebus furtivis persequendis,	fol. 131.
Nemini re non quaesita manus injici, citare judicium sententiam tormenta adhiberi licere,	fol. 132.
Officialibus neminem ob debitum in se transcriptum, aut vi datae procuratoris, in sua jurisdictione vexare licere,	fol. 134.
Ecclesiastica beneficia non posse commendationis titulo donari : & de annui tributi monasteriorum religiosarumque dominum remissione impetranda,	fol. 136.
Confirmatio omnium privilegiorum, &c. & exceptionum renuntiatio,	fol. 138.
Confirmatio Inaugurationis : & si Princeps eam non observet,	fol. 148.

## Index alteræ Additionis.

<b>V</b> ectigalis immunem apud telonium non adesse debere mercibus,	fol. 157.
De prolongatione indulgentiarum minorum quorundam tributorum, & viariorum vectigalium,	fol. 158.
Brabantos ad tribunalia Ecclesiastica extra Brabantiam evocari non posse : & de quibus causis Ecclesiastici cognoscant,	fol. 159.
Diplomata tutelaria nemini fraudi esse,	fol. 168.
De diplomatis prorogatorijs solutionis,	fol. 169.
De vagabundis qui se Ægyptios esse dicunt,	fol. 170.
De locis promiscui usus pro vivarijs non locandis,	fol. 171.
	Ad

## INDEX.

<i>Ad vias reficiendas viaria tributa infumi debere,</i>	fol. 172.
<i>De apprehensione &amp; inquisitione in privatis aedibus facienda,</i>	fol. 173.
<i>Pecunie valore mutato quomodo solvatur,</i>	fol. 177.
<i>De concussione,</i>	fol. 179.
<i>Religiosa collegia extra Brabantiam sita, nulla immobilia in Brabantia acquirere posse,</i>	fol. 180.
<i>Nulla in Brabantia sita immobilia morticinij jure mancipari posse,</i>	fol. 182.
<i>Immobilia bona per causam aliquam hereditariam testamentariamve, aut per donationem morticinij jure affici non posse,</i>	fol. 184.
<i>De apprehensione &amp; executione Praefecti Brabantiae,</i>	fol. 185.
<i>Exequenda Inaugurationis mandatum,</i>	fol. 186.

FINIS.









